

Les plus anciens documents linguistiques de la France

Corpus : (Codi)

Responsable du corpus : -

Édition de la charte : -

## Codioo1

Édition critique

### XIII<sup>e</sup> siècle

*Type de document:* Somme du code

*Support:* Manuscrit de 51 feuillets en cahiers de 8, mutilé, 285mm de hauteur sur 190mm de largeur

*Lieu de conservation:* Bibliothèque du château d'Uriage.

*Édition antérieure:* Louis Royer, Antoine Thomas, (1983), La Somme du code. Texte dauphinois de la région de Grenoble. D'après un manuscrit du XIII<sup>e</sup> siècle.

## Transcription de la charte

**1** Livre .III. <sup>[1]</sup>. **2** [X.] [Quomodo] [debeamus] [incipere] [placitum].  
**3** (...) contestas, zo est à dire commencés· Maites veis aventure en plait  
que maintes ofensions sunt faites de l' una partia o de l' autre, e li  
una de les parties vout prumeiriment dire sa raison e li autre atressi;  
e per zo est covinabla chose que diam quaut clama deit estre oia  
prumeiriment· Si les questions e li maleficio que li una partia fait à l'  
autre sunt tauz que li una noie à l' autre, totjorz deit estre oia cilli qui  
noit à l' autre prumeiriment, issi coma si eu diu: « Zo que tu as est <sup>[2]</sup>  
men», o: « Totes le choses que tu as sunt mies, quar tu es mos sers o  
no <sup>[3]</sup> ». Pueis que oi ert saupu que tu es mos sers, tantost est saupu  
que totes tes <sup>[4]</sup> choses sunt mies, mobles e no mobles· — Atretauz  
raisons est si eu quero à ti alcuna chose e tu dis que li chose no est  
mia, quar eu soi tos sers· — Mais si les clames qui sunt faites en plait  
sunt tauz que li una no noie à l' autre, icel qui prumeiriment a fait sa  
clama deit estre prumeiriment ois e sa peticions coneua e jugia per  
amor icella lei qui dit: « Icel qui prumers apelle deit aver prumers sa  
raison si el l' a». Issi coma si eu me clamo de ti e tu de mi, li mia  
clama deit estre oia prumeiri e coineua e jugia· **4** [XI]· Qui quer  
mais que no deurit· **5** Maites veis aventure que cel qui fait clama quer  
mais que no deurit, e zo fait saipent o no saipent· Si el non o sat, non  
en deit aver pena e pot cosegre sa raison· Mais si el o sat, non i deit  
aver pena si el s' en vout repentir denant lo commencement del plait;  
mais si el o sat, e el vout perseverar en cella boisi pueis que le plait  
est commencés, si i deit aver tal pe[na] que el deit perdre zo que  
demande trop e la dreitura que el i avit avoi· E tot izo deit dire le  
jugos· **6** [XII]· De les perlongances qui sunt demandais el plait· **7**  
Qant le plait est commencés, si aventure maites veis que les parties

queront perlóngances del plait; e per zo direm ores de le perlóngances. — Le jugos deit donar perlóngances à cellui qui les quer si el les quer per dreit e no en autra maneiri. Justa causa est si una de les parties quer alongiment per sa ch[a]rtra o per ses garenties o per trovar avocat o per autra justa causa. Le jugos no deit d{o}nar legeiriment alongiment mais que una veis, o si no conuit ben justa causa per que o face. — Le jugos, quant el done alongiment, no lo pot donar ostra .III. meis si andoes le parties sunt en cella meesma terra; mais si les parties sunt en diversses terres, si pot donar tro à .VI. meis. Si li una de les parties quer tauz alongances, que die que se garenties sunt ostra mar o sa chartra, si pot donar .IX. meis e no pruis. Certes ostra cest espazio no deit donar neuns jugos alongiment si non ere molt justa causa, issi coma maladi o mauz temps, quar adonc lo pot ben donar maior si el vout.

**8 [XIII].** De les perlóngances qui sunt donais per les festes. **9**

Desore est dit generalment deuz alongiment; or direm de cellos qui son dona per les festes. — à les diomenges ni à Pasques ni à Chalendes ni à les autres festes deuz apostouz no deit neuns jugos plait tenir ni donar sentenci; e, si o fait, si no vaut si non o fait per lo consentiment de les parties, o per la chose qui est en peril de perdre, o per zo que cel qui demande no perdest s' accion si en cel jort no la comenzave, o si non ere tauz negocios qui fust fait per la volonté de l' una partia e de l' autre, issi coma si le pare gitave son fil de son poer, o si alcuns faisit franc cellui qui sarit sers, o si alcuns hom faisit son fil d' alcun homen etrango. — Atressi en meissons deit om istar .I. meis que om no deit plaideier, e per vendeimes autre. **10**

[XIV]. Denant quauz personnes devant estre tenu li plait. **11** Pueis que dit avem deuz alongiment e cores li jugo los devant donar, or direm denant quauz personnes devant estre fait li plait. — Li plait

devont estre fait denant cellos qui ant poer, issi coma sunt evesque o segnor de terra. E l' actors deit totjorz alar denant lo jujo del colpablo, e le colpablos no deit venir denant lo jugo de l' actor mais que en cest cas: issi coma en cel lue en que est fait le fait; quar zo est vers si eu fau marche, o achato alcuna chose, o fau compainni avoi un autre, o si el m' a fait covencion que el istest avoi mi tro à certain temps: en tot icestos cas deit respondre e plaideier le colpablos iqui ont fu faita li convencions. Atressi si le colpablos fait alcun maleficio, si lo deit apellar denant celui en cui senori fu fait, jaseit zo que el no seit de sa senori. — Atressi cel qui fait clama d' alcun maleficio pot apellar celui de cui la fait en quelque lue que el lo troveit. — Alcunes personnes sunt qui no sunt costraintes de venir denant lo segnor si alcuns les apelle, issi coma sunt effant e femeves e autres personnes marciables, quar zo que om lor trouve à lor profeit no deit om tornar (...) **12** [XVIII]. En qual forma sunt costraynt li effant de laisser al pare o à la mare lor falcidi quant il moront. **13** Issi quant oi est raisons que le pare laisseit son aver e sos bens al sos effant, issi est raisons que li effant, quant il morunt, laissant lor bens al pare o à la mare; e zo meesmo est de les autres personnes qui sont el poer del pare, issi coma li nevo e li autri. — E si li effant no laisunt, quant il morunt, lor bens al pare o à la mare, si no vaut le testament que il fant si le pare o li mare non ant lor partia el bens deuz effant del cui heretajo est le plait. — Issi quant le testament del pare o de la mare no vaut si no laisont à chascun de lor effant lor partia, issi no vaut le testament deuz effant si no laisont al pare e à la mare lor partia. E zo est vers si le pare o li mare no sunt lie de cas per que li effant los poissant deseretar de lor bens. **14** [XIX]. Per que li effant pount deseretar lo pare e la mare de lor bens quant il morunt. **15** Li cas per que li effant pount deseretar

los pares e les mares de lor bens sunt ·VII.: issi coma si le pare a  
bailé lo fil à mort, si le filt non avit cuida ocirre l' emperaor o alcun  
de sos coseilt; — o si le pare avit aparele verim o autre maleficio  
contra la via del fil; — o si le pare se mesclave avoi la muler del fil o  
avoir la fenna; — o si le pare li a contradit que no fesest testament en  
les choses en que lo poie fare; — o si le pare o li mare donont  
medicines al fil o à si muler de que perde lo sen, o à ocire lui, o en  
quelque maneiri que el tracteit sa mort; — o si le filt pert lo sen, e le  
pare no lo vont meger ni gardar; — o si le filt est preis del Sarazins, e  
le pare no lo vont reemer, si pert tot los bens del fil en que le filt lo  
poie heretar; e si le filt est mort, si devout estre ses choses de l'  
igleisi e devout estre donais à la reemson de cellos qui sont preis  
ostra mar; — o si le filt est catolicos, e le pare est herejos. — Zo  
meesmo est de la mare e de les autres personnes qui sont desore. E si  
non i a alcuna de cestes choses, le filt deit laisser totjort al meint la  
terci partia de tot sos bens. **16** [XX]. Cores li effant pount destruire  
la donacion que a fait le pare o li mare. **17** En la maneiri que le pare  
no pot deseretar sos effanz quant el mort, issi no deit donar en sa via  
tant à ·I. de sos filt o à autrui que li autri non aiant ben lor partia; e,  
si el o fait, si o pot querre le filt tant que el l' ait pleneiriment. **18**  
[XXI]. Si le pare o li mare donont à alcun de lor effant mais de  
vercheiri que no deuriant. **19** Atressi si li mare done tant à una de  
ses files o à autrui en vercheiri que li autri en perdant lor partia, si la  
pount querre li autri à celui cui est dona li vercheiri. **20** [XXII]. De  
la demanda de l' eretajo<sup>[5]</sup>. **21** Pueis que nos avem dit cores est  
destruit le testament del pare e de la mare, or direm cores lor effant  
pount querre lor heretajo, seiant homen o fennes cil qui la tinont issi  
coma hereter; si el non est veraiment hereters, mais el o cuide estre,  
o si el est hereters, e non o est per dreit, mais la tenie per mala fei, o

quar a laissé la possession per mal engin, o el havit tot l' eretajo o partia. — Icel hom tint l' eretajo utilment qui tint les choses de l' eretajo, issi coma sunt champ o vignes e maisons, per lesquauz raisons el pot querre alcuna chose autrui, issi coma cel qui a vendu alcuna chose de l' eretajo o fait dan en les choses de l' eretajo, issi coma si à mort o feri lo ser o les besties de l' eretajo, o si i a tailé arbros, o fait autre dan. — Atresi pot estre demandas l' eretajos à celui qui lo tint per mal engin, o qui per mal engin a laissé la possession, o qui l' a achata de celui qui non avit son sen; o si cel qui l' a vendu en bona fei per meint de preis que no valie: adonc est tenus l' achatare de rendre tot zo qui n' est venu à lui. — Atressi est tenus cel de rendre l' eretajo, qui l' a achata de celui cui el savit que non ere. — Atressi cel qui a recet l' eretajo d' autrui en vercheiri de celui cui el savit qui non i avit ren est tenus del rendre. Per cesta raison pot querre alcuns la chose de l' eretajo et les accions que i avit le mort del cui heretajo est le plait. Atressi pot querre tot los fruit qui sunt sali de les choses, o que el en poere aver au si el est gainne les choses; e zo est vers si el savit que les choses fussant d' autrui; e si el non o savit, non est tenus de rendre los fruit mais que en tant quant el n' est melures. Mais pueis que le plait est commencés de les choses de l' eretajo, est entendu que tuit cil qui tinont icelles choses les tignant per mala fei, e, per zo, devont rendre tot los fruit de les choses si elles sunt gainniés. — Cilli meema raisons, qui est dita del fruit, est de les usures d' alcuna pecuni qui ere deupua à celui de cui eu ai l' eretajo. Cel à cui est alcuna chose demanda deit rendre los fruit qui sunt en la chose, si el rent la chose, ait la tenu per bona fei o per mala. Si tu achates una chose, e de cela chose est ja faita clama à celui qui la te vent o al jugo de lui per cella chose, tu la tins per mala fei e es tenus de rendre tot los fruit. — L' ereters del mort pot querre

totes les choses del mort e celles que le mort poie querre, jaseit zo que elles no fussant soes mais li fussant essues comandais o prestais o engagiés o loiés. Totes les choses qui sunt dites pot querre l' ereters per la raison de l' eretajo. **22** [XXIII]. Quauz messions pot querre cel qui rent l' eretajo. **23** Icel qui tint la chosa de l' eretajo per bona fei o per mala, si autre li demande los fruit de la chosa, el pot demandar les mesions que i a faites, issi coma en arar o en sennar o en serclar o en reculir lo bla. Mais si cel qui tenie l' eretajo a fait tauz messions qui no poessant remanir de fare senz lo destruisiment de la chosa, issi coma maisons qui furant destruites si no fussant refaites, si pot retenir icella chosa en que a fait les messions tro que el les ait recora, e zo per l' oficio del jugo e no en autra maneiri, sol que li chosa en seit meluria; donques o deit recorar en tant quant li chosa n' est meluria. — Mais si les messions sont tauz faites que li chosa non en seit meluria, mais sunt faites per deleit, issi coma peintures, o que li chosa solament en apareisse meilt, no pot querre icelles messions, mais el en pot ben ostar icelles peintures, si el vout, en tal maneiri que li chosa non en vaille meint que faisit denant. E si cel qui demande la chosa l' en vout tant donar quant li peintura vaudrit quant illi en sarit osta, si no la pot moure. — Tot izo qui est dit de les messions est de l' oficio del jugo. **24** [XXIV]. Quant dure li peticions de l' eretajo. **25** Cesta raison per que alcuns quer heretajo no pot perdre l' ereters tro à .XXX. anz contra cellui qui tint la chosa. E si el la tint per mala fei e el l' a tenu .XXX. anz, certes ben se pot defendre, sol que no l' ait achata de cellui qui ere for del sen, o per autra raison qui li seit encontrado. **26** [XXV]. Cores alcuns pot querre totes choses singularment. **27** Pueis que dit avem cores alcuns pot querre heretajo generalment, ores direm cores om pot querre totes choses singularment. — En cesta peticion, quant alcuns

quert alcuna chose corporalment, deit om regardar qui est cel qui pot querre la chose, e qui est cel cui om la pot querre. Icel qui est segner de la chose la pot querre en cella maneiri que cel qui l' a en feu la pot querre, jaseit zo que li segnori no seit soa, si la pot querre à tot cellos qui la tinont, sol que el ait poer de rendre la chose, o si el l' a meiparti per son mal engin. E non est tenus de rendre lo preis à celui qui la tint si el l' a achata. — Cilli meesma raisons est si cel qui tenie la chose l' a autrui amana per so mal engin per zo que no en fust meis en plait; e atressi i pot estre meis coma si el la tenest. E si per sa colpa a perdu la possession pueis que le plait fu comencés, jaseit zo que el non est perdu sa causa à sa volonta, si la deit rendre issi coma cel qui l' a dona o vendu. — Mais si cel qui tenie la chose al commencement del plait l' a perdu denant que jugement en fust donas, issi coma si li chose est morta sent sa colpa, si est desliuras que el non i deit aver neun dan, si cel qui la li querie no la li avit vendu, e que el est au salf lo preis de la chose, si el la li est rendu al commencement del plait, quant el la demandet. E est à saver que si cel cui eu quero alcuna chose en que eu ai dreit la tint, que el no pot ajostar la possession en que el a ista denant lo plait à cella qui est après lo commencement del plait. **28** [XXVI]. Quauz dreit est si alcuns no vont rendre la chose de que el est vencus en plait. **29** Pueis que cel hom est vencus en plait, à cui li chose est demanda, le jugos li deit comandar que el rende la chose e los fruit segunt zo qui est dit desore. E si el non o vont fare per lo comandament del jugo, le jugos la li fare toudre, si el l' a ni om la pot trovar. E si le jugos no la pot trovar, o cel qui la tenie l' a laisé per boisi, le jugos li deit comandar que el doneit tant à l' actor quant el voudre jurar, si el no jurave ostra mesura, quar adonc le jugos deit mesurar lo sariment. — E si cel qui est vencus de la chose que alcuns li querie no l' a ne l' a laissé

per mal engin, le jugos lo deit condempnar en tant quant li chose valie. E si li chose laqual alcuns demande est peuria o destructa, le jugos deit fare emendar lo dan, si li chose est peuria per la colpa de celui qui la tint. E si li chose est peuria per lo fait d' autrui, le segner de cella chose deit esmendar lo dan, e pot aver accion contra celui qui a fait lo dan. — Si cel qui tint alcuna chose per bona fei en est vencus en plait, tuit li fruit que el en [a] au per son travail sunt sen, ester cellos qui sunt nascu sent travail, issi coma fens e pom e peruz e chastanes e le semblablo à cestos: icestos fruit deit rendre si el los a, e si no los a, si los deit esmendar. Mais si el a tenu la chose sent justa ochison, jaseit zo que el l' ait tenu en bona fei, certes deit rendre tot los fruit, o si el no los a, tant quant el n' est melures. Mais neuns qui tint en bona fei la chose non est tenus del fruit de la chose si el no n' a au alcuna chose. — Icel qui tint la chose de que est le plait en bona fei, si el demande les mesions que i a fait, e autre demande los fruit, ben o pot fare, e deit contar les mesions per los fruit, issi co vint rassonablament, jaseit zo que el aest gainne la chose per justa causa. — Icel hom qui rent la chose de que est essus meis en plait, si alcuns li querit los fruit, el en pot retenir tant quant el a fait de mesion en arar, en sennar, en serclar e en reculir lo bla, o en autra maneiri utilment. E cesta raison pount aver tuit homen, tignant la chose per bona fei o per mala. — Li mesions que fait le posseere de la chose o illi est necessari o illi est utiuz o illi est volontari<sup>[6]</sup>. Et de cestes est diverssa raisons. Icilli mesions est utiuz, per que li chose est meluria, jaseit zo que, si li mesions no fust faita, pero li chose no fure peuria ni destruita, issi quant est fare fenestra en la maison quar grant meters i ere, o plantar vigni o arbro. — Icilli mesions est volontari que fait alcuns per deleit, issi coma peintures; e de cesta mission est hom tenus, issi quant est dit

desore euz autres chapitouz. — Icel hom qui a la chose d' autrui non est constraint de rendre la chose mais que celui qui i prove sa justa raison. — Izo devem saver que quant alcuns querit alcuna chose, e est dota de la possession, que om non est certans quauz tint e quauz non, le jugos deit prumeirment conuisser de la possession, per zo que el saipe quauz deit provar e quauz no. **30** [XXVII]. Per qual raison pot estre demanda chose no corporauz. **31** Pueis que dit avem cores devant estre demandais le choses corporauz, ores direm cores devant estre demandais les choses no corporauz, zo est à dire usament de fruit e li servitu que a l' uns en la chose de l' autre, issi coma si eu ai raison d' allar per ton champ al men. Per celles meesmes raisons per que pount estre demandais les choses desore dites, pount estre demandais cestes raisons. E cesta raison pot aver chascuns no solament el champ d' autrui, mais encor en sa maison, issi coma si alcuns a maison justa la mia e eu ai raison que le destelt de ma maison chae sore la soa, o si eu i ai tal raison que eu poiso metre mos tras en la parei de la soa. Icesta dreitura pueis aver en maintes maneires, issi coma si cel cui ere li maisons m' a laisé tal servitu en testament, o si eu li ai dona tant de mos deners per que eu poiso fare. Icestes dreitures que eu ai dit desore, e les autres qui semblont cestes, apellem servitus per zo quar tos champs sert al men, o ta maisons à la mia. Icestes dreitures pueis perdre en maintes maneires, issi coma si eu achato lo champ o la maison en que eu avim tal servitu, o si li mia chose perist. — Atressi la pueis perdre si eu isto per ·X. anz o per ·XX. que eu non useiso de cella servitu. — Alcuna servitus est que eu pueis aquerre si eu en ai usa per ·X. anz o per ·XX. si el non est en la terra, et zo non ai fait per forci ne per preieires que eu n' aio fait à cellui cui ere le champs. Icestes servitus e maintes autres pueis querre per cella meesma

raison per que eu pueis querre les choses desore dites. — E cisti  
raison qui est dita per que alcuns pot querre servitu no [se] pert al  
meint tro à ·X. anz si andui sunt en la terra, l' actors o le colpablos, o  
autre per lor. **32** [XXVIII]. De la servitu qui est apella usament de  
fruit. **33** Pueis que dit avem cuminalment de les servitus cores le  
champs o li maisons d' autrul sert al nostro, ores direm cores le  
champs o li maisons d' autrui sert à nostra persona, e cisti servitu  
est apella us de fruit. Us de fruit est dreitura d' usar de l' autrui  
chosa en tal maneiri que cilli chosa remaingne salva. Us de fruit est  
aquist en la maneiri que les autres servitus de que avem dit desore. —  
Quant alcuns aquert us de fruit, si deit metre seurta que el usare de  
cella chosa issi coma prosom, e que el no fare en la chosa per que illi  
seit peuria, e que el la rendre al segnor de la chosa quant l' us del  
fruit ert fenis. **34** [XXIX]. En quauz choses pot aver alcuns us de  
fruit. **35** En totes choses mobles e no mobles pot estre ordenas us de  
fruit, mais que en celles choses qui no pount estre gardais si alcuns  
les vont usar, issi coma sunt vins e blas e vestiment. Mais quar en  
celles choses no pot estre us de fruit, si est ordena que celles choses  
seiant donais à cellos qui devont aver us de fruit, e il devont fiancer  
que il rendant lo preis de celles quant l' us del fruit ert fenis, issi  
coma en cest exemplo: si alcuns m' a laisé en sa mort us de fruit de  
vin o d' uelio, deit estre estimas, e eu fermarei que eu rendo lo preis  
à lui o à son hereter el temps que l' us del fruit sare fenis. **36** [XXX].  
En quauz maneires est fenis us de fruit. **37** Us de fruit se fenist en  
manties maneires, issi coma si cel mort cui est l' us del fruit, o si el  
gainne la chosa en que el l' a. — Atressi fenist si cel cui est li  
proprieta gainne l' us del fruit. — Atressi fenist si li chosa mort o si li  
maisons art o chat. — E si cel cui est l' us del fruit iste en cella terra  
·X. anz, o en autra terra ·XX. anz, que el non useit ne autre per lui,

si a perdu l' us del fruit. — Icel qui a us de fruit en alcuna chose, issi coma en champ o de vigni o de besties, si deit aver tot lo profeit qui sailt d' iqui [7], ...quar adonc no deit ni pot aver lo fil de lei. — E per zo quar cel cui est l' us del fruit deit aver lo profeit de la chose, dreit est que, si una de les vis mort, que el en planteit autra, e si uns deuz arbros mort, que el en planteit autre [8]. Atressi si el a us de fruit en un tropel de feies o d' autres besties, e una o pruisors en morunt, si les deit restorar de celles qui naissent. — Atressi si el a us de fruit en una maison, si la deit cuirir e non i deit ren peurer. Cel cui est l' us del fruit lo pot donar o vendre e fare sa volonta, salf lo dan de celui qui est li proprieta. **38** [XXXI]. Del dan que fait l' uns à l' autre senz raison. **39** Pueis que dit avem cores alcuns pot querre ses choses e ses dreitures, ores direm cores alcuns pot querre son dan que alcuns fait per lo dreit d' autrui. — Icel fait dan en les nostres choses per cui nostres choses sunt peuries e destruites per sa colpa e li colpa fu denant lo dan, issi coma en cest exemplo: alcuns mejos talet mon ser e per zo est mort quar no lo sot ben taler. — Atresi si alcuns se charget trop e per zo cheegue, si per zo à mort mon ser o si m' a fait autre dan, si m' o deit esmendar. Cilli meesma raisons est si sore eiga [9] chargave la besti que menave, e el cheit e feit dan à mi. En tot cestos cas est li colpa denant lo dan. Maites veis est li colpa e le danz ensemble, issi quant est en cel mejo qui savit ben taler l' omen malado, e per sa colpa l' a mal talé, e per zo est mort. Maintes veis est li colpa après lo dan, issi coma est en cel mejo qui savit ben taler l' omen e, pueis que l' ot ben talé, no lo volit meger, e per zo est mort. En tot cestos cas e el semblablos deit à mi esmendar lo dan que eu i ai si mos sers est mort. Mais si danz aventure en mes choses senz la colpa de cellui qui o fait, si no m' o deit esmendar, issi coma si alcuns en deffendenz si meesmo fait à mi dan, no m' o deit

esmendar quar tuit ant licenci de defendre se lor cors. — Atressi si el est chavalers, e el cort per lo lue per que soliant corre li autri en jue, e el o sos chavauz ucit alcun homen o li fait autre dan malgra lo chavaler, no l' en deit ren emendar. — Prumeiriment deit hom regardar qui pot querre lo dan per cesta raisson e à cu i pot estre quist e que i pot gainer per cesta accion. Per cesta accion pot le segner de la chose querre lo dan qui li est fait en la chose à celui qui lo li a fait, issi coma cel qui a mal talé lo ser, e per zo est mort, e à celuiui [10] lo pot querre qui li a fait dan si oi est per sa colpa, issi coma si alcuns a comanda à mon ser que el poiest sus un arbro, e el per amor de zo est mort o peures, cel qui li o avit comanda me deit esmendar tant quant el est peures; e si el est mort, si me deit esmendar tant quant el pruis valie lo jort que el est mort. — Mais si li chose non est morta ne peuria, e en autra maneiri me vint danz per ta colpa, si m' o deis esmendar, issi coma si tu as gita ma copa d' argent en l' aiga, jaseit zo que illi no seit peuria, tu la me deis esmendar. — Si alcuns querre lo dan qui li est fait per cesta raison, e l' autre li o cofesse, se li o deit emendar issi quant est dit desore. Mais si l' autre li o desneie, e el o pot provar per bones garenties, si li deit esmendar dos tant que no feire si el o est cofessa. — Mais si l' actors non o prove mais que per son sarament, que li autra partia li o comandeit o le jugos, que jureit quant li a fait de dan cel de cui a fait la clama(...). [11]. **40** [XXXII]. **41** Per cesta raison pot querre lo dan si le plait ere commencés denant que fust mort cel qui avit fait lo dan. E le heretors de celui à cui est fait le danz lo pot itan ben querre co farit cel cui ere fait le danz, si el visquest, quar cisti peticions no se pot perdre tro à .XXX. anz, si cel vit qui a fait lo dan o est essus meis en plait denant que el fust mort. [12] [XXXIII]. Quauz raisons est entre cellos qui volunt partir lo cuminal heretajo. **43** Ores direm

cores deit estre partis le heretajos entre cellos qui lo tinont. — Icesta peticion de partir l' eretajo pot fare chascuns deuz hereters à l' autre, si el vout<sup>[12]</sup> partir l' eretajo, jaseit zo que li autri non o voilant. Mais si alcuns deuz otros desneie que cel qui vout partir no seit ereters, si deit provar que el o seit. — Per cesta raison pot alcuns demandar sa partia de totes les choses de l' eretajo, mobles e no mobles, e los fruit qui sunt en sa partia. — Atressi deit aver sa partia de totes les dreitures que avit le mort contra tot homen, issi coma si cel qui est mort avit alcuna dreitura de querre alcuna chose à autrui. — Atressi si alcuns deuz hereters fait dan en la chose cuminal o prent alcuna chose o del fruit de l' eretajo, si o pount querre li autri. **44** [XXXIV]. Quauz mesions pot querre alcuns deuz hereters si el les a fait en les choses cuminauz. **45** Si alcuns deuz hereters a fait mesions en la chose cuminal, issi coma si a reems la chose cuminal que le mort avit meis e[n] gajo, o en autra maneiri i a fait messions, si les deit aver mais que celles que a fait per sa partia. En cest jugement deit regardar le jugos que li partia de totes les choses de l' eretajo seit faita dreitureiriment; e si i a alcuna chose qui no poisse estre partia, issi coma chavauz o liuros, e cella deit juger le jugos à un deuz hereters; e cel qui aure la chose deit donar tant auz otros quant le jugos estimare cella chose. **46** [XXXV]. Quauz choses no devont estre parties. **47** Alcunes choses sunt que, jaseit zo que elles seiант en l' eretajo, no devont estre parties, issi co sunt liuro d' art de nigromanci e males medicines, que tot izo deit estre ars e destruit. **48** [XXXVI]. Qui deit gardar lo testament e les autres choses cuminauz. **49** Autres choses sunt qui no pount estre parties, issi coma le testament del mort o autres chartres d' aver o de pecuni, mais le jugos deit comandar que cel les<sup>[13]</sup> gardeit qui est de melor fei. E si l' uns no les creit à l' autre, le jugos les deit comandar à

alcun proomen o les deit metre en l' igleisi. Mais si li hereter no se pount acordar quauz les tigne, si en devont gitar sorz. Atressi les choses que le mort tenie en gajo o en autra maneiri, en bona fei, devont venir en comunita. **50** [XXXVII]. Quauz dreit est si li chose qui est echeuta en partia à alcun deuz hereters li est osta raisonablament. **51** Pueis que li partia de l' eretajo est faita, le jugos deit comandar que chascuns deuz hereters mete fianci auz autres que, si alcuna de celles choses est osta à alcun de lor per dreit, que li autri li esmendant chascuns per sa partia. **52** [XXXVIII]. En qual maneiri deit le jugos partir l' eretajo. **53** Le jugos deit regardar que chascuns deuz hereters aie ({sic}) tal partia quant le mort a comanda. E si le mort no n' a parla, le jugos o deit partir esgalment. Iesta petition pot fare chascuns deuz hereters tro à .XXX. anz.

**54** [XXXIX]. Quauz raisons est entre cellos qui volunt partir alcuna chose cuminal. **55** En cella maneiri que deit estre partis l' eretajos cuminauz, si deit estre partia alcuna chose, quant illi est cuminauz, entre divers homent. E si l' uns i fait dan o mession, si o deit à l' autre emendar, e l' autre à lui. Maites veis aventure que cil qui ant chose cuminal no queront que illi seit partia, mais que chascuns en face zo que li are mester; issi co si dui homen ant una parei cuminal e volunt que chascuns mete son tra en cella parei, certes ben o pount faire. — Atressi si dui homen ant alcuna chose cuminal, e le sers gaine alcuna chose à la pecuni de l' un, cel de cui est li pecuni pot querre zo que el a gainé à sa pecuni. Le jugos deit partir dreitureiriment entre los compaignons qui se sunt meis en son poer, e si li chose est tauz que no poisse estre partia, le jugos la deit preiser e partir lo preis entre los compaignons, e li chose remaigne à un solet. Le jugos deit comandar que li compainon se promettant que, si li chose cuminauz est osta à l' un, que li autri li o emendant.

Cisti peticions dure tro à ·XXX. anz· Certes li hereter de lor ant cesta accion si li compainon ant laisé les choses cuminauz, jaseit zo que li compaini seit fenia· **56** [XL]· Si le sers d' alcun fait dan o maleficio· **57** Or direm quauz dreitura est si le sers fait dan· Si le sers fait dan o alcun maleficio, issi coma laronicio o rapina o autre mal, le segner del ser est tenus, per cel dan, que el l' esmendeit, issi coma si hom francs lo est fait, o que el rende lo ser à celui cui le dant est fait· E zo est vers si le sers est el poer del segnor, e si le segner l' a gita de sa maison per engan, issi coma si l' a vendu o dona o l' en a fait fuir; atretant li vaut coma si l' avit à sa maison· Mais si l' a perdu sent engan, neuns no l' en pot ren querre si per la colpa del segnor no fu le dant· — Mais si le sers feit lo maleficio per lo comant del segnor, o si le segner o sot o li o poere viar e no li o viet, le segner n' est tenus issi coma si el o avit fait· — Le sers qui fait dan e pueis devint francs, si om li demande que el esmendeit lo dan, si lo deit esmendar· — Atressi si alcuns coffesse en plait que le sers qui a fait lo dan seit sens, el est tenus de cel dan issi coma si le sers fust sens· **58** [XLI]· Qui pot querre lo dan que a fait le sers· **59** Icesta peticion pount fare cil en les cui choses est fait le danz, issi coma si le sers estrangos a feri o mort lo men ser o fait autre dan, issi coma si m' a talé arbro o mort o nafra ma besti· — Alquantes veis pot querre lo dan cel cui non est li chose en que est essus fait le danz, issi quant est cel qui avit la chose e[n] gajo o la tenie en autra maneiri· **60** [XLII]· Quant pot estre demanda per cesta raison· **61** Per cesta peticion pot estre demandas le dant que a recet alcuns, e cest dant deit estre estimas issi coma si l' est fait alcuns francs hom· **62** [XLIII]· De l' officio del jugo· **63** Le jugos deit estimar que le preis del dan seit emendas à celui cui est fait le dant, e li face rendre lo ser; e zo deit estre en l' arbitrio del segnor pueis que jugiment en ert donas, si non a ista per

tant grant temps que non ait esmenda lo dan ne rendu lo ser, que autre lo mete en plait, quar pueis que are ista tant grant temps, ert en l' eleccion de celui qui a recet lo dan; e, si el vout, l' autre li deit rendre lo ser, jaseit zo que le dant seit maier que le sers no vaut. E cisti raisons dure tro à ·XXX. anz si le sers vit tant. Mais si le sers est mort denant que le segner en fust meis en plait, e le segner non i avit colpa, el est desliuros del dan que avit fait le sers si le segner no li o avit comanda, o no sot quant el feit lo dan, o si el non o sot en tal maneiri que el li o poest viar. Cilli meesma raisons qui est dita, del ser qui fait dan en la chosa d' autrui, est de la besti d' alcun si illi fait dan en la chosa d' autrui. **64** [XLIV]. Per qual raison pot alcuns costrainer autrui que mostreit la chosa de que est le plait. **65**

Maites veis aventure que li chosa qui est demanda non apareit, o cel qui la tenie no la demostre per son mal engin. Per zo est raisons ordena que cel qui a dreit en la chosa pot demandar que l' autre la demostreit. — Cisti raisons est dona per cellos que tinont la chosa e volunt la mostrer, e contra cellos qui laissent la chosa per mal engin. — Per cesta raison pot estre demanda que cil qui tinont la chosa la demonstrant issi bona quant illi ere al commencement del plait, e est tenus de esmendar lo dan de que li chosa est peuria per sa colpa. — Atressi pot alcuns demandar los fruit e los profeit que el ore au de la chosa si li fust rendua quant le plait fu commencés. Icisti raisons est dona solament de les choses mobles, e dure tro à ·XXX. anz. **66**

Livre IV. **67** [I]. Ici comence le quart liuros, e parle deuz sariment qui sont fait el plait quant non i a garenti ni autra prova. **68** Ores direm del sariment que fait alcuns en plait quant non i sunt garenties ne proves e, si i sunt, non i sunt tantes quant n' i ariant mester. **69** [II]. Cores le jugos deit fare jurar. **70** Quant garenties ne proves no sunt en aucun negocio issi quant li leis comande, si a

mester que le plait se fenisce per sariment, quant apareit que li una de les parties dit melt ver que li autra, o per l' una de les personnes qui vaut mais que li autra, o per sa raison que dit meilt en plait. Mais si les parties sunt egals e non apareit pruis de l' una partia que de l' autra, si pert son plait cel qui apelle si no pot mostrar zo que demande, ni en tal lue non a lue cest sariment. En cest sariment deit om regardar quauz persona lo fait e contra qual persona à zo que seit sos danz. Alcunes veis le jugos done cest sariment à una de les parties, e alcunes veis li una partia à l' autra. **71** [III]. Quauz persona pot donar cest sariment. **72** Quant una de les parties done icest sariment à l' autra, si deit estre tauz persona qui poisse fare son dan e son profeit. En autra maneiri no vaut, quar, si en autra maneiri est fait le sariment, no sare neuns danz à celui contra cui ert fait si el non i a tuaor e no fu fait per la volonta del tuaor. Li chosea deit estre regarda que tant solament i seit contencions<sup>[14]</sup> de fait, issi coma si eu quero à ti .C. souz que t' ai prestas, e tu dis que no. Adonc quar li contencions<sup>[15]</sup> est de fait, si eu volo à ti donar lo sariment, o tu à mi, si se pot fenir le plait. Mais si li contencions<sup>[16]</sup> est de dreitura, issi coma si tu me recognuis cella pecuni e tu dis que tu no la me deis paier per alcuna raison, de zo no se deit fare sariment, mais est en la conuisenci del jugo qui regardeit si est dreitura o no. **73** [IV]. En qual forma deit alcuns jurar. **74** Icest sariment deit estre fait issi quant el est donas à fare, mais si eu dono à ti lo sariment en una maneiri, e tu lo fais en autra, no vaut. Cilli meesma raisons est si le jugos comande à l' una de les parties que jureit que zo seit vers issi quant illi o dit, e illi o jure en autra maneiri. E si non est dit en qual maneiri deipe jurar, si deit jurar que zo est vers issi quant el o dit. **75** [V]. Quauz profeit sare à celui qui fare cest sariment. **76** Tant fort deit estre gardas icest sariment que cel qui lo fait o lo vont fare,

mais perdon li est, pot querre tro à ·XXX. anz zo que el a jura que autre li deit, e el e sos heretors. E si el a jura que el no deit ren à son aversario, tot temps mais se pot defendre el e sos heretors. Cisti donacions de sарiment, que fait l' uns à l' autre, vaut en la maneiri qui est dita e no en autra. Alquantes veis aventure que cel qui a dona à l' autre lo sарiment se pot repentir, issi coma si el a trova ses proves o ses garenties. E zo est vers que el se pot repentir si le sарiment non est encor fait. — Mais pueis que le sарiment est fait, jaseit zo que el ait jura malvaisement, no deit estre destruit le sарiment, ne deit om demandar si el a ben jura o mal. E zo que el a jura deit le jugos fare tenir fermament. — Alquantes veis aventure que le sарiment qui est fait pot estre fraint, issi coma si el est fait contra celui qui est mener de ·XXV. anz e le jugos est tauz qui lo poisse restituir. 77 [VI]. De l' aver qui est presta. 78 Ores direm cores est tenus cel qui receit la pecuni d' autrui en prest, e quauz chose pot estre presta. Icilli chose pot estre presta qui pot estre numbra o pesa o mesura, issi coma dener o ors o argent o blas o vins. Si eu te presto pecuni, tant tost quant tu l' as recet tu es ouligas à mi si li pecuni ere mia. — Mais si li pecuni non est mia, tu non es ouligas à mi tro que tu l' aies despendu, e cel la te pot querre cui est li pecuni; mais pueis que tu l' ares despendu en bona fei, tu es ouligas à mi, en quelque maneiri que eu l' aio au, e no à celui cui est li pecuni, si tu no l' avies despendu en mala fei. — Icilli meesma raisons qui est dita, si eu ai prest la pecuni d' autrui, est si eu soi tauz persona qui non aio poer de ma pecuni, issi coma si eu soi enfes o sers o for del sen. — En prest deit estre regarda li persona de celui qui preste e de celui cui est presta. Li persona de celui qui preste deit aver mais de ·XXV. anz, e si a meint no vaut le prest. — E li persona de celui cui est presta deit estre tauz que saipe fare son dan o son profeit e que no

sein el poer d' autrui, issi coma le filt est el poer del pare. — Icel qui  
receit pecuni per prest, si el est tauz persona qui se poise ouligar, est  
tenus del rendre, jaseit zo que pueis la perde en alcuna maneiri. — E  
cesta pecuni pot querre cel qui l' a presta e sos hereters à celui cui l'  
a presta e à son hereter. E si eu ai presta ma pecuni per nom d'  
autrui, cel autre la pot querre si el vont, e non eu. E cisti raisons  
dure tro à ·XXX. anz. **79** [VII]. Si alcuns paie zo que no deit e vont o  
pueis querre. **80** Maites veis aventure que alcuns cuide deure, e no  
fait, e per zo paie la pecuni que el no deit, e cel qui o fait à tal raison  
que el pot querre cella pecuni à celui cui l' a paié, ait la el paié per si  
o autre per lui. — Atressi si alcuns a fait testament e a fait son  
hereter d' alcun homen estrango e a laisé de sa pecuni à alcun  
homen per don, e l' eretors de celui a paié la pecuni issi quant le  
mort a comanda, e leiesmos hereters, à cui devit estre l' eretajos sent  
testament, a recora l' eretajo, icel hereters pot querre icella donacion  
que le mort avit fait, e zo est vers si cel leiesmos hereters no fu filt  
del mort: jaseit zo que el ait recora l' eretajo, el no pot querre lo don  
que a fait le pare. — Atressi si alcuns a paié alcuna chose per mi sent  
mon comant, e eu non o devim ne o ai volu aver per ferm, eu o pueis  
querre celui cui alcuns a paié per mi. — Atressi si eu escrio que eu ai  
recet pecuni d' autrui qui la me devit prestar, e non o a fait, e eu fui  
issi fouz que eu li ai paié, quar la cuidavo never, eu la li pueis querre.  
Cilli meesma raisons est si eu ai promeis à alcun per faliment, e eu  
pessavo que eu li deupesso, e per cella promeissa li ai paié, si o pueis  
querre; e encor, denant que eu li aio paié, lo pueis costrainer que el  
me desliureit. **81** [VIII]. De celui qui a paié à son escient zo que el  
savit ben que no devie. **82** Maites veis aventure que cel qui paie zo que  
no deit non o pot recorar, issi coma cel qui savit que non o devit e a  
o paié, quar oi est entendu que el o ait dona. — Atressi cel qui paie

per jugiment o per transaccion o per sariment, zo est que alcuns a jura que cel li devit pecuni, non o pot querre, quar oi est entendu que cel qui paie per cestes choses o deuest veraiment; e cel qui paie vercheiri no la pot pueis querre. E cel qui cuide dever alcuna chose à l' igleisi per la mort d' alcun et non est vers, si el paie à l' igleisi, non o pot querre. **83** [IX]· Si alcuns paie zo que no deit, si o pot querre. **84** Icel qui a paié zo que no devie o pot querre e tot los fruit qui sunt sailli de la chose e les usures, si le plait est comencés, e les autres choses qui i creisont deis lo jort que le plait est comencés. — E si li chose est perdua per la boisi o per la colpa de celui cui est essua paia, si deit rendre lo preis que valie li chose. Mais si el l' a perdu, que non i ait boisi ni seit sa colpa, si no l' en pot om ren querre. Cesta peticion pot fare cel qui a paié zo que no devie e sos hers à celui cui o a paié e à son ereter; e dure tro à ·XXX. anz pueis que li chose est paia. **85** [X]· Si alcuns done deners autrui per zo que li face alcuna chose, e el no fait zo per que la li done. **86** Issi quant cil qui ant paié zo que no deviant e pount o querre, atressi cil qui donont pecuni per les choses qui sunt à venir, e elles no vinont, pount querre zo que ant dona, issi coma si eu t' ai dona ·XX. souz per zo que tu m' alesses en Franci, e tu no lai es alas, eu los te pueis querre. E zo est vers si oi remant en ti; e jaseit zo que no remainne en ti, eu los pueis querre si li chose no est encor comencia per que eu t' avim dona ma pecuni. — Mais si tu n' as fait mession, eu no me pueis repentir que ta mesion no te rendo. E si li chose per que eu t' avim dona ma pecuni est faita, si no te pueis ren querre. — Si eu ai dona à ti ·X. souz per zo que tu alesses avoi mi tro à Monpeiller o me fesesses autra chose, e eu no t' ai dit per que los te donavo, jaseit zo que tu ren no m' aies fait, eu no te pueis ren querre, quar oi est entendu que eu los te volesso donar. **87** [XI]· Que pot estre

demandá per cesta raison. **88** Per cesta raison pot alcuns demandar la chose que alcuns li donet, o tant quant li chose valie. Maintes veis pot om querre autra chose que om non a dona, issi coma si eu t' ai dona .X. souz, que tu m' achates un ser e fessesses lo franc, si tu l' as achata e no l' as fait franc, eu lo te pueis querre denant que tu lo faces franc. E cisti raisons dure tro à .XXX. anz. **89** [XII]. Si alcuns done pecuni autrui per zo que face alcuna laida chose. **90** Quant eu dono alcuna chose à alcun homen per zo que el face alcuna chose qui li seit laida o contra [raison], o est laida de fare à mi o à lui, per zo direm ores quauz raisons est de cestes choses. Si li chose, per que eu te dono o te prometo de donar, est laida de fare à mi e à ti, issi coma si eu te dono per zo que tu faces laronicio o adulterio, o ucies un homen o faces autre vituperio, adonc si eu t' ai ren promeis, jaseit zo que tu o aies fait, eu no soi tenus del rendre, per zo quar eu t' o ai promeis per laida causa. E si eu t' ai paié zo que t' avim promeis, e tu non o as fait, certes eu non o pueis querre ne te pueis costrainer que tu o faces. — Mais si li chose est laida tant solament de part ti, ben te pueis querre zo que t' avim dona per zo, issi coma si eu t' ai dona pecuni per zo que tu me rendesses la chose que tu me devies rendre, o si tu volies fare laronicio o autre laida chose, e eu t' ai dona pecuni per que tu non o fessesses, jaseit zo que per la pecuni o aies laissé, eu te pueis querre zo que t' ai dona; e si eu no t' ai paié, ma defensions est meler que ta peticions, quar tu o deuperes laisser sent tota pecuni. — Atressi si eu dono alcuna chose à alcuna putan per zo que illi gace avoi mi, e illi pueis non o vont fare, eu no li pueis querre zo que li ai dona, quar li causa est laida de part mi. — Mais si eu prenno alcun en adulterio o en autre laida causa, e el per zo me done de son aver, jaseit zo que el lo m' ait dona per laida causa, pero, quar lo m' a dona per paor de mort, certes si lo me pot querre. E zo

est vers si lo m' a dona domentres que el ere en cella paor; mais si el  
lo m' a dona pueis que el est salis de la paor, no lo pot querre. (...)

**91** [LXVI.] [De] [convencionibus] [quas] [faciunt] [venditor] [et]  
[comparator] [inter] [se]. **92** ...alcuna chose, e fauf tal covencion  
que, si el no m' a paié lo preis tro à un certan temps, que li  
vendicions no vaile, ben vaut tauz covencions; e si non a paié al  
temps qui est dit, si me deit rendre la chose e los fruit qui i sont  
creu. Zo qui est dit de cesta covencion est en mon plaisir, quar, si eu  
volo, eu pueis querre la chose o, si eu volo, eu pueis querre lo preis e  
les usures. Mais pueis que eu arei comence de querre l' una chose,  
eu no me pueis repentir de querre [l]'[autra]. Cilli meesma raisons  
est si el a paié una partia del preis, en tal covencion que, si el non a  
paié l' autra partia tro à un certan temps, que el perdest cella partia  
que el avit paié e que el rendest la chose à mi. **93** [LXVII]. Del ser  
qui est vendus en tal covencion que seit portas en estrangi terra.

**94** Si alcuns a vendu ·I. ser en tal covencion que el fust gitas for d'  
alcuna cita, ben vaut cilli covencions. E si l' achatare fraint la  
covencion, e pena i est essua meisa, le vendire pot pendre lo ser e  
pot querre la pena qui i est essua meissa. — Atressi si eu vendo  
alcuna sirventa en tal covencion que illi no seit meissa en putari, cilli  
covencions vaut. E si illi vait en les mans de maintos homenz, totjorز  
deit estre tenua cilli covencions, que neuns hom no la deit metre ni  
pot en les mans de putari. E si illi i est meissa, le vendire la pot  
pendre, e sare franchi e sare liberta del vendaor qui avit fait tal  
covencion. E zo est vers si le vendire no l' i a pueis meissa o non a  
cosenti que autre l' i mesest; mais si el l' i a meis o a cosenti que  
autre l' i mesest, illi est tantost franchi, e el pert lo dreit que el avit  
en lei. — Atressi si alcuns a vendu un ser en tal covencion que l'  
achatare lo fesest franc tro à un certan temps, si el non o fait, li leis

lo fait franc tantost. **95** [LXVIII]· Si alcuns aliena la chosa qui est morbosa o viciosa. **96** Pueis que dit avem de les choses que alcuns vent o achate, or direm quauz raisons est si en la chosa qui est vendua à alcun vizio. — Tauz vizios pot estre en la chosa que li vendicions en pot estre destruita, si l' achatare vout, issi quant est maladi. Maladi est icilli chosa qui no laise à homen o besti fare zo que naturalment deit fare, issi coma si hom o besti pert lo membro, o a autre mal que no se pot ajuar. — Maladi est qui totjorz vint de mal[a] sanita de cors, issi coma feura. Autre vizios est qui vint de cor senz mala sanda de cors, issi coma si le sers est lare o fugitis, e si est besti qui ait volonter paor, o que feire del pe o del cort sent uchison. — Quant li vendicions est destruita per la maladi qui est en la chosa, si pot l' achatare querre lo preis e les usures del preis e lo dan que el a au per cella chosa, issi coma si le sers o li besti que eu avim achata m' a fait alcun dan o à autrui, per que eu aio dan, e si eu i ai fait alcunes messions en bere o en menger o en vestir o en chauzer, non o pueis querre. — Mais zo qui est dit, que le vendire deit esmendar lo dan, est vers quant le vendire savit lo vizio qui ere en la chosa e no l' avit dit à l' achataor; mais si le vendire non o savit, si est en son arbitrio de esmendar lo dan o de laiser la besti per lo dan. E si li chosa est peuria el poer de l' achataor per sa colpa, o de sa maina, si o pot querre le vendire e zo qui i est creu avoi. — Cisti raisons que avem dit, per que alcuns rent la chosa que el [avit] achata e per que le vendire pot querre lo dan, no dure mais que tro à .VI. meis. — Alcunes veis aventure que l' achatare pot rendre al vendaor la chosa que el avit achata, jaseit zo que non i ait autre vizio, issi coma si l' achatare feit tal covencion al vendaor que el rendest la chosa en certan temps si illi no li plaie. — Alquantes veis aventure que cel qui a achata la chosa pot destruire l' achat e la pot rendre e pot recorar lo

preis, jaseit zo que no seit chose mobla, issi coma si eu t' ai vendu ma terra en que creisont males herbes e mortauz. — Si le vendire a dit nomnament à l' achataor que li chose non avit croi dechi en si, e el a menti à son escient, l' achatare lo pot costrainner que el recoreit la chose e que li rende lo Preis, e il pot tant querre quant el l' ore meint achata si el sauest lo vizio. **97** [LXIX]. De les choses que alcuns loie. **98** Pueis que dit avem d' achat et de vendicion, or direm de loiment. — Loiment est quant eu dono ma chose à un autre à possession per pecuni que cel me done o me promet. E cisti raisons est quant le Preis est promeis, issi coma li vendicions est complia quant l' achatare e le vendire s' acordunt. Atressi si alcuns loie s' oura, icen est loiment, issi coma si alcuns escrit à mi un liuro per pecuni que eu li dono o li prometo. — Si alcuns loie una chose autrui, .II. raisons i sunt: li prumeiri raisons est per que pot demandar sa raison cel de cui est li chose contra celui cui l' a loie. — Li secunda raisons est per que pot querre raison cel qui prend la chose contra celui de cui est li chose, si cel cui est li chose no la li amane en certan temps, si l' en pot apellar, jaseit zo que li chose no seit soa. — Atressi si cel cui li chose est loia vont dire que li chose seit soa, o que el i a alcuna raison, no la pot pas retenir per zo, mais la deit prumeiriment rendre, e pueis pot querre sa raison si el l' i a. Cilli meesma raisons est de celui qui prend alcuna chose en gajo o en comanda o en prest, si el vont dire que li chose seit soa. — Atressi si alcuna covencions fu faita el loiment, si deit estre tenua, issi coma en cest exemplo: « Eu Joant loio à ti Peron cesta chose, e preiso la .C. souz; jaseit zo que eu no te dio que tu me rendries la chose si se peurave o se perdie, sol per zo quar eu l' ai preise, tu me deis rendre .C. souz, si tu pert en alcuna maneiri la chose». — Loiment est tauz negocios que alcuns i pot querre zo qui dit ne pessa no fu al loier,

issi coma en cest plait: « Eu ai loie alcuna chose de ti, e cilli chose est peuria per ma mala garda o per mon mal enjan; certes eu la dei esmendar, jaseit zo que non en fust parla; atressi la te dei esmendar si eu l' ai chembia o si l' ai perdu per ma mala garda». — Si alcuns est mos enemius per ma colpa e el fait dan en la chose que eu ai loie, eu o dei esmendar, e mos enemius o deit esmendar à mi. — Atressi si li chose que eu avim loie d' autrui est peuria sent ma colpa, non o dei esmendar, issi coma si me fu toute per forci o si me fu enbla senz ma colpa; ma colpa est si eu no l' ai garda coma savios hom. — Si eu alcuna chose mero mal en la chose, eu o dei esmendar, issi coma si eu t' ai presta mon chaval o loie tro à Saint Gile, e tu lo menes tro à Monpeiler. En cest exemplo, jaseit zo que tu non i aies colpa, tu lo me deis esmendar, si li chose est peuria, quar tu i as fait zo que no devies. E m' es tenus del laronizio, si tu pessaves que oi me enoiest quar tu lo menaves ostra lo lue establi. — Atressi si eu loio una maison, e eu isto per .II. anz que eu no paiesso lo loier, le segner de la maison la me pot ostar, que ja neun dan non i are, jaseit zo que el aest promeis pena si el la m' ostave denant lo temps, quar eu o perdo per ma colpa, per zo quar eu non ai volu paier lo loier quant eu lo deupiu paier. — Atressi la me pot ostar si el me mostre que el ait necessita d' istar en la maison, o si li maisons est tauz que se deipe melurer: en cestos dos cas, si el me gete de sa maison, non i deit aver negun dan, mais el me deit rendre lo loier que eu li ai paié, mais que tant quant eu i ai ista. — Si eu ai loie à ti ma maison tro à un certain temps, o mon chaval tro à un certain lue, tu me deis paier tot lo preis que tu m' as promeis, jaseit zo que tu non aies tenu la maison, o que tu non aies mena lo chaval tro al certain lue, e zo est vers si eu i ai tant de dan quant vaut zo que tu m' en devies donar. Mais si eu ai loie ma maison, pueis que tu l' as laisé, o si l' ai pou loier, tu no me

deis esmendar mais que tant quant eu l' ai loie meint que tu m' en donaves. Mais si no remant en ti que no tignes la chosa, no me deis paier mais que de tant quant tu l' as tenu, issi coma si li maisons que eu t' ai loie est cheuta o est arsa sent ta colpa, o si le chavauz est morz o est fait clops: en cestos dos cas e euz semblablos no me deis paier lo loier mais que de tant quant tu as tenu la chosa. — Autra raisons est si eu loio mes oures à alcun homen, issi coma si eu ai covenenze à alcun que eu lo servo .I. an, o mais o meint, jaseit zo que eu no cumplisso lo temps, si no remant per mi, el me deit paier tot mon loier issi ben coma si eu aesso cumpli lo temps; issi coma si eu devim alar tro à Monpeiler, e eu fui preis en la vi o morz o malados o oi autra contrari, que eu no poei cumplir zo que avim covenent, en cest cas e el senblablo me deis paier tot mon loier. Cilli meesma raisons est del plaideiaors qui fant covencion que il alant à alcun plait, quar, jaseit zo que il non i alant, si non remant per lor, om lor deit paier lor loier, issi ben coma si il fusant ala al plait. E zo est vers si il non ant recet preis d' autrui dedint lo temps que il deviant alar al prumer plait; mais si il ant preis pecuni d' autrui, e sunt ala à autre plait dedint cel temps, om no lor deit donar mais que tant quant il ant preis meint. — Or veiem de l' autre partia, si cel qui receit la chosa pot querre son loier cellui de cui est. Icest negocios est tauz que alcuns pot querre zo qui dit ni pessa no fu quant fu loia li chosa. Icel cui est li chosa loia la pot ben loier autrui, si autre covencions non est essua faita quant li chosa fu loia. — Si cel cui est loia li maisons a aporta alcunes choses en la maison e el non a paié lo loier, quant el s' en vont issir, cel cui est li maisons pot retenir de celles choses tant que el seit paiés. — Atressi si cel cui est loia li maisons i fait alcunes mesions per que li maisons seit meluria, issi coma per cuirir o per fare atres choses necessaries en la maison, si

pot querre les mesions que i a fait. Icestes peticions que ant cel qui a loié la chose e cel cui est loia, l' uns contra l' autre, pount aver il e lor hereter tro à .XXX. anz. **99** [LXX]. Quant alcuns alberge sa terra per cessa. **100** Pueis que dit avem del loiment, or direm de cellos negocios qui no sunt loiment ne vendicions, mais sunt semblables à cestes, e sunt appellais« enfiteosis», zo est à dire officios de meluriment, issi coma si eu alberjo ma terra à alcun que el la melureit e que m' en face cessa e que el la tigne totjorz, e el e sos hers, e que il aiant poer de vendre o de donar o d' alienar cella terra cui que il voudrent, sol que eu aio ma cessa issi quant me fu promeissa. — En cest negocio que avem dit, de totes les covencions qui i sunt faites deit estre faita chartra, ne no vaut en autra maneiri, e le segner de la chose non est constraint de metre cellui en possession<sup>[17]</sup> si chartra no n' est faita; ne alcuns de lor no pot aver alcuna raison contra l' autre per alcuna convencion qui seit essua faita entre lor si chartra no n' en est essua faita. Mais si chartra est essua faita de cel negocio, ben vaut, e le segner de la chose est constraint d' amanar li la chose si el vout paier la cessa; e tota li covencions qui est faita entre lor deit estre tenua si en fu faita chartra e si no fu contra la lei. Mais si el no vout paier la cessa, le segner de la chose non est constraint d' amanar li la chose si no fu faita covencions cores deapest paier la cessa, quar si terment i fu meis cores deapest paier, no li deit estre quista tro à cel termen; e le segner de la chose lo deit metre en possession, jaseit zo que el no li paieit tro al termen. E si el a meis cellui en possession de la chose, no la li pot pueis toudre, e vaut le contrait, jaseit zo que chartra non en fust essua faita. — Si cel qui tint alcuna chose à feu iste .III. anz que no paieit la cessa de la chose, pert sa raison que el a en la chose, e pot li estre osta li possessions de cella chose, quar el pert la chose per sa colpa; e si el vout dire que la cessa no li seit essua quista, no li

vaut tauz uchisons, quar el deupere paier al segnor la cessa sent querre. — Mais si cel no vont prendre la cessa o se escont per zo que l' autre no la li paieit, cel qui tint la chose deit alar al segnor de la terra o al jugo, e deit metre la cessa iqui on el li comandare, o la deit metre en l' iglesi; et pueis que zo sare fait, el ert issi seurs coma si el l' avit paié. Et tot izo est vers si no fu faita covencions cores deupest paier cella cessa; mais si il ant fait covencion cores deupest paier la cessa, si deit estre tenua si chartra en est essua faita. — Si li chose que alcuns done à usajo est pueis peuria tro à la meita, per tot zo meint no deit estre paia la cessa si no fu dit en la covencion; mais si li chose fu peuria ostra la meita, no pot estre quista li cessa mais que per cella partia qui est remasa si non i fu outra covencions. — Si cel qui tint alcuna chose à cessa vont vendre la raison<sup>[18]</sup> que el i a, ben o pot fare segunt la covencion que el feit avoi lo prumier segnor si cilli covencions fu escrita; mais si cilli covencions no fu escrita, o si fu escrita e li escritura non apareit, icel qui tint la chose deit alar al segnor de la chose e deit li dire que el vont vendre la raison que el a en la chose, e deit li dire lo preis; e si el no l' en vont donar tant coma uns autre, el deit istar tro à .II. meis que no la vende, e al che del dos meis deit autre veis venir al segnor e deit la li somondre autre veis; e si el no l' en vont donar tant coma uns autre, passas cellos .II. meis cel la pot vendre cui que el se voile, sol que cel cui el o vont vendre no seit tauz que non o deipe aver. — Quant cel qui tint la chose d' autrui en alcuna maneiri la vent issi quant est dit desore, le segner de la chose en deit metre en possession celui qui l' a achata e deit en aver la cinquantena partia de zo que est essua vendua per ses loaures; mais si el no vent la dreitura que el i a, mais la aliene en alcuna autre maneiri, si deit estre estima cilli dreitura et, segunt zo que sare, deit aver le segner la cinquantena partia de cella estimacion, e deit lo metre en possession per si meesmo, e no per

son mesajo, si el no l' en trametie ses letres que el intrest en la possession, et ensore tot deit estre faita chartra de cel contrait. — Si le segner no vout receure en possession cellui qui a gainé la chosa de celui qui l' avit, e el o tarze de fare per .II. meis, pueis après lo pot metre en possession cel qui a aliena la chosa. — Si cel qui tint alcuna chosa à cessa la vent o la aliene en autra maneiri que no deurit, si pert la raison que el a en la chosa. — Si cel qui tint alcuna chosa de mi en enfiteosim pert la possession de cella chosa, si la pot querre à tot cellos qui la tinont, e à mi meesmo de cui est li chosa si el me paie la cessa o si la me vout paier, jaseit zo que l' autre la tigne per mi et que tuit entendant que eu aio la possession. Mais pero el a sa raison en la chosa per que la pot querre à tot cellos qui la tinont. — Si eu dono ma terra en enfiteosim à alcun, totes les covencions qui sunt faites entre mi e lui devont estre tenues, qua[u]z que elles seiant, si chartra n' est essua faita e si no sunt contra les leis. — Si cel qui tint ma chosa issi quant est dit desore l' a tenu .XXX. anz e totjort m' a paié ma cessa, no pot pas dire que li chosa seit soa per cella retencion; mais si el l' a tenu .XXX. anz que no n' ait paié cessa ni servis, si se pot defendre de mi e de tot homent; e pot la retenir que ja non en doneit usago. **101** Livre V. **102** [I]. Izi comenze le cinquens liuros, e parle deuz matremonios e de les fiances qui i sunt meises. **103** Pueis que dit avem de cellos negocios que l' uns fait à l' autre, issi coma en vendicion i en loiment e en maites autres maneires que fant li homen per respeit de pecuni, or direm del matremonios. — Si alcuns vout fermar muler, maites choses i devont estre regardais, e l' eiajos de l' un e de l' autre, quar neuns no pot fermar muler si el a meint de .VII. anz. Atressi li fenna no deit aver meint de .VII. anz, ait pare o no, ne no vaut li fermanci, jaseit zo que gajo en seiant dona o paiés erres. — Atressi jaseit zo que om poisse

fermar muler à che de ·VII. anz, o li fenna mari, neuns no pot  
esposar muler si el a meint de ·XIII. ans, ne li fenna no pot esposar  
mari si illi a meint de ·XII. anz — Si cel qui a ferma muler est mener  
de ·XIII. anz, e li fenna est mener de ·XII. anz, si se pount partir  
senz tota pena e senz tot peche si il volunt andui, o l' uns tant  
solament, jaseit zo que sariment en seit essus fait e pena promeissa.  
E si l' om est maier de ·XIII. anz, si s' en pot partir si illi est mener  
de ·XII. anz, jaseit zo que el o ait jura, quar el non iste per zo que el  
la prenne issi quant el avit jura; e pot la laiser si illi a meint de ·XII.  
anz, jaseit zo que el seit maier de ·XIII. anz e jaseit zo que el o ait  
jura, si o pot fare senz pena. Cilli meesma raisons est de part la  
fenna. — Mais si cel qui a ferma muler est maier de ·XXV. anz, e  
remant en lui que el no la prenne, si deit perdre les erres si el les a  
dona, o los gajos si los a amana. E si remant en la fenna qui est  
maier de ·XXV. anz, si deit rendre zo que a au de l' omen e atretant  
avoi, e no pruis, si autres covencions non i sunt essues faites. — Cel  
qui est el poer del pare no deit pendre muler senz lo cosentiment del  
pare e, si o fait, no vaut si le pare non o cosint après. Cilli meesma  
raisons est si el est el poer del pare don. Cilli meesma raisons est de  
la fenna qui est el poer del pare. — Issi quant oi est vers que le filt  
qui est el poer del pare no deit pendre muler senz la volonta de lui,  
issi est vers que le pare no pot costrainer lo fil de pendre muler,  
mais covente que le filt i cosinte nonnament per zo que vale le  
matremonios. Mais autra raisons est de la filli qui est el poer del  
pare, quar le pare li pot donar mari, jaseit zo que illi non o voile, e  
illi deit cosentir al mari que vont le pare, sol que le maris seit  
honesta persona ne diffamas, quar, si el ere deshonesta persona e  
diffamas, illi non est tenua de cosentir al pare. **104** [II]. De la  
donacion que fait l' espos à l' esposa e li esposa à l' espos. **105** Icel

qui a ferma muler li pot donar zo que el vont denant que la prenne si  
 el est maier de ·XXV. anz; mais si el est mener de ·XXV. anz, si li  
 pot donar de sa pecuni per lo cosel de son tuaor, quar l' espos pot  
 ben donar à sa esposa e li esposa à son espos. — Mais si le espos a  
 covenencé que el darit à s' esposa chascun an quant illi sarit sa  
 moler, no vaut cisti covencions, jaseit zo que el li o aest promeis  
 quant illi ere esposa, ne non o pore querre li fenna pueis que illi sare  
 sa moler, ne autre per lei, mais que quant el ert morz denant la  
 muler, sol que el no se seit repentis de zo que li avit promeis. Mais  
 de sa possession no pot donar ne lei ni autrui, quar le mener de  
 ·XXV. anz no pot donar à alcun de sa honor e, si o fait, no vaut li  
 donacions. Cilli meesma raisons est de part la muler: si illi vont  
 donar alcuna chose à celui que a ferma, si o pot fare en la maneiri  
 que est dit del mari. — Si cel qui a ferma muler no la prent, si li pot  
 querre zo que li a dona, si, quant el li o donet, non avit volonta de  
 donar li o, ja no la fermest. — E zo qui est dit, que l' espos pot  
 recorar lo don que a fait à s' esposa si no la prent, zo est vers si  
 remant de part lei que no la prenne, o per autra justa causa, e no de  
 part lui. Si remant el mari o en celui en cui poer est, no pot recorar  
 zo que li a dona. Cilli meesma raisons est de part la muler. — Si  
 alcuns a ferma muler e el li a dona alcuna chose mobla issi quant est  
 dit, e alcuns de lor mort denant que el l' ait preisa, si el l' a baise, ni  
 el ni sos hers no pount querre mais que la meita de zo que li avit  
 dona; mais si el no l' a baise, si o pot tot querre, si el li o a dona quar  
 l' avit ferma. — Autra raisons est de part la fenna, si illi a dona  
 alcuna chose al mari que illi a ferma, e l' uns de lor mort denant que  
 el l' ait preisa, el o sos hers o pot tot querre si illi est morta. **106**  
 [III]. De la donacion que fait le maris à la muler per esposalicio.  
**107** Pueis que dit avem de la donacion que fait le maris à la muler

denant que la prenne, o li moler al mari, issi simplament quant fariant autri homen estrango entre lor, or direm de cesta donacion qui est apella esposalicios. Cesta donacion pot fare le maris à la muler, o autre per lui, e pot estre faita denant que el la prenne o après. — Cisti donacions que fait le maris, o autre per lui, à si muler, qui est apella esposalicios, deit estre esgauz à la vercheiri que done li moler al mari; e li vercheiri que done li moler al mari, o autre per lei, deit estre esgaut à la donacion que fait le maris à la muler. E si li donacions vaut mais que li vercheiri, o li vercheiri mais que li donacions, zo qui est mais no vaut raisonablament. E si l' uns covenence de donar, e l' autre no covenence, cilli covencions no vaut. — Atressi si l' uns done, e l' autre no, zo qui est dona no vaut, mais est li segnori à cellui qui a dona issi quant ere denant lo don. — Cella covencion que fait le maris à la muler quant done l' esposalicio, cella meesma deit fare li moler quant done la vercheiri, e si de l' una partia est faita covencions, et de l' autra no, cilli qui est faita no vaut.

**108 [IV]**. Que le maris no pot donar ni alienar la vercheiri de si muler. **109** Si le maris done chosa no mobla à si muler, issi coma possession, en esposalicio, el no la pot pueis vendre ne engager ni alienar en alcuna maneiri, jaseit zo que li moler o cosinte. E si o fait, no vaudre ren, e pore destruire zo que a fait, e li fenna e sos hers pot querre la chosa issi coma si li chosa no fust aliena. — Atressi si illi se part del mari per la mort del mari o per autra raison, si le maris li a fait<sup>[19]</sup> tal covencion quant li donet l' esposalicio, que el lo retenie à sa via, o que fust tot à lei si el morie denant que illi, o si el se partie de lei, illi la pot querre à tot cellos qui la tinont, ne no se pot defendre cel qui l' a achata del mari, o qui la tint en alcuna maneiri, si el sat que cilli chosa fust esposalicios de la fenna, si no l' a tenu per .XXX. anz senz reclamacion pueis que illi la poet querre, o que

le maris fu mort o que le matremonios fu partis entre lor. E zo est vers si li fenna non a cosenti la alienacion pueis que illi fu senz mari, quar, si pueis i a cosenti, non i pot ren querre. — Atressi pot valer li alienacions si le maris a tant de pecuni que li fenna se sinte seura de son esposalicio; en autra maneiri no vaut si li fenna non est seura de son esposalicio, jaseit zo que illi o ait consenti maintes veis. — Tot izo qui est dit de l' esposalicio deit estre atressi entendu de la vercheiri que li moler done al mari si est chose no mobla. — Cel qui prent la vercheiri o l' esposalicio en gajo, o l' achate del mari, si la pert raisonablement, salv à son preis, de que pot appellar lo mari.

**110** [V]. De la fenna qui prent mari après la mort del prumer. **111** Si alcuna fenna prent mari pueis que le prumers est mort, si i deit aver grant pena per does raisons: li una est si illi prent mari dedint l' an après la mort del prumer mari; li autre est si illi a effant del prumer mari e pueis prent mari, jaseit zo que l' ant seit pasas. — Li pena de cella fenna qui prent mari dedint l' an que l' autre est mort est taut que illi deit estre diffama, e cel qui la prent avoi, ne illi no pot donar vercheiri à cel mari qui la prent ni en sa via ni en sa mort. — Atressi deit aver autre pena, que si alcuns estrangos o alcuns de sos parent ostra lo tert gra li a laisé alcuna chose en sa mort, illi non o pot querre; e si o a preis non o pot retenir, mais deit rendre à cestes personnes que comande li leis, quar l' ereters de celui qui a laisé la chose la pot querre. — Encor deit aver autre pena, quar, si le prumers maris li a laisé alcuna chose, illi no la deit aver, e, si l' a, no la pot retenir, mais deit estre del pare e de la mare del prumer mari o à sos effant, si los a, o à sos nevos o à sos frares; e si alcuna de cestes personnes non i sunt, si deit tornar al segnor. Atressi l' esposalicio que li donet sos maris no deit aver per neuna covencion que el li fesest. — Encor a autre pena, quar illi no pot eretar à alcun

de sos parenz ostra lo terz gra si el mort senz testament. — Atretal pena deit aver li fenna qui est enpreinnia dedint l' an que le maris est mort. Li pena de cesta coeiri est tauz que illi no pot ne deit aver alcuna chose en les choses del mari qui est mort, jaseit zo que el li aest dona en esposalicio o en autra maneiri, en sa mort, mais los fruit de celles choses pot retenir à sa via, e li segnori est auz effant que illi a au de cel mari qui li laiset la chose. — Encor a cisti autra pena, que si alcuns de sos effant mort senz testament e sent her, illi no pot aver alcuna chose en les choses qui pertinont à cel fil qui sunt de part lo pare. — Li mare no pot alienar en alcuna maneiri les choses deuz effant qui sunt de part lo pare, ni en sa via ni en sa mort, quar illi non i a mais que los fruit à sa via, e, si o fait, li effant les pount demandar à tot cellos qui les tinont si no les ant tenu tant grant temps que se poisant defendre; mais si li effant sunt hereter de tot los bens del pare e de la mare, si no pount querre zo que li mare a aliena, quar tuit li ereter del mont devont tenir per ferm zo que li ancestro ant aliena. **112 [VI]**. Si li fenna pert son mari e non a effant de lui. **113** Zo que est dit desore, qual pena deit aver li fenna qui prent mari dedint l' an que l' autre est mort, est vers si illi a effant del prumer mari; mais si illi vout ben, pot prendre autro mari quant l' anz ert pasas, e pot aver zo que le maris li a dona en sa via o en sa mort, e pot en fare sa volonta de zo que sos maris li a dona. — Si alcuna fenna pert son mari e pueis no prent autre, ben pot fare sa volunta de les choses qui sunt dites, jaseit zo que illi ait effant del mari, e pot aver l' eretajo deuz effant si il morunt senz her e senz testament. E zo qui est dit est vers, que ben en pot fare sa volonta de zo que li a laisé le maris, si illi no prent autre, mais que de l' esposalicio, quar cel deit gardar auz effant, prenne autre mari o no; mais tro tant que illi prenne autre mari, illi deit aver atretal partia

quant à ·I. deuz effant que illi a au del prumer mari. — E si li fenna desore dita [no] vent o done en autra maneiri les choses qui sunt desore dites, si devout estre al filt que illi a au de cel mari. E si alcuns deuz effant est mort, si deit laiser sa chose à sos effant si el los a; e si no los a, si deit laiser sa partia à sos frares de part pare e de part mare. Tot icen qui est dit de la fenna qui prent mari après la mort del prumer, passa l' an, tot izo deit estre entendu de la partia del mari si el prent muler pueis que li prumeiri est morta, si el en a effant. **114** [VII]. Si le maris done à si muler l' us del fruit de ses choses. **115** Si alcuns hom vont donar à si muler los usament del fruit de ses choses, en sa via o en sa mort, ben o pot fare si non a effant, ne li fenna no los pot perdre, jaseit zo que illi prenne autre mari, sol que l' anz seit passas, si cel maris no dist nonnament que illi perdest los fruit si illi prennie autre mari, quar adonc, tantost quant illi prent autre mari, illi pert l' us del fruit, jazeit zo que l' anz seit passas. — Mais si alcuns a effant, e el vont laiser l' us del fruit à si muler, si li pot laiser l' us del fruit de les does parties de tot sos bens, e zo que pruis li laisire no vaudre ren, quar li fil devout aver la terci partia de tot los bens del pare e la proprieta e la segnori e l' us del fruit si il sunt ·III. o meint; e si sunt mais de ·III., si devout aver la meita. **116** [VIII]. Quauz persona est constrainta de donar vercheiri o esposalicio per autrui. **117** Si alcuns a filli, o filli de son fil, si li deit donar mari si illi est en son poer, e est constraint de donar li vercheiri. — Atressi si alcuns a fil o nevo qui seit en son poer, e el prent muler al coseil del pare o de celui en cui poer est, el est constraint de donar esposalicio per lui. — Li mare non est constrainta de donar vercheiri per la filli ni esposalicio per lo fil mais que en ·I. cas, issi coma si li mare est heregi e le filt o li fili sunt de bona fei. — Neuns autre non est constraint de donar vercheiri o esposalicio per neun mais que le

pare o li mare, issi quant est dit. — Mais si alcuns hom o alcuna fenna covenence de donar vercheiri per alcuna fenna, si deit estre entendu que el la dare del sen proprio; e, pueis que el l' a covenencé, si la deit paier, jaseit zo que chartra non en seit essua faita ne dona fermanci ni gajo, sol que cel qui a covenencé fust de tal eiajo que se poest obligar. E zo est vers quant alcuns covenence certana vercheiri, issi coma si el dit issi: « Eu te covenenzo tal maison o .C. souz en vercheiri per tal fenna que tu prent à muler». O si el dit en tal maneiri: « Eu te darei vercheiri tant quant dire Peros». E si el non a dit en neuna de cestes maneires, mais a dit sol: « Eu te darei vercheiri», non n' est tenus. Tot izo qui est dit desore, que cel qui promet vercheiri o esposalicio la deit paier, est vers quant le matremonios vaut raisonablement. **118** [IX]. Quant pot donar fenna en vercheiri. **119** Fenna qui prent mari, si illi est maier de .XXV. anz, si pot donar totes ses choses à son mari si illi non a effant ni a au autre mari; mais si illi a effant, si lor deit laiser lor partia, e de les autres choses pot fare sa volonta. E si illi a au autre mari, si deit estre regarda zo qui est desore dit de l' autra fenna. — Si cilli qui prent mari est mener de .XXV. anz, si deit donar vercheiri segunt son poer e segunt zo que a le maris, al cosel de son tuaor si illi l' a. — Alcunes veis done vercheiri à son mari li fenna qui lo prent, alcunes veis la done cel en cui poer illi est, alquantes veis la done alcuns estrangos per lei. Atressi per vercheiri sont alcunes veis dona dener, alcunes veis autres choses, alcunes veis chose mobla, alcunes veis no mobla. Alcuna veis li chose est preisia, alcunes veis non est preisia, issi coma si eu diu: « Eu dono à ti cesta maison per .C. souz». De les autres choses devem saver qual raison i a le maris, e qui pot querre la vercheiri per lo mari e de part la muler, e cui la pot om querre e en qual temps. — Cel pot querre la vercheiri cui est promeissa à cellui

qui l' a promeisa; mais neuns no pot querre la vercheiri tro que el a preis la muler per cui li est promeissa, si no fu covencions que la poest querre denant que la presest. **120** [X]. Qual raison a le maris en la vercheiri de si muler. **121** Le maris a tal raison en la vercheiri qui est estima en deners, que el est tantost segner de la vercheri qui li est dona si cel qui la li a dona ere segner de la vercheiri; mais si la vercheiri non ere de celui qui l' a dona, e el l' a dona per bona fei, quar cuidave que fust soa, e l' autre la prent en bona fei, si el la tint per .III. anz senz clama, deis cel temps enant sare soa si li chosa ere mobla e non ere essua tota ni embla. Mais si non ere entendua bona feis, le maris no se pore defendre à meint de .XXX. anz si alcuns i pot mostrar sa raison. Mais si li vercheiri ere chosa no mobla, le maris se pore defendre per tant de temps quant est ordena en cel titol ont parle de les prescripcions. E si li chosa fu estima à deners, le maris deit aver lo gaain de la chosa, e pot la vendre o donar o fare sa volonta, e deit rendre à si muler tant quant fu estima, si le matremonios se part, si autra raison non i a per que o poisse retenir. Mais si li chosa no fu estima e oi est chosa no mobla, le maris deit aver los fruit de cella chosa, e el deit fare le mesions qui sunt necessaries en celles choses, e deit sostenir lo travail de si e de si muler e de tota sa maina. Pero si le maris vout engager o alienar cesta possession, non o pot fare mais que issi quant est dit desore el titol de l' esposalicio. — Mais si zo qui est dona en vercheiri est chosa mobla e no fu estima, si oi est tauz chosa qui fust dona à numbro, issi coma dener, o à pes, issi coma argent o ors, o à mesura, issi coma froment o vins, totes icestes choses sunt tantost al mari si elles eront à celui qui les a dona, et le maris les pot vendre o donar o faire sa volonta. E si le mariajos se part après, si el vit, el deit rendre tot los deners o les besties o tot los bens que el en a au; e si el est mort,

si o devant rendre li hereter de lui si il non i ant raison per que se  
poisant defendre e retenir. Mai si oi est autre avers que dit non est, e  
no fu estimas, le maris lo pot vendre o alienar al cosentiment de si  
muler. — En totes cestes choses qui sunt donais en vercheiri e no  
furont estimais, si no sunt donais à nombro o à pes o à mesura, le  
maris deit aver tal cura quant aurit alcuns prosom de celles choses e  
quant deurit aver le creire en la chosa qui li est meisa en gajo; e si el  
i a tal cura quant est dit, e una o totes les choses se perdunt o se  
peurunt senz la colpa del mari, le danz deit estre à la muler; e si les  
choses no se perdunt, mais se melurunt, si devant tornar à la fenna  
si le maris mort o si illi se part de son mari, e devant tornar auz  
hereters de la fenna si illi mort denant que le maris. — Si li chosa qui  
est dona en vercheiri est raisonablament toute al mari, cel qui la li a  
dona, seit sa moler o le pare de si muler o autre hom estrangos, el  
est constraint d' esmendar cella chosa al mari si, denant que illi li fust  
toute, li dist le maris que li defendest la chosa. **122** [XI]. Cui pot  
estre demanda li vercheiri quant le marijos est fenis. **123** Si le  
marijos est fenis per la mort del mari o de la muler o per autra  
causa qui no seit justa, sol que no seit li colpa de la fenna, le maris  
deit rendre sa vercheiri à si muler si el est vis, e, si el est mort, si la  
devont rendre sei hereter. — Si le maris a au la vercheiri, si illi fu  
dona del prumer mari, le pare la deit rendre, e, si el est mort, si la  
devont rendre sei hereter. — Domentres que le marijos dure entre  
lo mari e la muler, no pot querre li moler sa vercheiri si le maris no  
devint pouros, mais, si el devint pouros, li moler pot querre sa  
vercheiri e la donacion per les noces, e le maris la li deit rendre, e illi  
les deit tenir e gardar issi coma farit le maris, e tot los fruit que illi  
aure de la vercheiri e de l' esposalicio deit despender en si e el mari e  
euz effant que illi a de cel mari e en celles choses en que le maris o  
despendere si el aest la vercheiri, e non en autra maneiri. — Si le

mariajos est fenis, et li moler a dona vercheri à son mari, ben la pot querre si illi est en son poer, quar non a pare ni avon de part son pare o, si l' a, non est en son sen o non est en la terra, ne non est qui la queire per lei, o si illi est issia del poer son pare: en tot cestos cas pot querre li fenna sa vercheiri. Mais en autra maneiri no la pot querre senz lo cosentiment del pare, ne le pare ni autre no la pot querre senz lo cosentiment de la fili. — Si le pare qui a filli en son poer a dona vercheiri de ses choses, e le marajos se fenist senz la colpa de la fenna ni de son pare, le pare pot querre la vercheiri si li fenna o cosint; li fenna o cosint, [o] nonnament, o que illi o sat e non o contradit. En autra maneiri ne le pare ne le filt per la filli ne illi no pount querre la vercheiri senz lo cosentiment del pare o de celui en cui poer est, mais si le pare mort denant la fenna, illi pot querre sa vercheiri, o sei hereter si illi est morta. — Si li filli qui est el poer del pare est morta denant que sos maris, le pare pot querre la vercheiri si el l' a dona de les soes choses, e non est alcuna differenci si illi a filt o no de lui; mais alcun homen diont que le pare pot querre la vercheiri jaseit zo que illi ait laisé filt, mais li prumeiri raisons vaut pruis, zo est que le pare no pot querre la vercheiri quant illi a laissé filles ({sic})<sup>[20]</sup>. — Si alcuns fait covencion, quant el done vercheiri per alcuna fenna, que illi torneit à si quant le marajos est fenis, ben o pot fare, e deit adonec tornar li vercheiri à lui o à sos hereters; mais si el no feit tal covencion quant el donet la vercheiri, si est entendu que el l' ait dona à la fenna, e li fenna i a tal raison coma si illi meesma la aest dona de ses choses. **124** [XII]. En qual temps pot alcuns querre la vercheiri. **125** Pueis que dit avem quauz persona deit rendre la vercheiri e quauz personnes la pount querre, or direm en qual temps la pot quere alcuns. — Si le maris devint pouros, tantost pot querre la vercheiri li moler issi quant est dit desore. Mais

si le maris no devint pouros, no pot querre sa vercheiri domentres que dure le marijos. — Si le marijos est fenis senz la colpa de la fenna, tantost deit estre rendua li vercheiri à la fenna o à son hereter si cilli vercheiri est possessions; mais si oi est pecuni o autra chosa mobla e no fu estima, per zo quar le maris l' a despendu el non est costraint de rendre la tro à che de ·I. an pueis que le marijos est partis. — Si li vercheiri non est paia el temps qui est dit desore e oi est possessions, si deit donar los fruit qui salirent de la chosa d' iquenant; si oi est chosa mobla, si deit donar les usures del preis, o quant li chosa fu estima per aver e per tal covencion que li chosa fust al mari e que el rendest tant quant illi fu estima; les usures devant estre entendues en zo de la liura ·V. souz en l' an ·126 [XIII]. Quaut messions pot recorar le maris si les a fait en la vercheiri de la muler.

**127** Si le maris fait messions en les choses de la vercheiri, o celles messions sunt necessaries o utiuz o volontaries <sup>[21]</sup>. — Celles sunt necessaries qui sunt faites quant li chosa peure o cuide peurer e om la melure. — Icelles messions sunt utiuz per que li chosa est meluria, issi coma si le maris a planta vigni en la terra de si muler. — Icelles sunt volontaries <sup>[22]</sup> qui sunt faites per lo deleit, issi quant est peigner alcuna maison. — Si le maris fait messions necessaries en la chosa de si muler, e après li covente rendre la vercheiri, el pot retenir la chosa en gajo tant que ait cora ses messions; e si el a rendu la chosa denant que les ait corais, si les pot pueis après querre. Cilli meesma raisons est si les a faites utiuz, sol que illi no les li aest defendu de fare. — Mais si le maris a fait messions volontaries <sup>[23]</sup>, si non a raison per que les poise querre; mais si zo que el a fait est tauz chosa que el la poisse ostar en tal maneiri que non vale meint que faisit denant que fust faita li messions, ben o pot fare. E si li moler li en vout donar tant quant vaudrit pueis en sarit osta, si non o pot

moure. E zo est vers si li chose non ere à vendre, quar si illi ere à vendre, si sunt entendues celles messions d' estre utiuz, e pot les recorar le maris. **128** [XIV]. En quant pot estre condempnas le maris si no pot rendre la vercheiri. **129** Si le maris est meis en plait que el rende la vercheiri de si muler, e el est tant pouros que el no la pot paier ni rendre, el no deit estre condempnas mais que en tant quant el pot fare, mais deit prometre que el paire zo que remant si el pot gainer o afannar de que paieit. — Si le jugos fu tant fouz que el comandest<sup>[24]</sup> al mari que el paiest tota la vercheiri, quant el no devit estre condempnas mais que en zo que el poit fare, le maris non est après constraint que el paieit mais que tant quant el poie fare. — Tot cel ajutorios qui est donas al mari de les choses desore dites, si est donas al pare del mari e à celui qui vont deffendre lo mari; mais li hereter del mari no pount aver icel ajutorio, quant le maris est morz, si il no sunt sei effant proprio. **130** [XV]. Que le maris pot retenir la vercheiri de si muler après la division del matremonio si non est partis per sa colpa. **131** Alcunes veis aventure que le marijos se part senz la colpa del mari, e est justa causa per que el pot retenir tota la vercheiri o partia, issi coma si, quant le maris receit la vercheiri e el fait tal covencion que, si li moler morie denant lo mari, que el fesest de la vercheiri à sa volonta de tot o de partia, ben vaut tauz covencions si el a effant de lei; mais si el no a effant de cella muler, si deit aver l' us del fruit de celles choses à sa via, prenne autra muler o no. Mais si el prent autra muler, el no pot alienar ren de cella vercheiri ni en sa via ni en sa mort, mais o deit tot laiser auz effant de cella muler qui est morta. E si el no prent autra muler, si deit aver tal partia en cella vercheiri coma l' uns deuz effant, e de cella partia pot fare sa volunta en sa via e en sa mort. — Cella meesma covencion, que pot fare le maris de la vercheiri, pot fare li

moler de l' esposalicio, e cilli meesma raisons en est qui est de la vercheiri, ne li covencions qui est faita de la vercheiri no vaut si atretauz non est faita de l' esposalicio; e si li una covencions est maier que li autra, si la deit om fare esgal totjorz à la menor. **132**

[XVI]. Si le pare done alcuna chose al fil, o le filt al pare, o le maris à la muler, o li moler al mari. **133** Ores direm quauz raisons est de la donacion que fait le maris à si muler pueis que l' a preisa, o li moler à son mari, o le pare al fil, o le filt al pare. Neuns hom no pot fare donacion à si muler pueis que el l' a preisa si non o fait en sa mort o en son testament; e si o fait en autra maneiri, no vaudre li donacions e remant li chose soa, issi coma si no li avit ren dona. E si illi a la chose, o autre per lei, le maris la pot querre à tot homen qui la tigne si no l' a tenu tant de temps que se poisse defendre. — Si le maris demande la chose que el a dona à si muler, e illi no l' a, mais l' a despendu o perdu, el ni autre per lui no pot ren querre en la chose mais que tant quant illi en est meluria e le maris peures. — Si le maris qui a dona alcuna chose à si muler mort denant que illi, e el non a mostra sa volonta que el volgues destruire cella donacion en sa via, ben vaut cilli donacions pueis que le maris est mort, e l' ereters del mari non o pot querre. Mais si li moler à cui est faita li donacions mort denant que le maris, le maris pot ben querre zo que el a dona auz hereters de la muler. — Le filastre ni li filastra no pount fare donacion à lor socro ne à cellos qui sunt el poer del socro. — Atressi le socros no pot fare donacion à son filastro o à sa filastra ni à cellos qui sunt en lor poer. — Atressi le pare no pot faire donacion al fil qui est en son poer o à autrui qui seit en son poer. — Li mare no pot dona[r] alcuna chose à sos effant si il sunt el poer del pare, quar tot quant il gainnont est à l' at del pare; mais si il no sunt el poer del pare, o si le pare est mort, li mare lor pot ben donar. —

Atressi le filt no pot ren donar à si mare domentres que el est el poer de son pare. Cilli meesma raisons qui est dita del pare e del fil, cilli meesma est del fil e del pare segnor, de la partia de l' un et de l' autre. — Issi quant oi est dit desore del don que fait le maris à si muler, e que el lo pot querre, o pot estre cofermas, si le maris mort denant que li fenna, e illi coferme icel don nonnament, o non en parle, atressi totes les autres donacions qui sunt dites desore pount estre recorais de cellos qui les ant fait si il volunt, o cofermais. — Cilli raisons qui est dita del mari quant fait donacion à si muler, cilli meesma est si li moler done ren al mari. — Zo qui est dit que le maris no pot donar à la muler ne li moler al mari est vers, seit leiesma o no. — Alcunes veis est que le maris pot donar à si muler, issi quant est si el li done per un chascun an o per chascun meis per zo que illi nurisse sos effant o sa maina e si meesma. — Atressi vaut li donacions si cel cui est faita li donacions non est pruis richos per cel don. — Atressi l' enperare pot ben fare don à si muler, e li enperaris pot ben donar à l' enperaor, jaseit zo que li autri homen non o poiant fare. **134** [XVII]. Per quauz causes se pot defendre le maris de la muler e li moler del mari. **135** Issi quant li homen pount pendre mulers e les fennes pount pendre maris, atressi sunt alcunes justes causes per que le maris pot laisser la muler senz tota pena, jaseit zo que li fenna non o voile. Atressi e li fenna pot laisser son mari senz pena, jaseit zo que el non o voile. E si neuns part lo matremonio mais que issi quant comandunt les leis, si en deit aver grant pena issi quant est ordena. Mais quar non est acouduna que mariajos se parte mais que per los saint chanons, issi coma per parentela<sup>[25]</sup>, o per adulterio que face li fenna, per zo non est chosa necessari que pruis en parlam. **136** [XVIII]. Qui deit nurir los effant si le maris se part de la muler. **137** Si le maris s' est partis en

alcu[na] maneiri de si muler, e el en a effant qui seiant menor de ·III. anz, li mare los deit nurir tro que seiant passa li ·III. an, o, si il sunt maior de ·III. anz, le pare los deit nurir. E le jugos deit enquerre avoi cui parent meilt istar, avoi lo pare o avoi la mare; e avoi cellui avoi cui il parent meilt istar los face istar le jugos, seiant menor de ·III. anz o maior. **138** [XIX]. Que le pare e li mare devout nurir lor effant, e li effant lor pare e la mare. **139** Naturauz raisons est que, si alcuns a muler leiesma de que el ait effant, si lor deit donar à bere i à menger, à vestir i à chaucer, segunt zo que à lor taint e que el pot faire. — De l' autra partia, le pare n' a tal eschanbio, que tot zo que le filt o li fili gainnont de les choses del pare domentres que il sunt el poer del pare, est tot al pare, o al pare segnor si il sunt en son poer. Mais si il gainnont alcuna chose d' autra partia, le fruit deit estre del pare, e li proprieta deit estre delt effant. — Atressi quant le pare deit nurir sos effant, atressi los deit nurir li mare, jaseit zo que il no seiant leiesmo. — Issi quant le pare e li mare, sunt constraint de nurir los effant, issi sunt constraint li effant de nurir lo pare e la mare si li effant sunt tant richo que o poisant fare e le pare o li mare sunt tant pouro que no s' en poisant chavir. — Atressi li libert devout nurir lor patrons e los effant del patrons, si le libert est tant richos que o poise fare e le patrons o sei effant tant pouro que no se poissant chavir.

**140** [XX]. Qual raison ant li effant qui no sunt leiesmo en les choses del pare. **141** Alcunes veis avente que li fil qui no sunt na de la muler pount aver l' eretajo de lor pare. — Si alcuns hom qui non a muler geit avoi alcuna fenna laqual el poere pendre à muler, si il volessant andui raisonablament, e el la tint sola en sa maison e a en effant, ben pot donar à cellos effant, en sa via o en sa mort, totes ses choses, pecuni e possessions, si el non a autres effant leiesmos ni pare ni mare ni autra persona soveirana; mais si el a effant leiesmos o autra

persona soveirana, si pot donar auz effant desore dit totes ses choses mais que la falcisdi partia, e cella deit laiser à parent desore, zo est à cellos qui sunt pruis proimian. Mais si el a leiesmos effant, no pot donar auz effant desore dit ni à la fenna mais que la dozena partia de l' eretajo, ni en sa via ni en sa mort, e de cella .XII. partia deit aver li mare de cellos effant la meita, e tuit li effant l' autra. E si li effant i sunt tant solament, devont aver la partia qui est dita desore. E si li fenna i est tant solament, no li pot donar ostra la meita de cella partia qui est dita desore, zo est asaver de .XXIII. parties una. E tot izo est vers quant el a otros effant leiesmos. E si el lor done pruis que oi est dit, ni à lor mare, en sa via o en sa mort, no vaut zo que pruis lor done ne non o devont aver, mais o devont aver li autri effant leiesmo, e pount o tenir si il o ant; si non o ant, si o pount querre. — Dit est quant pot laisser cel qui a effant de sa fenna, en sa via o en sa mort; mais si el mort senz testament, e el a leiesma muler o leiesmos effant, certes li effant de la fenna no devont aver ren en les choses del pare; mais li effant leiesmo los devont nurir segunt l' estimacion de proomen. Mais si el non a effant leiesmos ni muler leiesma, e el mort sent testament, li fil e li mare devont aver la .VI. partia de l' eretajo de lor pare. E si li mare non i vout aver partia, o no pot quar est morta, li effant devont aver cella .VI. partia enteiri. E quant li mare i vout pendre sa partia, si i deit tant aver coma chascuns deuz effant. — Issi quant le pare desore dit deit socorre à sos effant qui no sunt leiesmo issi quant est dit desore, en cella meesma maneiri devont socorre al pare e lo devont nurir, si mesters li est, e li devont laiser lor heretajo. — Li effant qui no sunt na de leiesma muler, ni de tal fenna quant est dit, non ant raison contra lo pare ni contra les choses del pare; ne le pare ne li frare de lor no sunt constraint de nurir los ni de donar lor alcuna chose, ni en la mort

ni en la via, ne no devant estre apella proprement fil. **142** [XXI]. En qual maneiri pount estre vendues o engagiés o alienais les choses dels menors de .XXV. anz. **143** Ores direm cores pount estre vendues o engagiés o alienais le choses de cellos qui sunt menor de .XXV. anz. — Si cel qui est mener de .XXV. anz, o autre per lui, vout vendre o alienar o engager la chose no mobla, non o pot fare sen lo cosentiment del segnor de la terra; e si o fait en autra maneiri, no vaudre. Atressi no la pot donar en albergiment à alcun, zo est à faire cessa, e no pot donar l' us del fruit de sa chose, ne no pot donar à autrui servitu en sa chose senz lo coseil del segnor; e si autre li deit servitu, no la pot perdonar. — Si le mener de .XXV. anz a alcuna chose cuminal avoi autre menor, neuns de lor no pot appellar l' autre de partir cella chose senz lo coseil del segnor. Mais si le mener de .XXV. anz a chose cuminal avoi un maior, le maier pot costrainer lo menor de partir cella chose, e ben vaudre li partia senz lo coseil del segnor; mais le mener no pot appellar lo maior de partir cella chose senz lo coseil del segnor. — Cilli raisons qui est, que <sup>[26]</sup> le mener de .XXV. anz no pot alienar sa chose no mobla, cilli meessa raisons est de totes ses autres choses mais que solament de celles choses que om no pot gardar, issi coma froment o vins o vestimentes veiles o besties, quar cestes choses pount estre vendues senz lo coseil del segnor; ne le segner del lue no deit legeiriment cosentir cella alienacion, mais deit enquerre sutilment si el vout fare cella alienacion per detevo qui isteit sus lui à usures e per zo que le creire, à cui el deit la pecuni, lo constraint forment que li paieit. — Quant le mener de .XXV. anz dit que sa chose no fu aliena ni obliga issi quant deupire, e per zo la vout recorar, si cel cui est demanda li chose pot mostrar que li pecuni que le mener en a recet est despendua <sup>[27]</sup> el profeit del menor, le mener no pot querre la chose,

si el prumeiriment no rent tot cen qui n' est essu en so profeit e lo gaaing avoi. E si el vont tot izo rendre, si pot recorar la chosa e los fruit que i a preis cel qui a tenu la chosa. E si cel qui tenie la chosa rent los fruit, si pot retenir de cellos fruit tant quant valunt les mesions que el a fait en cella chosa. — Atressi si le mener a loa la alienacion pueis que el fu maier, jaseit zo que li prumeiri alienacions no valguest, el no la pot pas après destruire. — Atressi si el iste après los ·XXV. anz ·X. anz senz plait, e el est en cella terra, o ·XX. anz, si non est en cella terra, ben se pot pueis defendre cel qui tint icella chosa. E zo est vers si cel qui demande la chosa ere enfes mener de ·XIII. anz, si el ere masclos, o, si ere fenna, mener de ·XII. anz, e que o aest fait per lo coseil de son tuaor. — Mais si l' enfes non avit tuaor quant el alienet la chosa o quant la meit en gajo, o si el avit tuaor e non o feit per son coseil, no vaut li alienacions ni le gajos; e per zo cel qui tint la chosa no se pot defendre que no la rende, si no sunt passa li ·X. an o li ·XX. senz plait, pueis que cel qui la donet e ores la demande ot ·XII. anz, si ere fenna, o ·XIII. anz, si ere masclos; quar possessions de ·XXX. anz comence à corre à celui qui a ·XXV. anz pueis que el a passa l' eiago effantivol. — Cilli meesma raisons est de cel menor qui est maier de ·XIII. anz, sol que seit mener de ·XXV. anz, e non a tuaor; e si el a tuaor e el aliene de ses choses per son coseil, per tot zo no vaut; mais si el iste ·V. anz que non en parleit pueis que el are ·XXV. anz, ben vaudre li alienacions que el a fait per lo coseil de son tuaor. **144** [XXII]. Cores li menor de ·XXV. anz pount alienar lor choses. **145** Alcunes veis aventure que le mener de ·XXV. anz pot donar sa chosa autrui senz lo coseil del senor, issi quant est en vercheiri, si est fenna qui prenne mari, o en posalicio ({sic}), si est hom qui prenne muler. — Atressi si le pare del menor, o autre hom de cui el est hereters, laiset alcuna chosa à

alcun sen ami quant el morie, o devie alcuna chose à alcun, issi  
coma si l' avit vendu o promeissa, icel hom qui est hereters de cellui  
la pot donar à cellui cui le mort la devie senz lo coseil del segnor,  
jaseit zo que el seit mener de ·XXV. anz. — Atressi si le mort de cui  
le mener de ·XXV. anz est hereters a meis alcuna chose en gajo, si le  
mener no paie la pecuni per que li chose ere en gajo, le creire la pot  
vendre, issi ben coma si li chose fust à maior de ·XXV. anz, zo est si  
el l' a vendu en la maneiri que prestare deit vendre gajo; e cel qui l' a  
achata i a tal raison coma si li chose fust d' un maior de ·XXV. anz. —  
Atressi si cel en cui bailli est le mener de ·XXV. anz a reemps, deut  
deners que eu li ai presta, la chose del menor, jaseit zo que eu l' aio  
receta en gajo senz lo coseil del segnor, eu i ai tal raison quant i avit  
cel qui l' avit en gajo prumeirment, quar illi est reemssa de mos  
deners. — Atressi per lo comant del segnor pot estre meissa en gajo  
li chose del menor e pot estre vendua issi ben coma si ere d' omen  
maior de ·XXV. anz, si oi est justa causa per que le segner o  
comandeit, issi coma en cest exemplo: « Li maissons del menor ere  
josta la mia, e ere issi frainta que illi volie cheir». Le segner li deit  
comandar que el me doneit fianci que el me rende lo dan que eu i  
arin si li maissons chaie. E si le mener non o vont fare, le segner me  
pot metre per dreit en possession de cella maison, e eu la tendrei en  
gajo tant que el m' ait esmenda lo dan que m' a fait li maissons quant  
illi cheegue, jaseit zo que le mener de ·XXV. anz no poisse engager  
sa chose ni donar à autrui mais que en la maneiri qui est dita. — Si  
alcuns maier de ·XXV. anz met sa chose en gajo, per zo que le  
mener ait ferma cella alienacion que el a fait o cel gajo que a dona, si  
le mener non a ferm zo que a fait, l' autre pot retenir lo gajo que li a  
dona cel qui ere mener de ·XXV. anz, tro tant que li seit esmendas le  
dant que el i a. E si zo est vers, le segner deit enquerre si el pot paier

son detevo en autra maneiri, issi quant est si el avit froment o vin o autres choses semblables, o si el avit detor qui li deuest pecuni que el poest recorar, e que el poest paier à cellos cui el deit. E si le segner non o pot trovar, si deit regardar zo qui mais vaudre à l' at del menor, o vendre cella chose o engager. E si el veit que le vendres vaile mais que l' engagers, si deit comandar que li chose qui meint vaut à l' at del menor e de que el a meint de profeit seit vendua, e deit regardar que el no vende grant chose per petit Preis. — Atressi si le mener met sa chose en gajo, le segner deit regardar que el no prenne pruis de pecuni que el en deit. E en totes maneires deit aver cura le segner que le mener no seit enjanas, e deit ordenar alcun homen qui ait la cura de cella pecuni que a manleva le mener, e per que el a vendu sa chose, e que le detos seit paiés à celui cui el devit. — Si li chose del menor de .XXV. anz est aliena o engagia en autra maneiri que est dit, no vaut; e si o est, le mener la pore querre à tot cellos qui la tendrent, en quelque lue que la troveit, e pot la querre à son tuaor qui a aliena la chose en autra maneiri que no deupere.

**146** Livre VI. **147** [I] [.] Ici comenze le .VI. liuros, e parle deut sers qui se fuiont de lor segnors. **148** Ores direm dels sers qui fuiont lor segners ({sic}) e deuz libert; mais prumeirment devem saver que est sers fugitis. — Sers fugitis est cel qui se fuit de son segnor o de son maitro en tal volonta que el no retourneit vers lui, jaseit zo que pueis mueit sa volonta e torneit. — Atressi si el se escont en la maison de son segnor per zo que el troveit uchison de fuir, jaseit zo que no s' en seit fuis, itant li vaut coma si el s' en ere fuis. — Atressi si alcuns sers s' en fuie, e el a mua sa volonta i est se mort en alcuna maneiri, itant li vaut coma si s' en fust fuis. Cilli meesma raisons est si el s' en volie fuir, e quant el comencet à corre, sos segner lo preit e no s' en poet fuir. — Atretauz raisons est si mos sers est alas en tal lue que eu no l'

en poiso retornar, issi coma si est alas vers mos enemius. — Si mos sers s' en fuit, eu m' en pueis tornar à cellui qui lo m' a dona per eschainbo o per vendicion, e m' en pueis tornar à cellui qui l' a recet e à cellui qui a dona lo coseil que s' en fuisest. — Si cel qui receit mon ser fugiti lo me cele, quar no vont que eu o saupesso, jaseit zo que el no sauest que el fust mens, sol que el sauest que el fust fugitis, el lo me deit rendre e autre ser atretant bon o .XX. souz. E totes veis que el lo receure, deit aver ital pena, si el lo tint per .XXX. jort que no lo manifesteit à cellui cui ere ni en lue espublie. E ensore tot est tenus per lo laronicio; e si el no pot paier cesta pena, le segner lo deit chastier segunt zo que li sare senblant. — Si alcuns sers s' en fuit e el se escont en la maison del menor de .XXV. anz, le segner del ser lo pot querre al tuaor de cellui, e cist sunt tenu de la pena desore dita. — Si le segner del ser fugiti a mal engin en la fuida del ser, issi coma si el li dist en cesta maneiri: « Vai t' en, fui t' en en la maison de mon enemiu»; e le sers s' en fuit per lo coseil de son segnor, e om o pore saver per la demanda que om fare al ser, le segner lo deit perdre, e sare à l' emperaor. — Si cel en cui maison s' en fuit le sers vont dire que cel sers est sens o que el est francs, le sers deit estre tormentas tant que el die la verita, si el est sers o francs; e si el est sers, si die de cui est, si li verita no pot estre saupua en autra maneiri. — Si alcuns hom dit que sos sers s' en fuit, e el lo vont querre en la maison d' autrui, no li deit estre via. — Si le sers s' en fuit, sos segner no pot perdre la raison que el i a tro à .XXX. anz, ni autre no la pot gaigner à meint de .XXX. anz, jaseit zo que el lo ait achata d' alcun en bona fei; e per zo aventure quar el fait laronicio de si meesmo quant s' en fuit. **149** [II]. Del laronicio. **150** Quar le sers d' autrui solie fare laronicio à son segnor o à autrui quant el s' en fuit, per zo devem dire del laronicio, e qual pena deit aver cel qui

corrompt lo ser d' alcun que el s' en fuie. Mais prumeiriment devem saver que est laronicios e qui pot fare laronicio e de qual chosa, e qual pena deit aver cel qui done lo coseil e l' ajua à alcun que el face laronicio; e devem saver quant de temps dure cisti raisons, e qui pot querre la chosa enbla e cui pot estre demanda; e devem saver cores le lare deit rendre la chosa enbla. — Icel qui oure la chosa d' autrui en alcuna maneiri, contra la volonta del segnor de la chosa, fait laronicio si el pesse que al segnor graveit si el o sauest; mais si el cuide que si el o savit, que el o suffririt, el no fait laronicio, jaseit zo que oi li graveit, e jaseit zo que el non o cosentest si el o sauest. Cilli meesma raisons est si cel qui oure la chosa o cuide fare contra la volonta de celui cui est, mais oi no li a grava, o, si el o est saupu, el o ore cosenti. **151** [III]. En quantes maneires pot estre fait laronicios.

**152** En tres maneires pot estre fait laronicios de la chosa d' autrui: zo est o per profeit de la chosa, quant alcuns l' enble per zo quar la vont aver à l' at de si o la vont donar autrui. — Atressi se fait laronicios per l' us del fruit de la chosa, issi coma en cest exemplo: « Alcuns m' a presta son chaval tro à un lue certan; si eu lo meno pruis loing, e eu pesso que oi li gravest si el o savit, eu fauf laronicio de tota la chosa». Cilli meessa raisons est si alcuns m' a meis sa chosa en gajo, e eu i ouro en outra maneiri que ere en nostra covencion. Atretauz raisons est si alcuns m' a amana sa chosa per gardar, e eu en uso contra sa volonta. — Atressi per possession fait alcuns laronicio en cesta maneiri: « Si alcuns hom tenie la chosa que eu disin estre mia, e, per zo que eu me deschargesso de provar que illi fust mia e lui enchargesso, eu li ai osta la chosa per zo que eu provesso la possession, e jaseit zo que eu no la li aio osta per l' us del fruit de la chosa, eu ai fait laronicio per la possession». **153** [IV]. Qui pot querre la chosa enbla e la pena. **154** Pueis que dit avem que est

laronicios e cores lo fait alcuns e qui est cel qui lo fait, or direm qui pot querre la chose enbla e la pena de lui. — Cel pot querre la pena del laronicio à cui le laronicios est fait. E zo est vers que cel cui li chose est enbla la pot querre si no l' a perdu per sa colpa, o en tal maneiri que el sare constraint de rendre cella chose à celui per cui l' avit e non en autra maneiri, si non est prestare cui seit enblas le gajos, quar le prestare pot querre lo gajo si el li est enblas jaseit zo que no l' ait perdu per sa colpa, quar el est pruis seurs de son deto si el pot recorar son gajo. **155** [V]. Si le gajos est enblas al prestaor.

**156** Si le gajos est enblas al prestaor, per sa colpa o senz sa colpa, sol que el non i ait au mal engin, el pot ben querre la chose e tota la pena, jaseit zo que le detre li poise ben paier; mais el deit rendre al detor tot zo que el a mais recet del laron que le detre no li devie. — E si meesmos le detre a enbla la chose al prestaor, le prestare li pot querre lo deto e les usures e la pena del laronicio issi coma à un autre estranjo, e no contare izo per sa pena, issi quant est dit desore. — Si alcuns autre hom a enbla lo gajo al prestaor, e zo est per la colpa del detor, per tot zo non est meint tenus le detre de paier lo deto e de rendre lo gajo tant que el ait paié lo deto. — Si cel cui eu ai loie alcuna chose la pert senz sa colpa, que li seit enbla, eu la pueis querre al laron, e cel no pas, quar le dant non est sens si li chose est perdua, jaseit zo que autra raisons seit del prestaor. E zo est vers si el no m' a fait tal covencion que el la me rendest en quelque maneiri que el la perdest. Mais si li chose li est enbla per sa colpa, e el est tant rics que la me poisse rendre, el o deit fare, e pot en apellar lo laron, e tot zo que el pore aver del laron sare sen, quar cel qui ore lo dan deit aver lo profeit. Mais si el non est tant richos que el poisse rendre mais que la meita, si o deit fare; e de cella meita pot apellar lo laron, e no pas de l' autra; mais eu l' en pueis apellar de l' autra

meita. — Cilli raisons qui est dita desore, de celui cui eu ai loie alcuna chose, cilli meessa est si le draps est essus enblas à cellei cui eu l' avim amana per lavar. — Si eu ai presta à alcun homen alcuna chose, issi coma mon chaval, e el li est enblas, si en est autra raisons, quar en cest negocio est en mon arbirio d' apellar en lo laron o celui cui l' ai presta. E si eu en apello lo laron, cel cui eu l' avim presta est desliuros de mi e no pot apellar lo laron, paieit me le lare o no. Mais si eu en apello celui cui eu ai presta la chose, si la me deit rendre, e pot en apellar lo laron, e eu no si eu savim que li chose fust enbla; mais si eu no savin que li chose fust enbla quant eu la comencei à querre celui cui l' avim presta, e eu o ai saupu pueis après, eu pueis laisser celui e apellar lo laron. — Si cel cui eu ai presta alcuna chose l' a perdu senz sa colpa, el no la pot querre, quar le danz non est sens, si no m' avit covenent que la me rendest en quelque maneiri que el la perdest. — Si eu ai comanda alcuna chose à alcun per gardar, si el l' a perdu per sa colpa, el la me deit rendre. En tot icestos cas, si li chose est enbla à lui, el la pot ben querre, e no pas eu, quar le dant pertint à lui si el no la poest recorar, si el est tant richos que el la me poisse esmendar. Mais si el no la me pot esmendar, eu pueis querre la pena del laroncio, e no pas el. — Si cel qui receit ma chose per gardar no la receit en la maneiri qui est dit desore, si illi li est enbla per son mal engin o per sa colpa, quar no la garda issi quant deupere o el poere, non en pot apellar lo laron; mais eu pueis querre al laron la chose e la pena, e pueis querre la chose à celui cui l' ai amana per gardar, si el l' a perdua per son mal engin. — Tot zo qui est dit, que cel cui eu ai loie ma chose, e cel cui eu ai amana mos draps per coser o per lavar, o cel cui eu ai amana ma chose per gardar pot apellar lo laron si li chose li est enbla, est vers de la pena del laroncio, mais no pas de la chose enbla. — Mais autra

raisons est del prestaor cui est enbla li chose que el avit en gajo.

**157** [VI]. En qual maneiri pot estre fait laroncios. **158** Laroncios pot estre fait si alcuns enble alcuna chose per fare son profeit, o si alcuns prent alcuna chose per zo que el la presteit à son amiou la li doneit, issi quant est si eu te loio mon chaval tro à un certan lue, e tu lo menes pruis loing o autre per ta volonta. — Atressi tu fais laroncio de ma chose si tu ajostes mon chaval avoi ta rocina, e tu pesses que tu o fais contra ma volonta. — Certes si tu tins ma chose laqual tu as senz raison, e no la me vouz rendre pueis que eu la t' ai demanda e tu recoinuis que tu la me deis rendre, certes tu fais laroncio, e per laroncio la te pueis querre. — Atressi si eu te paio deners o autre aver, e eu te paio mais que no deurim, e tu o sas ben e eu non o sai, eu te pueis querre per laroncio zo que eu no te devim. — Cilli meesma raisons est si autre t' a paié per mi, e eu ai au per ferm quant eu o ai saupu. — Atressi si eu alavo per mar o per autra aiga, e eu ai gita alcuna chose en l' aiga per mal temps, per zo que li na en fust pruis legeiri, e alcuns hom l' a trova en terra o en aiga, e tint la per son profeit e no la me vont rendre, si el sat en qual maneiri est, el fait laroncio. E en totes maneires est vers que cel qui oure la chose contra la volonta de celui cui est, el fait laroncio, e deit la rendre, sol que el saipe que li chose est d' autrui, jaseit zo que el no saipe de cui est. — Alcunes veis est que cel qui no fait lo laroncio est tenus de la pena del laroncio, issi quant est cel qui done autrui coseil o ajua que el face laroncio. — Icel done coseil e ajua que autre face laroncio qui preste ferramenta, que el frainne maison o archi en que ere li chose qui est enbla, o si a presta eschela autrui o si l' a meissa josta ma fenestra per zo que lelare i intrest. E zo est vers si cel qui done lo coseil o l' ajua o a fait per mal engin, que el sauest zo que volit fare le lare; mais si el non o savit, el non i a colpa, e om

no li o pot querre [28], quar el non a fait cest mal si saipent. — Icel done coseil per mal engin à fare lo laronicio qui conforte alcun homen que el enbleit alcuna chose. — Icel qui done coseil e ajua à faire laron icio, o tant solament ajua, el est tenus tant solament de la pena del laronicio, e no pas de la chose, si li chose no vint à lui. Mais cel qui a dona tant solament coseil à fare lo laronicio non est tenus de la pena, mais est tenu del dan, per cella accion qui est dita en les leis, iqui ont parle de boisi e d' engan, per que sunt tenu cil qui fant enjan à autre, si cel cui li chose est enbla no la pot corar en autra maneiri. **159** [VII]. De quauz choses no pot estre fait laronicos. **160** Alcunes choses sunt de que no pot estre fait laronicos, issi quant sunt icelles choses qui no sunt d' alcun homen, mais sunt choses sagrais. — Icelles choses sunt sagrais per l' esvesque, issi quant sunt calicio o crois. Encor cel qui enble homen franc no fait laronicio; mais si cel qui est enblas est el poer de son pare, le pare no lo pot demandar, mais el pot querre tot lo dan que el a de son fil qui li est enblas. **161** [VIII]. Qui pot querre la chose enbla, e à cui la pot querre. **162** Cel cui li chose est enbla, si el est segner, o si el est prestare cui seit enblas le gajos, sos hereters la pot querre à tot cellos qui la tinont si li chose apareit. — Autre hom no pot querre la chose qui est enbla mais que cil qui sunt dit desore, e cist o dirent en cesta maneiri à cellui qui tendre la chose: « Frare, cisti chose me fu enbla ». E non est tenus de rendre lo preis, jaseit zo que cel qui la tint la aest achata. — Si li chose qui est enbla non apareit, illi no pot estre demanda mais que al laron o à son hereter. — L' ereters del laron est tenus de tota la chose enbla si el est solet en l' eretajo; mais si il sunt pruisor hereter, chascuns en est tenus per sa partia. **163** [IX]. Qui pot querre la pena del laronicio, e cui pot estre demanda. **164** Le lare est tenus de la pena del laronicio, e cel qui a

dona lo coseil e l' ajua à fare laronicio, o l' ajua tant solament. — Mais issi quant dit li leis, li hereter de celui qui fait alcun maleficio, issi coma laronicio o rapina o enjuri, no sunt tenu de la pena, après la mort de celui qui avit fait lo maleficio, si en sa via non ere essua faita clama contra lui, mais que de tant quant il en sunt melure.

**165** [X]. Quauz raisons est si pruisor homen fant laronicio. **166** Si pruisor homen fant un laronicio, il sunt tuit tenu de la chosa enbla e de la pena del laronicio. — Mais si l' uns de lor a rendu o esmenda la chosa, tuit li autri sunt desliuro de tant quant pertint a la chosa. — Autra raisons est de la pena, quar si l' uns de lor esmende la pena, no profeite ren auz otros, mais est chascuns tenus de donar la pena, si il eront mil. **167** [XI]. Qual pena deit aver cel qui a enbla la chosa d' autrui. **168** Li pena del laronicio est alcunes veis del doblo e alcunes veis de[!] quatrodoblo de zo que vaut li chosa. — Atressi le laronicios est alcunes veis manifest, e alcunes (...) **169** [XLVI.]

[Quando] [ille] [qui] [est] [institutus] [heres] [sub] [aliqua]  
[condicione] [non] [potest] [esse] [heres]. **170** ... no pot estre  
hereters si el no fait zo que le mort li a comanda, si el o pot faire.  
Mais si el non o pot faire, no li noit, quar l' ereters e tuit li homen cui  
le mort a laissé alcuna chosa devant tenir la volonta del mort, si il  
pount; e en autra maneiri no devant zo aver que lor a laissé, si no lor  
a comanda que il fazant zo que no poriant fare o zo qui est contra lei,  
quar adonc devant aver zo qui lor est laissé, jaseit zo que il no fazant  
zo que le mort lor a comanda. — Mais cel qui est ordenas hereters en  
entremescla condicion pot ben estre ereters, tantost pueis que le  
mort est mort, si el vont complir zo que le mort a comanda, jaseit zo  
que el non o cumplisse e li condicions no vigne à fin, sol que no  
remaigne en lui. **171** [XLVII]. Si alcuns pot estre ereters tro à certain  
temps. **172** Hereters pot estre ordenas purament e en condicion issi

quant est dit desore. — Mais el no pot estre ordenas tro à certan temps o deis certan temps enant, issi coma en cest cas o dit: « Martin, seies mos hereters après ma mort tro à ·X. anz, o deis ·X. anz en apres». En cestos dos cas vaut itant li ordenacions coma si fust faita purament. Mais si alcuns vont fare d' alcun son hereter, el li pot ben comandar que el rende tot l' eretajo o partia après sa mort, zo est après la mort de l' ereter, o que el la rende après certan temps.

**173** [XLVIII]. Cores pount alar li hereter à l' eretajo. **174** Ores direm cores li hereter pount alar à l' eretajo que il devont aver per testament o senz testament. — Si alcuns deit aver alcun heretajo, tot o partia, per testament o senz testament, el deit mostrar sa volunta, zo est que el deit dire: « Eu dei aver cest heretajo e volo lo aver».

Mais pueis que el a mostra sa volonta, no se pot defendre que no paieit tot lo detevo del mort si el a tot l' eretajo; e si el non a tot l' eretajo, el deit paier per cella partia que el i a si el no fait inventario. Inventarios est una chartra en que el deit escrire totes les choses de l' eretajo, quar adonc non est tenus de paier al detors mais que tant quant valunt les choses de l' eretajo, jaseit zo que le detos seit maier. Icest inventarios deit estre fait dedint ·VIII. meis pueis que el est envestis de l' eretajo. En does maneires pot alar à l' eretajo cel à cui pertint: li una est si el s' entramet de l' eretajo issi coma hereters; li autra est si el est hers per sola volonta. — Cel s' entramet de l' eretajo coma hers qui use de les choses de l' eretajo, issi coma si el vent alcuna chose de l' eretajo o la fait arar, o si demostre sa volonta en achatant les choses de l' eretajo, o si dist que el voile estre hers. Mais cel qui vont estre hers deit saver si cel de cui est hers est mort en testament o senz testament. **175** [XLIX]. En qual maneiri pot alcuns refusar l' eretajo. **176** Issi coma alcuns pot estre hers per sola volonta, issi la pot refusar per sola volonta, o si el a dit que el no

vout estre hers de cel heretajo. **177** [L]· De les substitucions. **178** Qui ordene un her o pruisors, si pot sotordenar l' un à l' autre en cesta maneiri: « Pero e Martin, seiis mei her; e, si l' uns non o est, l' autre ait la partia de cellui qui non o sare». E cisti sotordenacions est apella vulgars per zo que tuit li homen la pount fare, laissant lor choses à lor effant o à autres homenz. **179** [LI]· **180** En cesta sotordenacion qui est apella vulgars est tauz raisons quar si Peros est ordenas hers denant Juan e l' eretajo ait tenu, jaseit zo que el moire pueis après, Juanz, qui est sotordenas hers, no pot venir à l' eretajo si Peros a frare o seror qui seiant fil de cellui qui los avit ordena. **181** [LII]· De la sotordenacion que fait le pare al fii qui est mener de ·XIII. anz. **182** Qui a effant en son poer, qui seiant menor de ·XIII. anz, ben pot l' un sotordenar à l' autre que, si l' uns non est hers, que l' autre o seit en son lue. — Atressi pot l' uns sotordenar à l' autre en autra maneiri pupilarment. — Pupillars sotordenacions est quant le pare dit en cesta maneiri: « Peros mos filt seit mos hers; e, si el non o est o si el est mort dedint ·XIII. anz o, si est fenna, dedint ·XII. anz, Juanz mos filt seit el sen lue». En cest cas si cel qui fu ordenas prumers non est hers o si est mort dedint lo temps qui est dit, cel qui est sotordenas, si el est sos frare o sa suera, pore heretar, e non en autra maneiri. Mais si le prumers vit ostra lo temps qui est dit, jaseit zo que el moire pueis après senz testament e senz effanz, cel qui fu sotordenas no pore estre hers de lui per cel testament si el non i a autra raison. E cisti sotordenacions est apella pupillars.

**183** [LIII]· Cores sotordenacions vulgars est entendua pupillars.

**184** Cilli meesma raisons est si le pare a fait cella sola sotordenacion entre los effant, qui est apella vulgars e est entendua pupillars. Mais zo est vers si cil qui sunt hereter non ant mare, issi coma en cest exemplo. Si le pare avit fait dos de sos effant hers, qui eront en son

poer e qui eront menor de ·XIIII. anz, e dist lor en cesta maneiri: « Si l' uns de vos non est mos hers, l' autre o seit en son lue». En cest cas, jaseit zo que il seiant andui her, si alcuns de lor mort domentres que el est mener de ·XIIII. anz e senz effant, l' autre deit aver la partia de lui, o, si el no vit, li mare deit aver l' eretajo del fil avoi los otros frares del mort issi quant dit li leis. **185** [LIV] à cui pot hom sotordenar pupillarment e à cui no. **186** Si alcuns fait d' autrui son her, ben li pot autre sotordenar per cella sotordenacion qui est apella vulgars o pupillars issi quant est dit desore. — Mais neuns no pot sotordenar à homen estranjo per pupillar sotordenacion, jaseit zo que el en face son her e que seit mener de ·XIIII. anz, ne pot fare cella sotordenacion à son fil si le filt non est mener de ·XIIII. anz; e si o fait en autre maneiri, no vaudre; mais el pot ben preier l' ereter que el rende l' eretajo à l' autre, o tota o partia, après la mort de l' ereter o après certan temps, issi coma après ·X. anz. **187** [LV].

Quanta maneiri est ({sic}) de hereters. **188** Deuz hers sunt li un necessario tan solament, li autri sunt de lor meesmo e necessario, li autri sunt estrango. E de toz cestos devem saver quauz differenci est et quauz raisons est de tot. — Si alcuns fait son her de son ser, cel est necessarios; e est apellas necessarios per zo quar el deit pendre l' eretajo, voile o no, tantost quant sos segner est mort, e sare tantost francs, jaseit zo que le segner no n' ait parla, quar li leis entent que li volonta del mort fust tauz, que no poest fare son her de ser si no lo fesest franc. **189** [LVI]. **190** Le sers hereters de son segnor deit paier toz los detos de son segnor si l' eretajos vaut tant; mais el no deit pruis paier que vaut l' eretajos si el no vout. E si el no vout paier los detos de son segnor, el deit rendre l' eretajo auz prestaors de lui, e il lo vendant e lo partant entre lor issi quant comande li leis. E tot zo que gainne le sers après la mort del segnor deit estre sen, ne le

prestare del segnor non i pot aver neun dreit, jaseit zo que non ait tant en l' eretajo que poisse estre paiés tot le detos. **191** [LVII]. De cellos hereters qui sunt de lor meesmo e necessario. **192** Li effant qui sunt el poer del pare, o del pare segnor, sunt her de lor meesmo e necessario. E sunt apella de lor meesmo quar, vivent lo pare en cui poer sunt, sunt entendu estre segnor del bens del pare si le pare est mort. Per zo si alcuns mort senz testament, li effant vinont prumeiriment à l' eretajo. **193** [LVIII]. **194** Li effant sunt apella per zo hereter necessario quar cil qui sunt el poer del pare sunt tantost her que le pare est mort, voilant il o no. E zo est vers, jaseit zo que el no saipant que le pare seit mort; e non est alcuna differenci si el est mener de .XIIII. anz o maier o si a son sen o no. E jaseit zo que li effant seiant her del pare en cui poer sunt, voilant o no, quant à l' estreita raison pertint, il pount laiser l' eretajo, si il volunt, denant que il de mostrant que il voilant estre hereter; e pueis que il laissent l' eretajo, non i ant profeit ni dan. **195** [LIX]. Qual hereter sunt apella estranjo<sup>[29]</sup>. **196** Cil homen sunt hereter estranjo qui no sunt el poer de cellos qui los fant hereters, jaseit zo que il seiant lor effant; quar no sunt en lor poer, issi coma en cest exemplo: « Si li mare a ordena sos effant hereters, il sunt estranjo, quar li mare no pot aver effant en son poer. Neuna fenna no pot aver alcuna persona en son poer». **197** [LX]. De l' eretajo de l' efant qui est mener de .VII. anz. **198** Si alcuns heretajos pertint à alcun, per testament o senz testament, de part la mare o d' alcun de sos parent, e el est el poer del pare o del pare segnor, si el est mener de .VII. anz, le pare o le pare segner pount pendre l' eretajo en lue del fil, jaseit zo que le filt non i cosinte, quar cel filt no pot (...) **199** [LXVII.] [Ante] [quos] [debet] [fieri] [inventarium]. **200** ... choses de l' eretajo, e que les ait cela, si alcuns sers est en cel heretajo, el deit estre meis à torment,

que el die que en a fait l' ereters, si en autra maneiri no pot hom  
saver la verita. E l' ereters deit jurar que el non ait fait alcuna chose  
per boisi en l' inventario. E les garenties devont jurar si il savont que  
el i ait fait alcuna boisi. — Tal beneficio are l' ereters per l' inventario  
que el non est tenus mais que en tant quant el a en l' eretajo, mais  
que en alcuns cas. **201** [LXVIII]. Dedint qual temps pot allar alcuns  
à l' eretajo. **202** Ores direm dedint qual temps deit alcuns alar à l'  
eretajo. Cel cui pertint alcuns heretajos lo pot prendre tantost quant  
est mort cel cui ere l' eretajos, mais que quant el est ordenas en  
alcuna condicion, quar adonc lo pot prendre issi quant est dit desore.  
Mais si el no fait inventario issi quant est dit ne no vout pendre l'  
eretajo, quar no sat<sup>[30]</sup> si est bons o crois, el pot pessar tant d'  
espacio de temps quant el vout, ne no pore estre constraint de prendre  
l' eretajo. E quant zo aventure, l' ereters deit alar al segnor e deit  
querre certan spaçio tro cores ait preis si el voudre estre hereters o  
no, e le segner li deit donar .C. jorz o .I. an, segunt zo que li  
semblare; e tro à cel temps ait preis l' eretajo o laissé. — Si est neuns  
qui queire l' eretajo o no, o que lo prenne o no, el pot alar à l' eretajo  
en tot temps e pot lo querre tro à .XXX. anz à celui qui lo tint si el  
non a justa uchison per que se defende. Mais si l' ereters mort  
denant que el ait l' eretajo, no pore laisser à l' autre son hereter icel  
dreit que el poisse alar à l' eretajo, si no mort dedint l' an que el  
recoignist que l' eretajo pertenie à lui per testament o senz  
testament e que el la poet pendre. E passa l' an que el poere pendre l'  
eretajo e que el saupit que el ere hers, si el vit pueis, e après mort  
denant que l' ait preis, sos hers non i pot ren querre, ne à lui no  
pertendre, mais taignire à celui cui tainssere si le prumers no fust  
essus hers. — Autra raisons est deuz effant quant l' eretajos del pare  
o de la mare pertint auz effant, jaseit zo que il moirant denant que

seiant her e que il no saupessant que il fusant her, li effant de lor pount pendre l' eretajo, jaseit zo que le pare ne li mare no l' essant preis en lor via, jaseit zo que il fussant mort après l' an passa deis que l' eretajos lor tainsit denant que il aessant preis l' eretajo.

**203** [LXIX.] [Quomodo] [potest] [refutari] [hereditas]. **204** Cel à cui pertint alcuns heretajos a poer que el seit hereters o no, ne non en pot estre constraint. Per amor de zo est vers que alcuns no pot refusar l' eretajo pueis que el l' a preis si non est mener de ·XXV. anz. Atressi pueis que el l' a refusa, no pot estre hers si non est mener de ·XXV. anz. Mais le mener de ·XXV. anz pot estre restituis si el fu decet quar l' a refusa. Atressi, si est filt o fili de celui cui ere l' eretajos, pot recorar le terres de l' eretajo dedint ·III. anz après la fin del mort, en quelque lue que el les troveit, jaseit zo que el ait refusa l' eretajo, sol que les choses no seiant vendues o alienais per los pretaors cui el devit. Mais si elles sunt alienais, no les pot pueis recorar si non est mener de ·XXV. anz. L' ereters pot refusar l' eretajo per sola volonta issi quant el pot estre hers per sola volonta.

**205** [LXX.] [Quod] [testamentum] [debet] [publicari] [ante] [potestatem]. **206** Si alcuns mort, e el fait testament o autra escritura, issi quant sunt codicillo, l' ers, o autre à cui est laisé alcuna chose en cel testament o en cella escritura, pot querre cella chose à celui qui la tint, e pot querre que cilli escritura o cel testament seit portas denant lo segnor e que seit leit denant les garenties qui i furont quant fu fait le testament o cilli escritura. E si celles garenties non i sunt, deit estre leit denant autres prohoment; e pot querre que el ait lo paron à l' at d' escrire. Mais cel qui demande zo qui est desore dit deit prumeiriment jurar de calomi; e pueis que le testament sare uvert issi quant est dit, jaseit zo que pueis après seit destruit, o que les garenties moirant, non sare le danz de l' ereter ne

de cellui à cui<sup>[31]</sup> le mort a laissé alcuna chose. **207** [LXXI].

**208** Icel qui est ordenas hereters d' alcuna chose, el deit estre meis en possession de l' eretajo tantost que cel est mort qui l' a ordena, jaseit zo que discordi seit de l' eretajo entre l' ereter e alcun del parent del mort. E pueis que el sare meis en possession, el deit respondre à tot cellos qui li movont question de l' eretajo e qui diont que no deit estre hers. Si du homen mostront per escrit o per garenties e chascuns die que l' eretajos li seit essus laissés, le jugos deit conuisser quauz est meilt semblant que die ver, e cel deit estre meis en l' eretajo prumeiriment si cel qui la tint no se pot defendre que l' ait tenu tant de temps. **209** [LXXII.] [Quando] [heres]

[perdit] [quod] [defunctus] [dimisit] [ei] [in] [morte] [sua]. **210**

Alcunes veis avente que cel qui est ordenas hereters non o pot estre, mais si el tint l' eretajo, si la deit rendre issi coma si le mort a fait alcun hereter contra sa volonta. Cilli meesma raisons est si cel à cui pertint mos heretajos senz testament m' a defendu que eu no fesesso testament segunt ma volunta, e eu soi mort senz testament. En cestos dos cas deit estre otas l' eretajos auz hereters e deit estre donas al segnor. Atressi si alcuns ocit alcun parent de cellui de cui pertint l' eretajos à mi si el est mort senz testament, e eu no l' acuso devant lo segnor de la terra, eu no dei pueis après estre sos hers si no soi mener de .XXV. anz. Atressi si eu ai apella alcun testament fals e eu non o pueis provar, eu no pueis après querre ni retenir zo qui m' ere essu laissé en cel testament, mais le segner pot querre à mi zo que eu en ai. **211** [LXXIII.] [De] [legatis]. **212** Pueis que dit avem de l' eretajo que alcuns laisse en testament, ores direm de les choses que alcuns legue en son testament. Prumeiriment direm que est chose legua, e après quauz chose pot estre laisia per legua, e cores chascuns pot laisser chose lega. Chosa lega est li chose que

alcuns laisse à alcun de sos amius el temps de sa mort. Chosa lega pot estre laissia en testament o senz testament, sol que i ait .V. garenties. **213** [LXXIV.] [Cui] [potest] [dimitti] [legatum]. **214** Chosa lega pot estre laissia à l' igleisi o à ospital o à la cita o al segnor o à alcun deuz hereters, per meluriment, o à alcun de sos amius. **215** [LXXV.] [Que] [res] [possunt] [dimitti] [per] [legatum] [alii]. **216** Per chose lega pot estre laissia tota chose corporauz o no corporauz e pecuni e possessions, sol que no seit chose sagra ne religiosa ne hom francs o autres choses semblables à cestes. Per chose lega me pot alcuns laiser sa chose e la chose de l' ereter e la chose d' autrui. Quant alcuns me laisse sa chose, sos hers la me deit rendre, e eu la pueis querre en quelque lue que eu la troveiso. Mais si li chose ere d' autrui, l' ereters la deit conquerre de celui cui illi est, si el pot, e deit la me donar. E si no la pot aver, si me deit donar tant quant vaut li chose. E zo est vers que el me deit donar la chose o lo preis si le mort savit que li chose fust d' autrui. Mais si el cuidave que li chose fust soa, e non ere, l' ereters non est constraint de rendre la chose ne lo preis. Cel qui demande la chose deit provar que le mort sauest que fust d' autrui, e si el o pot provar, l' ers li deit rendre la chose o lo preis. E si non o pot provar, l' ers non est tenus si non n' est tauz persona que seit senblant que le mort li deuest laisser, issi quant est sos enfes o sa moler o autre persona proimiana. **217** [LXXVI]. **218** Si alcuns m' a laissé alcuna chose qui ere en gajo, l' ers la deit reemer si le mort savit que illi fust en gajo ne no dist nonnament que eu la reemsesso; mais eu dei provar que le mort sauest que illi fust en gajo. **219** [LXXVII.] [Quomodo] [aliquis] [potest] [dimittere] [alii] [per] [legatum]. **220** Chascuns pot laisser chose lega autrui, e zo purament o en condicion e tro à certan temps o deis certan temps enant, e non est [differenci] [si]

[el]<sup>[32]</sup> dit: « Eu laisso » o « dono ». Si alcuns me laisse alcuna chose, el me pot preier que eu la doneiso autrui, o tota o partia, o que li doneiso tant quant vaut e non pruis. Si alcuns me deit alcuna chose, eu li o pueis ben laisser en ma mort, e mos hers no li o pore querre. L' ers non est costraint de rendre la chose qui est lega en testament si testament no vaut ren. Mais si alcuns laisse chose lega senz testament, ben vaut, sol que i ait .V. garenties. **221** [LXXVIII].

**222** E si l' ers no prent l' eretajo quar no vout o no pot, tot izo que le mort a comanda no vaut, quar le testament est tot destruit ne neuns no pot ren querre de cel testament si le mort non a comanda en cesta maneiri: « Si cel de cui eu fau mon her no prent l' eretajo, cel qui lo pendre sent testament face zo que eu ai comanda ». E si el o dit issi, cel qui pendre l' eretajo senz testament deit fare tot zo que a comanda le mort, sol que no seit contra les leis. **223** [LXXIX.]

[Quomodo] [qui] [petit] [legatum] [debet] [probare] [quod] [ei] [sit] [dimissum] [vel] [non]. **224** Si alcuns demande la chose lega per testament, el deit provar que le testament seit fait segunt les leis. En autra maneiri no pot ren querre per testament si le mort non a comanda issi quant est dit desore. E si el quert alcuna chose, no pas per testament, mais dit que le mort li o a laissé, si o deit provar per .V. garenties leiauz. Mais si el non o vout provar, mais sol dit que le mort li o a laissé, si l' ers sat que seit vers, mais el se vout defendre per sutilita de les leis e dit que non i ot tanta garenti quant li leis comande e que le testament no fu fait segunt les leis, el deit fare zo que le mort a comanda. Mais si el non o sat, el deit jurar que el non oit que le mort li laissest alcuna chose. Si cel qui demande vout que el jureit, el deit jurar prumeirment de calomi; e si l' ers no vout jurar, el deit paier zo que l' autre li quert. E zo qui est dit est vers, seiant i essues .V. garenties o meint o neuns, fust le mort pare de l'

ereter o no. E tot zo est vers quant el no demande per lo testament del mort; mais si el demande per lo testament del mort, el deit provar que le testament seit fait leialment. **225** [LXXX]. **226** Qui est ordenas hers, seit filt o estranjos, el deit obedir à la volonta del mort e deit fare lo comandament de lui segunt la partia que el a en l' eretajo, si el o pot fare e oi non est contra les leis. E si el non a fait dedint .I. an lo comant del mort, pueis que le jugos li are dit que o face, el i are tal pena que, si el est pare del mort o sos filt, le jugos deit pendre tot l' eretajo de que el est hereters, et deit tot izo laiser que le mort a laissé à lui, ester sa falcidi, si el est mener de .XXV. anz, si pot estre restituis, jaseit zo que el non ait fait dedint .I. an zo que le mort comandet. Mais si l' ereters est estranjos e el est maier de .XXV. anz e el non a fait zo que le mort a comanda dedint .I. an, pueis que le segner li o à dit, le segner deit pendre tot zo que le mort a laissé à cellui. **227** [LXXXI]. **228** E cel qui est sotordenas hers li pot querre tot zo que le mort li laisset, issi quant est dit desore. E si non apareit o non o vont querre, si sunt dui her, l' uns pot querre la partia de l' autre qui no vont fare zo que le mort a comanda. E si cel non apareit qui la deurit querre, si la pot querre le pruis proimians cusins del mort; et si cel qui demande non apareit, si la pot querre l' estranjos. Mais cel qui vont zo querre de tot cestos qui sunt desore dit deit cofermar que el fare tot zo que le mort a comanda, pueis après are tal dreit en l' eretajo quant el i ore si el fust hers, e en demandar zo que ere deupu al mort e en paier zo que el devit. Mais si neuns non apareit de cestos qui queire l' eretajo, le segner lo pot querre. **229** [LXXXII.] [Si] [uxor] [dimisit] [marito] [suo] [aliquid] [tali] [condicione] [ut] [non] [accipiat] [aliam] [uxorem]. **230** Si li moler a laissé à son mari alcuna chosa en tal condicion que el no prenne autra muler, le maris pot querre cella chossa si oi est certan

que el no prenne autra muler, issi coma si se met en orden; mais si non est certan, el no pot querre zo que li a laissé li moler tro que l' anz est passas. E quant l' anz ert passas, el o pot querre, si oi est possessions, si el vont jurar que el rende los fruit que el are de la chosa, e la chosa avoi, si el prent autra muler; e deit o fiancer que el o tingne issi. Cilli meesma raisons est si oi est chosa mobla, si cel cui est laisia li chosa est richos. E si zo que a laissé li moler sunt dener, e el no tint cella covencion, el deit rendre los deners e lo gaain si el los a amana à gaain. E si el no los a amana à gaain, si deit donar del sout .III. de[ners] en l' an domentres que el los tendre. Mais si el non est richos, el deit donar fiances que el o tingne issi quant est dit. E si no pot trovar fiances, el en deit obligar tot sos bens e o deit jurar issi quant est dit. E si el, jaseit zo que el o ait jura e ferma, prent après autra [muler], l' ers de lei pot querre cella chosa ont que el la troveit, seit chosa mobla o no mobla. **231** [LXXXIII]. **232** Zo qui est dit, que le maris deit fermar e jurar, est vers si li moler non a dit nonnament que el non o fermeit ne o jureit. Cilli meesma raisons est si le maris laisse alcuna chosa à la muler en cella condicion. Cilli meesma raisons est si alcuns laisse à alcuna fenna, que illi no prenne muler, o si alcuna fenna laisse à alcun homen, que el no prenne muler.

**233** [LXXXIV.] [Cui] [potest] [dimitti] [res] [que] [est] [dimissa]

[per] [legatum]. **234** Cel cui alcuna chosa est laisia la pot querre à l' ereter de celui qui a laissé la chosa e à tot cellos qui la tinont si no l' a tant tenu per que se poisse defendre. Mais si li chosa non ere del mort, cel cui est laisia li chosa no la pot querre mais que à l' ereter del mort. **235** [LXXXV.] [Quod] [res] [defuncti] [sint] [obligate]

[illi] [cui] [dimittit] [aliquid]. **236** Le mort oblige totes ses choses à celui cui el laisse alcuna chosa tro que oi li est paié zo que el a laissé; e pot querre tant de les choses del mort à cellos qui les tinont quant

vaut zo que el a laissé, si cel qui tint les choses non o vout paier.

**237** [LXXXVI.] [Si] [aliquis] [dimittit] [aliquam] [rem] [alicui] [qualem] [vult] [eligere] [ille] [cui] [dimittit]. **238** Si alcuns a pruisors sers o feies o bos, e el laisse à dos homenz ·I. de cellos sers o de les autres choses qui sunt dites, que il prennant cel que il voudrent, l' ers lor deit laisser esleire cel que il voudrent· E si discordi est entre lor de l' eleccion, il devont metre sort, e cel cui escharre deit esleire la chose, e deit la aver e donar à l' autre tal partia del preis quant el i are· **239** [LXXXVII.] [Si] [aliquis] [dimittit] [alii] [talem] [rem] [sicut] [eligit] [Johannes]· **240** Si alcuns a pruisors chavaut o autres besties, e el en laisse una à alcun, tal quant Peros o Juanz l' esleire, ben la pot querre tal quant Juanz o Peiros l' esleirit· E si Peros o Juanz iste ·I. an après la fin del mort que no l' esleie, cel cui l' a laissia la pot esleire en tal maneiri que no prenne [la] pruis croi ne la melor· **241** [LXXXVIII.] [Quod] [res] [quam] [defunctus] [dimittit] [alii] [sub] [condicione] [non] [debet] [alicui] [vendi]· **242** Si alcuns a laissé alcuna chose à alcun, o purament o en condicion, o tro à un certan temps a comanda que li fust rendua, cel cui le mort a comanda que li donest la chose no la pot donar ne vendre ni engager à neun· E si o fait, no tendre neun dan à celui cui est li chose laissia, mais la pot querre à toz cellos qui la tinont, tro à ·XXX. anz deis cel jort que el la poet querre enant· Mais si li chose non ere del mort, cel cui est laissia no la pot querre mais que à l' ereter del mort· Si alcuns achate alcuna chose de l' ereter, qui fust autrui laissia, e pueis l' a rendu à celui cui ere laissia, el no pot querre à l' ereter mais que lo preis que el l' en a dona e no pruis, si el saupit, quant el l' achatet, que li chose fust autrui laissia; mais si el non o savit, el pot querre tot lo dan que el i a au· Cilli meesma raisons est si l' ereters aliene la chose qui est laissia à alcun

en condicion. **243** [LXXXIX.] [Quando] [filius] [potest] [alienare] [rem] [illam] [quam] [pater] [precepit] [ut] [daret] [alii]. **244** En dos cas, si l' ereters est filt o fili del mort, pot alienar la chosa qui est laissia autrui, issi coma si le pare o li mare li a preié que el rende l' eretajo à alcun de sos amius o à alcun deuz autres effant tro à certan temps, o en sa mort o après sa mort. En cest cas pot le filt o li filli retenir sa falcisdi, e les autres parties deit rendre enteires issi quant a comanda le mort. E si le filt a preis muler denant que el rende l' eretajo, el pot donar en esposalicio de les choses que el deit rendre à l' autre, o, si est fenna qui prenne mari, illi li pot donar de celles choses per vercheiri. E zo est vers si le filt non a al que doneit à la muler que prent, o li filli non a al que doneit en vercheiri al mari que prent. E si l' ers est estrangos, e non est filt o fili, no pot retenir sa falcisdi. **245** [XCI] <sup>[33]</sup>[.] [Si] [maritus] [dimittis] [per] [legatum] [uxori] [sue] [quod] [ipsa] [non] [dederat] [ei]. **246** Si le maris a dit en son testament: « Eu laisso à mi muler la vercheiri que illi me donet », si illi no l' en a point dona, illi non en pot point querre si le maris non a dit d' alcuna chosa certana, issi coma si el dist issi: « Eu laisso à mi muler ma maison o ·C. souz per sa vercheiri ». Atressi si le maris a dit: « Eu laisso à mi muler zo qui est escrit en la chartra de la vercheiri », li moler pot querre tant quant est escrit en la chartra, jaseit zo que illi non li est ren dona de vercheiri. **247** [XCII.] [De] [illis] [rebus] [quas] [aliquis] [dimittis] [alii] [sub] [condicione]. **248** Zo qui est laissé en condicion pot estre tantost demanda quant oi vint li condicions, issi coma si alcuns m' a laissé alcuna chosa si eu allavo à Roma o pueis que le reis sarit mort. E jaseit zo que li condicions no vingne, mais en mi no remant mais per zo quar no la pueis complir, issi coma si el m' avit laissé en tal condicion que eu tochesso lo cel al dei, jaseit zo que eu no lo poiso tocher, eu pueis

querre zo que el m' a laisse. Cilli meesma raisons est si el m' a laissé alcuna chose en condicion qui est contra raison, issi coma si le mort dist: « Eu laisso ·C. souz à Martin per zo que el laisseit si muler o que el uzie homen o que face laronicio». En tot cestos cas non est tenus que el tigne la condicion, e pot querre zo que le mort li a laissé. Si alcuns m' a laissé alcuna chose en condicion que eu poiso fare e qui no seit contra raisson, eu no pueis querre cella chose tant que li condicions seit cumplia, issi coma si alcuns m' a laissé ·C. souz en tal condicion que eu en doneiso Martin ·XX. souz, o que eu allo tro à Saint Gile. **249** [XCIII.] [Quod] [heres] [debet] [pagare] [usuras] [si] [non] [vult] [pagare] [quod] [defunctus] [precepit]. **250** Si l' ers no me paie el temps que me deit paier, e oi sunt dener, el me deit donar lo gaain deuz deners deis cel jort enant, segunt la coudunna de la terra, sol que no seit contra raison. E si oi est autra chose, mobla o no mobla, el me deit rendre los fruit que el en a preis deis cel jort enant que el me deupere paier. **251** [XCIV.] [Si] [defunctus] [precepit] [heredi] [suo] [ut] [ipse] [redderet] [alii] [hereditatem]. **252** Alcuns, quant el mort, o el fait testament o no, e[l] pot preier son her que el rende autrui l' eretajo, e pore dire en tal maneiri: « Pero, tu qui es mos hers, eu volo e comando e te preio que tu rendes à Martin zo que eu te laisso». E l' ers pore retenir la quarta partia de zo que li a laissé, jaseit zo que el li o ait comanda de rendre tot. E non est differenci si el li a comanda de rendre o tantost quant el o arit, o si i a meis termen, o si dist que el o rendest si el morie senz effant. En totes cestes maneires pot alcun comandar <sup>[34]</sup> à son her que el rende l' eretajo. E l' ers o deit fare segunt lo comant del mort; mais el pot retenir la quarta partia, jaseit zo que le mort non o ait dit. E deit respondre al prestaors del mort e querre al detors segunt la partia que el a en l' eretajo. E si el en a au gaain denant que el lo

rendest, el deit rendre lo gaain atressi. E si el a paié del detos del mort, tant deit paier meint quant pertint de les tres parties. Si l' ers cui le mort a preié que el rende l' eretajo autrui vout intrar en l' eretajo, e la vout tota rendre à celui cui le mort a comanda, el non i are neun profeit ne neun dan, mais cel cui est donas l' eretajos. Mais si el no vout intrar en l' eretajo que le mort avit comanda de donar autrui, cel à cui deit estre rendus lo pot destreingner raisonablament que el prenne l' eretajo e que lo li rende. E en cest cas tot le dant e le profeit deit estre celui cui el rent l' eretajo. L' ers à cui le mort a comanda que rende la chose deit aver la quarta partia, ait o dit le mort o no. Atressi si el li a laissé meint de la quarta partia, el en pot tant retenir que el l' ait. Si le mort a comanda à son her que el rende tot l' eretajo ester una maison o ester M souz o ester autra certana chose, el pot retenir zo que le mort a dit, e tot la<sup>[35]</sup> deit rendre; e en cest cas l' ers no deit sostenir neun fais de l' eretajo, issi quant est en paier los detos. Mais cel deit sostenir tot lo fais de l' eretajo, cui l' eretajos est rendus. Cilli meesma raisons est si le mort volgue<sup>[36]</sup> que l' ers retenest does certanes choses o pruisors, e à les nonna, jaseit zo que elles vailant mais que li quarta partia. Si le mort a dit à tot sos hers, o à l' un solet o à dos, que il rendessant lor partia, non est differenci si l' ers est filt o fili o no, mais que en zo que le filt o li filli, cui le pare o li mare a comanda que rendest l' eretajo autrui, pot retenir la quarta partia e tant quant li failt de sa falcisdi, ne no contare en la quarta partia los fruit que el en a preis; mais l' autre hers, qui non est filt o fili, contare los fruit per la quarta partia. Alcunes veis aventure que l' ers, cui le mort a comanda que rende l' eretajo, no n' est tenus, issi coma si el à comanda à son fil o à sa fili que rendest l' eretajo tro à un certain temps, e denant que le temps venest el ot effant. En cest cas no n' est tenus. — Atressi si el s' est

rendus monios o chanonios, o s' est donas en autre lue venerablos dedint lo certan temps, el non est pueis tenus de rendre l' eretajo, quar oi est entendu que Deus deit estre ereters en cest cas. **253** [XCV.] [Si] [defunctus] [dimisit] [aliis] [tantum] [quod] [non] [dimisit] [falcidiam] [heredi]. **254** Pueis que dit avem de celles choses que alcuns laisse en sa mort, ores direm de la falcidi, quar raisons est, si le mort a tant laissé auz autres que l' ers non ait la quarta partia si l' ers vont donar tant quant le mort a comanda, adonc pot retenir la quarta partia de totes les choses que le mort a comanda de donar autrui. — Si l' ers a rendu mais que no devie, que no li remaigne li quarta partia, e el cuidave que li remasest, el pot recorar zo que a mais paié; mais si el savit que li quarta partia no li remanie quant el paient, el no i pot pueis ren querre. — Atressi si el savit que el poest raisonablament retenir la quarta partia, e el no volgue, el no la pot pueis recorar. **255** [XCVI]. De les choses laissies de que no pot neuns retenir la falcisdi. **256** De les choses qui sunt laissies à les igleises e auz autres lues venerablos no pot retenir l' ers la quarta partia, ne pot retenir de les autres choses en lue de celles. — Atressi si le mort a dit à l' ereter que no retenest la quarta partia, el no la pot pueis retenir. **257** [XCVII]. **258** Entro ici avem dit de les choses laissies; or direm cores zo que le mort laisse en sa mort no vaut. — Si cel cui le mort a laissé alcuna chose est mort denant que el l' ait preisa, no vaut si oi li fu laissé per heretajo. — Cilli meesma raisons est si autre ere hers e cel cui a laissé alcuna chose est mort denant que l' ers aest volu pendre l' eretajo. — Atressi no vaut si le mort a laissé alcuna chose en condicion, si cilli condicions no vint à fin. **259** [XCVIII]. Si cel cui est laissia alcuna chose mort denant que la queire. **260** Si alcuns m' a laissé alcuna chose en sa mort, no pas per heretajo mais per chose lega, e eu moro denant que l' ers ait

preis l' eretajo, mos hers la pore querre si eu no l' ai refusa en ma via, jaseit zo que eu non aio fait senblant en ma via que eu la volesso. — E zo est vers si cilli chose me fu laisia purament, o si me fu laissia que l' ers la me donest tro à un certan temps, issi coma tro à festa Saint Martin. — Mais si eu ero fait hers en cella chose issi quant est dit, e eu moro après cellui qui m' a fait ereter denant que eu aesso l' eretajo, cel qui sare mos hers no pore querre zo de que eu ero fait hers si eu no soi mort dedint l' an que le mort me feit hereter, quar adonc pore ben querre mos hers zo de que eu ero fait hers, si eu non o ai enbla en ma via, jaseit zo que eu non o aio preis domentres que eu ero vis. E cest dreit no perdre mos hers tro à .XXX. anz. **261**

[XCIX]. Si alcuns a laissé alcuna chose autrui à certan temps, l' ers del mort la deit fermar à cellui cui le mort l' a laissé. **262** Si alcuns me laisse alcuna chose e a comanda que me fust rendua tro à certan temps, issi coma tro à festa Saint Michel, cel cui le mort o a comanda me deit fermar que el m' o rende à cel termen. E si no me vont fermar, le segner me deit metre en possession de totes celles choses que le mort m' a laissé, si le mort no dist nonnament que el no me fermest en cesta maneiri. — E si cel qui me devit fermar iste per .V. meis, deis cel temps en après, que no m' ait ferma, le segner me deit metre en possession de totes ses choses que el tint, e eu les tendrei en gajo tant que el m' ait ferma o m' ait rendu zo que a comanda le mort. — Cilli meesma raisons est de celles choses que alcuns laisse autrui en condicion. **263** [C]. Cores pot alcuns heretar sent testament. **264** Pueis que dit avem cores pot heretar l' uns à l' autre per testament, ores direm cores pot heretar senz testament. Prumeiriment devem saver que trei orden sunt de consanguinita, e per zo sunt tres maneires d' eretajos: li prumeiri est quant li effant heretont al pare o à la mare; li secunda est quant le pare o li mare

heretont auz effant o auz effant de lor effant; li terci est de travers, quant li frare e li cusan e li autri parent heretont entre lor l' uns à l' autre. **265** [CI]. En qual maneiri devant heretar li effant al pare o à la mare. **266** Si alcuns mort senz testament e el a effant, il devant prumeiriment eretar, si il volont, seiant el poer del pare o no, e devant partir esgalment l' eretajo, ne non est differenci si li fili qui vont heretar avoi los otros frares à mari o no, ne non est differenci si le pare l' a maria o li frare. — Mais si illi vont eretar al pare o à la mare, illi deit contar la vercheiri prumeiriment per sa partia que illi a au, issi quant est dit desore, se cel li donet la vercheiri à cui illi vont heretar, si le mort non a defendu que illi no la contest. — Una chosa est à saver que le filt del fil del mort non herete à son pare segnor o à si mare donna domentres que le pare de lui vit mais que en .I. cas, issi coma que alcuns hom o alcuna fenna a .II. effant o pruisors, e l' uns de cellos effant mort denant son pare o si mare, e laisse otros effant; icil effant devant eretar al pare segnor o à la mare donna en lue de lor pare o de lor mare esgalment avoi lor oncles, e devant tant aver de l' eretajo quant en ore lor pare o lor mare si visquest. **267** [CII]. En qual forma le pare o li mare devant heretar à lor effant. **268** Si alcuns mort senz testament e el non a effant, le pare o li mare devant eretar denant autres personnes si cel qui est mort non a laissé frares germans; mais si el a laissé frares germans, il devant eretar avoi lo pare del mort esgalment. — E en cest cas no deit prendre le pare l' us del fruit en cella partia qui pertint auz autres effant. — Quant le pare o li mare heretont à lor fil mort avoi los otros filt issi quant est dit, le nes i pot atressi eretar, zo est le filt de son frare qui est mort. E zo est vers si le pare de cel nevo ere frare de part pare e de part mare, e cel nes deit aver tant de l' eretajo quant en ore sos pare si el fust vis. — Cilli meesma raisons

est si cel nes qui vont heretar à son oncle fu filt de la seror germana de cel mort. **269** [CIII]. Cores l' uns parent deit heretar à l' autre.

**270** Si alcuns hom mort senz testament, ne no laisse fil ni fili ni persona pruis bassa, ne no laisse pare ni mare ni persona pruis auta, sei frare german de part pare e de part mare li devont eretar. **271** [CIV]. Quauz dreit est si le mort a laisé frares o serors. **272** Si li frare o les serors germanes sunt mort denant cellui de cui heretajo est le plait, lor effant devont heretar al mort, zo est à lor oncle o à lor antan qui sunt mort senz effant e senz testament, e devont aver cil effant tal partia en l' eretajo qual l' i ore lor pare o lor mare si visquessant, seit uns o dui o pruisor; ne non est differenci si sunt fil o filles. — Si cilli persona qui est morta senz testament non a laissé effant ni pare ni mare ni pare segnor ni mare donna ni serors ni frares germans, e el a laissé frares o serors qui li pertinont sol de part pare o de part mare, il devont heretar denant los otros parent. — Si alcuns mort qui ait frares o serors de part pare o de part mare tant solament, e oi apareissoint effant qui seiant de l' autre frare o de la seror qui ere mort denant que cel morest de cui eretajo est le plait e qui pertenie al mort de part pare e de part mare, jaseit zo que il seiant pruis loing, quar il sunt el tert gra, il devont aver l' eretajo de lor oncles, e getont for los frares qui pertinont al mort de part pare o de par mare tant solament, jaseit zo que icil frare o serors seiant el segunt gra e li nevo el terz. — Si le mort no laisse aucun effant ni alcuna persona desore, ni no laisse frare ni seror ni nevo, icel cusins qui li est pruis proimians deit heretar, e si sunt pruisor en cel meesmo gra, si devont partir esgalment, e si l' uns no vont eretar o no pot, cilli partia est cuminauz à tot los otros, ne non est differenci si le mort est hom o fenna, sol que seiant sei parent. **273** [CV]. Qual raison a le pare en les choses deuz effant. **274** Ores direm de les choses de la mare, cores pertin[on]t auz effant, e qual raison a le

pare en les choses que il gainnont domentres que sunt el poer del pare. — Si le filt o li fili qui sunt el poer del pare o del pare segnor gainnont alcuna de les choses de cellos en cui poer sunt, [tot] [zo] [que] [gainnont] [deit] [estre] [de] [cellos] [en] [cui] [poer] [sunt] [37], e la proprieta e l' us del fruit pore donar le pare o le pare segner, en sa via o en sa mort [38], jaseit zo que cel filt qui l' a gainne non o voile. — Si pero le filt gainne alcuna chose per sa cienci, issi coma en plait, o per aventura que el a, issi coma si a trova ·C. souz, tot l' us del fruit deit estre del pare de cel gaain domentres que el est el poer del pare; mais li proprieta est del fil qui a gainné la chose. — Cilli meesma raisons est de celles choses que il ant de part la mare o d' autra part, o si alcuns lor amius lor a ren laissé en sa mort: en tot cestos cas deit aver le pare l' us del fruit, e le filt la proprieta. — Zo est à saver que le pare no pot vendre ni engager ni donar les choses deuz effant senz lor coseil; e, si o a fait, le filt les pot querre si cel qui les tint no les a tenu tant de temps que se poisse defendre. — Le pare deit aver la cura en les choses del fil que el a en les soes propries, e deit plaideier per lo fil e querre los detevos del fil, e le filt o deit cosentir si el non est mener de ·VII. anz, quar adonc no pot consentir; mais tot zo que el fait est entendu que el o fait al coseil del fil, sol que non alienoit les choses del fil; e zo pot fare le pare, o autre per lo comant del fil, e deit respondre à toz homenz per lo fil del sen proprio, e no pas de les choses del fil, quar el prent los fruit de les soes choses. — Le pare non est tenus de fermar ni de prometre à son fil que el meneit à mesura les choses del fil, jaseit zo que li autri homen estranjo donant cesta fermanci quant ant l' us de les lor choses. — Atressi non est tenus le pare que el faze raison à sos effant de l' aministracion de lor choses, jaseit zo que el les deipe gardar saviment. Mais si le pare aliene les choses del fil mais que issi quant

comande li leis, totes les choses del pare sont obligais al fil taisiblament<sup>[39]</sup>; e el se pot tornar auz heresters del pare, que il li esmendant chascuns per sa partia, si le pare non a dit en sa mort que li fil no quesessant ren en les choses que el a aliena, quar adonc devout tenir la volonta del pare si il volunt estre sei hereter. **275**

[CVI]. Cores le pare pot alienar les choses del fil. **276** Si mos filt a detevo, eu pueis vendre de ses choses mobles tant que eu paiesso lo detevo de lui. — E si el non a tant de les choses mobles que eu poiso rendre lo detevo, eu pueis vendre de la chose [no] [mobla]<sup>[40]</sup> per zo que el no doneit usures; e si eu non o fau, issi quant est dit, eu dei rendre les usures del fruit de celles choses e de les mies propries. — En cest cas pueis vendre la chose de mon fil per nom de lui; e si no trovo qui la voile achatar, eu la pueis engager. E si li chose est dampnosa o trop de grant fais à mon fil, eu la pueis vendre, jaseit zo que illi seit no mobla, e dei despendre lo preis de cella chose en les choses de mon fil, o li o dei gardar. **277** [CVII]. Si le filt pot alienar les choses en que le pare a us de fruit. **278** Issi quant le pare no pot alienar ne obligar les choses del fil mais que el cas que dit li leis, atressi le filt no pot alienar ne obligar les choses en que le pare a l' us del fruit senz son coseil; mais al coseil del pare les pot alienar o obligar, en sa via o en sa mort, jaseit zo que el no poisse fare testament senz lo coseil de son pare domentres que el est en son poer. **279** [CVIII]. Cores le pare non a us de fruit en les choses del fil. **280** Le filt qui est el poer del pare, si el a proprio castreis, o issi coma castreis, ne le pare ne le pare segner non ant us de fruit en cel proprio, mais est enteiriment del fil, e le filt lo pot donar o vendre o engager, en sa via o en sa mort, e en pot fare testament, jaseit zo que el seit el poer del pare. E tot zo pot fare senz lo coseil del pare. — Atressi si alcuns de sos amius done alcuna chose al fil en tal

condicion que le pare non ait l' us del fruit, le pare no lo deit aver, ne non i a autra raison. Proprios castreis est zo que gaainne le chavalers per sa chavallari; mais cist chavaler no sunt pas ores. Proprios issi coma castreis est zo que gainnont li leiater o li autri clergo per lor officio, si no sunt monio. **281** Livre VII. **282** [I]. Ici comence le setens liuros, e parle de franchia. **283** Pueis que dit avem delt contrait que fant li homen entre lor, e est dit cores pot heretar l' uns à l' autre, ores direm de les franchiais. Franchia pot estre dona à ser o à igleisi o entre amius o per letres, si el est sers en estrangi terra. E le segner pot donar franchia à son ser en sa mort, e en testament e senz testament, sol que seit fait denant .V. garenties. **284** [II]. En qual forma le sers devint francs contra la volonta son segnor. **285** Si alcuns a ser malado, e el lo gete for de sa maison, ne no lo met en hospital ne li done neun ajutorio, icel sers est fait francs; mais le segner a en lui la raison que le patrons a en son libert. — Atressi si eu ai vendu ma serva en tal covencion que illi no fust meissa el bordel, si cel qui l' a achata l' i met, illi est tantost franchi. — Atressi si eu ai dit que alcuns est mos sers, e zo provo, si el me done lo preis de si meesmo, o autre per lui, el est francs, e eu non ai pueis neum dreit en lui. — Atressi si alcuns done sa serva per muler à autrui, e el li done vercheiri, illi est tantost franchi, quar mariajos no pot estre fait mais que entre franchises personnes. — Atressi si eu sostino per mon mal engin que alcuns prenne per muler ma serva, quar el cuidave que illi fust franchi, illi est tantost franchi. Cilli meesma raisons est del ser. **286** [III]. Si dui homen ant un ser cuminal, l' uns li pot donar franchia contra la volonta de l' autre. **287** Si dui homen ant .I. ser cuminal, e l' uns li vout donar franchia, en sa via o en sa mort, ben o pot fare, jaseit zo que l' autre non o voile; e l' autre est costraint de vendre sa partia à celui qui li vout donar franchia. —

Mais cel qui done franchia al ser cuminal deit donar al compaignons lo preis per cella partia que il ant el ser. E si il la volunt pendre, cel qui done la franchia deit saiellar lo preis e deit lo metre en l' igleisi. E si le sers a proprio, si deit estre cuminauz de cellos segnors cui ere le sers. — Le preis del ser deit estre tauz en cest cas: si el est masclos o femenz, e el non a neun' art, si deit estre preises .XX. souz, si el a mais de .X. anz. Mais si el non a mais de .X. anz, no deit estre preisses mais que .X. souz. E si el a alcuna art, si deit estre preises .XXX. souz, si non est notarios o mejos. Si el est mejos, si deit estre preises XL souz; si el est notarios, si deit estre preises L souz. E si el est chastras, e non a alcuna art e est maier de .X. anz, el deit estre preises L souz; mais si el a art, deit estre preises LXX souz; e si cest chastras est mener de .X. anz, el deit estre preises .XXX. souz, et no pruis, ait art o no. **288** [IV] Cores alcuns pot manlevar lo ser qui est en gajo. **289** Si alcuns a ser engagé autrui, no lo pot manlevar mais al cosentiment del prestaor, o si no rent lo detevo. E zo est vers si le sers ere engagés personalment e nonnament. Mais si el ere obligas generalment, issi coma si le segner del ser a meis en gajo totes ses choses, ben lo pot manlevar, jaseit zo que le prestare non o cosinte. — Atressi le maris pot ben manlevar lo ser o la serva que li moler li a dona en vercheiri, si le maris a de que poisse rendre la vercheiri; mais el no pot manlevar cel ser que el a en gajo de si muler. **290** [V] Qui no pot dire que seit francs. **291** Si alcuns est maier de .XX. anz, e el cosint que alcuns lo vende per zo que el ait part el preis, e cel qui l' achate cuidave que el fust sers de cellui qui lo vendie, e cel qui est vendus a part el preis, el est tantost fait sers de l' enperaor, e no pot pueis dire que el seit francs. Mais si el non a part el preis, el non est pas sers, mais el est tenus de rendre à l' achataor lo preis en doblo que el i a dona; e zo est per son mal engin, quar el dist que el ere

sers· Mais si l' achatare cuidave que el fust francs, el no sare pas  
sers, jaseit zo que el aest part el preis· **292** [VII]· En quant de temps  
le sers est fait francs<sup>[41]</sup>. **293** Si alcuns sers a ista en la possession de  
franchia ·XX. anz en bona fei, el est francs, si el ot bon  
comenciment, issi coma en cest exemplo: « Alcuns donet franchia à  
son ser en son testament, e pueis la li ostet euz codicillos que el feit  
aprés lo testament· Quant le segner fu mort, saupit le sers que sos  
seigner li avit dona franchia en son testament, mais el no saupit que  
el la li aest osta elt codicillos· Si cel ser a ista ·XX. anz après la mort  
de son segnor en forma d' omen franc, el no pore pueis estre tornas  
en servitu, mais l' om qui est francs no pot estre sers per possession  
de neun temps, jaseit zo que alcuns l' ait tenu LX anz»· **294** [VIII]·  
Cores alcuna chose est perfaita d' autrui· **295** Alcunes maneires sunt  
per que li homen gainnont alcuna chose e en sunt fait segnor, issi  
coma si alcuns a preis alcuna besti qui non est de neun, o oisel o  
peison, el est tantost segner de la chose que el l' a preis· E non est  
differenci, si el l' a preis en sa terra o en l' autrui· Mais si eu la  
prenno en la terra d' autrui, si le segner de cella terra me veit intrar  
en sa terra, el me pot ben defendre que eu non i intreiso contra sa  
volonta· Si eu prenno alcuna besti, illi est mia domentres que illi est  
en ma garda· Illi est en ma garda domentres que eu pueis aver la  
possession de lei· Mais si illi sailt de ma garda e met se en natural  
franchia, eu perdo la segnori de lei, e cel en sare segner qui la pore  
pendre· Illi torne en natural franchia quant illi s' en fuit denant mos  
ueilt, que eu no la pueis veer, o si eu la pueis veer e no la pueis  
pendre· Cilli meesma raisons est deuz<sup>[42]</sup> oiseuz e deuz peisons· — Si  
eu ai feri alcuna besti si que legeiriment la poisse om pendre, per tot  
zo non est illi pas mia si eu no la prenno; mais si autre la prent  
denant que eu, illi sare soa, jaseit zo que eu l' aio feri e jaseit zo que

eu la seguesso quant el la preit. E zo per amor de zo quar maintes choses me poerant enpaitar que eu no la priro. **296** [IX]. De les aviles. **297** Aviles sunt besties e per zo, jaseit zo que elles seiant en mon arbro, elles no sunt pas mies tro que eu les aio enclos en mon bruc. E per zo aventure que si alcuns les enclot denant que eu, elles sunt soes, jaseit zo que elles fusant en mon arbro. — Atressi si elles fant mel en mon arbro, chascuns lo pore pendre, e no sare laronizios. Mais si eu viu cellui intrar en ma terra per pendre cel mel o per enclore celles aviles, eu li pueis defendre que el non i intreit. — Atressi l' eisams qui sailt de mon bruc est mens domentres que eu lo pueis veer, si eu lo pueis pendre legeiriment. Mais si el s' en fuit, que eu no lo poiso veer, o, jaseit zo que eu lo poiso veer, si eu no lo pueis pendre, eu perdo la segnori, e sare cellui qui lo pore pendre.

**298** [XI]. De le galines e de les oyes<sup>[43]</sup>. **299** De les galines e de les oies est autra raisons que cilli qui est dita deuz autres oiseuz, quar eu no perdo mes galines ni mes oies, jaseit zo que elles volant en lue que eu no les poiso veer. E si alcuns les prend en tal corajo que no les me rende, el fait laronizio. — Atressi si nos prennem alcuna chose qui seit de nostros enemius los Sarazins, cen est nostro. E per zo aventure que, si eu prenno alcun homen franc qui seit de mos enemius, el est mos sers. Mais si el s' en fuit pueis, el est francs issi quant ere denant. — Atressi si eu trovo alcuna chose en la riva de la mar, e cilli chose non est autrui, illi est mia tantost que eu l' ai trova, issi quant sunt peres precioses o autres choses. — Atressi zo qui nait de ma besti sare men. — Atressi si alcuna chose creit en mon champ, que eiga ait osta del champ de mon veisin e ait o meis el men champ, cen est men tantost que a preis rais en mon champ, seit arbros o autra chose. **300** [XII]. Si alcuna isla nait en alcun fluvio, de cui deit estre. **301** Si alcuna isla nait en alcun fluvio, si illi est el mei del

fluvio, illi deit estre cuminauz à cellos qui ant terra en cesta riva del fluvio: segunt l' ampleisi de la terra qui est josta la riva, devont aver partia en l' isla. Mais si l' isla est pruis proimiana à mi que à autrui, illi deit estre mia. **302** [XIII]. Si le fluvios creit e cueire la terra d' autrui. **303** Si le fluvios creit tant que li eiga cuirisson mon champ, eu no perdo pas per zo la segnori, si li forma non est del tot mua de cella forma que el avit denant. **304** [XIV]. Si alcuns fait la oura<sup>[44]</sup> de la chose d' autrui. **305** Si alcuns fait oura de l' estrangi chose en bona fei, issi coma si fait de l' autrui lana vestiment, e de l' autrui argent copa, icelles oures sunt de celui qui les fait, si non o pot tornar en la prumeiri forma; issi coma si alcuns a fait vestiment de la lana o del lin d' autrui, icel vestiment no pot tornar en la prumeiri forma. — Atressi si alcuns fait vin del raisims d' autrui, o uelio de les nois d' autrui, cel vins e cel uelios deit estre de celui qui lo fait, si el lo fait en bona fei, que cuideit que fusant sen li raisim o les nois, si no furont toutes o enblais. — Si pero li chose pot estre torna en la prumeiri forma, si deit estre cellui cui ere li chose, issi coma li copa qui est faita d' argent ben pot tornar en la prumeiri forma, quar l' argent pot estre estrait e tornas en cella meesma forma. Cilli meesma raisons est de totes les choses semblables à cestes. Cilli meesma raisons est si alcuns a escos mon froment: le grans deit estre mens<sup>[45]</sup>, jaseit zo que le grans no poisse tornar en l' espi, quar el non i a ren fait mais que lo gran qui ere cuvert à descuvert. — Mais si el o a fait en bona fei, quar cuidave que li chose fust soa, el pot retenir del froment tant que el li ait rendu ses mesions que i a fait. **306** [XV]. Si alcuns fait maison en sa terra de les peres d' autrui. **307** Si alcuns fait hesdifiiment en la terra d' autrui de les peres o de la legni d' autrui, cel hesdifiiment sare de celui cui est li terra. E cel cui est li maieiri en est encor segner, mais el no pot

querre la maieiri domentres que dure l' esdifiiment, si cel qui l' a fait l' avit fait en bona fei, que cuidave que li terra fust soa. — Mais el est tenus raisonablement que el rende zo que vaut li maieiri en doblos, quar non est raisons que cel qui a fait maison de mes peres en bona fei l' especcest. Mais si li maisons chat en alcuna maneiri, eu pueis querre ma maieiri, quar eu non ai perdu ma segnori, si eu non ai recet l' esmenda en doblo que valie ma maieiri. — Mais si cel qui a fait maison de ma maieiri o a fait per mala fei, que el savit ben que li maieiri ere mia, el est tenus del laronizio e deit me donar tant quant valie li chose quant le plait fu commencés. **308** [XVI]. De celui qui hesdifie de sa maieiri en la terra d' autrui. **309** Si alcuns fait maison de sa maieiri en l' autrui terra, li maisons deit estre celui cui est li tera, e no pas celui qui la fait, mais pert la segnori de la maieiri, si el savit que li terra fust d' autrui, e jaseit zo que cilli maissons chae pueis après, el no pore ren querre en la maieiri, quar oi est senblant que el volest donar cella maieiri à celui cui ere li terra quar el savit que illi ere d' autrui. — E si cel qui esdifie maison per mala fei est en possession de cel esdifiiment, e le segner li quer l' esdifiiment avoi la terra, cel no pore querre messions, si les a faites en cel esdifiiment. — Mais si el a esdifié en bona fei e el est en possession, el pore tant retenir l' esdifiiment que le segner de cella terra li rende ses messions. Mais si cel qui a fait l' esdifiiment lo rent al senor de la terra, el no li pore pueis querre les mesions, si no li a fait convencion que les li rende. **310** [XVII]. Si alcuns plante arbro en la terra d' autrui. **311** Si eu planto arbro en la terra d' autrui, cel arbros est tantost sens pueis que el i a meis rais, mais denant no pas, aio li planta en bona fei o en mala. — Si l' arbros de mon veisin est tant près de ma terra que el i mete rais, e que el vit toz de ma terra, el deit estre mens, quar raisons no vout que l' arbros seit mais que

cellui de cui terra vit. E si l' arbros est posas entre mi e mon veisin, si que el vive de ma terra e de la soa, si deit estre cuminauz. — Cilli meesma raisons est si alcuns senne froment en la terra d' autrui, quar le froment deit estre toz jorz cellui cui est li terra, no pas cellui qui l' a senna. — Mais si cel qui l' a senna o a fait en bona fei, quar cuidave que li terra fust soa, si el est en possession, el la pore retenir tant que el ait ses mesions. **312** [XVIII]. Si alcuns escrit les chartres d' autrui, cui devout estre. **313** Si alcuns escrit les chartres d' autrui, el est segner de la chose de que sunt les chartres; mais si el les escrit en bona fei, e autre les li quert, cel qui les escrit les pot retenir tant que l' autre li rende ses messions o lo preis de la chartra. Cilli meesma raisons est si alcuns fait peintures en la tabla d' autrui.

**314** [XIX]. Si alcuns senne lo champ d' autrui en bona fei, cui deit estre le fruit. **315** Si eu ai achata un champ en bona fei, que cuidesso que le vendire i a est raison de vendre, e eu l' ai senna, le blas que eu i pendrei sare mens, jaseit zo que eu aio pueis saupu que el fust d' autrui. Mais si eu o ai saupu, quant eu l' achatei o quant eu fui meis en possession, eu dei rendre los fruit que eu i ai preis à cellui cui ere le champs, e dei rendre lo champ. — Cilli meesma raisons est si le champs me fu donas en vercheiri o en autra maneiri. **316** [XX]. Si alcuns a trova trasor, de cui deit estre. **317** Si alcuns a trova trasor en sa terra, el en deit estre segner. E si l' a trova en lue sagra o religios, atressi deit estre sens, si el no lo querie, mais sol l' a trova per aventura. — E si alcuns trove trasor en la terra d' autrui per aventura, li meita deit estre de cellui de cui est li terra e li autre meita cellui qui lo trove. — Si alcuns trove trasor en la terra d' autrui, no pas per aventura, mais quar lo querie contra sa volonta, cel trasors deit estre cellui cui est li terra. **318** [XXI]. **319** Si alcun trove trasor per aventura en lue cuminal de tota vila o en lue qui seit

del segnor, li meita deit estre de la comunita de la vila o del segnor, e li autra meita cellui qui lo trove. **320** [XXII]. Que est trasors.

**321** Trasors est pecuni qui est escondua<sup>[46]</sup> tant de temps que non est memori cui fu. E per zo est entendu que non a segnor domentres que est escondua. **322** [XXIII]. Cores alcuns gaaynne la segnori de la chosa per amanar. **323** Si tu me deis alcuna chosa, o tu la me vont donar, e tu la m' amanes, o à autrui per ma volonta e à nom de mi, o autre l' amane per ta volonta, eu ai tantost la segnori de cella chosa si li chosa ere toa. Mais si li chosa non ere toa, eu i arei la raison que tu i avies. E si eu cuidavo que li chosa fust toa, e non ere, illi no sare pas mia per tot zo tantost quant eu en soi en possession; mais illi sare mia, si eu l' ai tenu tant de temps quant dit li leis. **324** [XXIV].

Que est amanars de chosa. **325** Metre en possession de la chosa est quant tu menes alcun en la terra o en la maison quant tu li vouz amanar la chosa. Cilli meesma raisons est si tu li comandes que el i intreit, e el i intre, o si tu li mostres la chosa, que el la veie, si el per zo a cor e volunta de retenir la chosa, jaseit zo que el non i intreit à sos pes. **326** [XXV]. Cores cel qui achate la chosa est fait segner.

**327** Si eu ai achata de ti alcuna chosa, cilli chosa non est mia tro que tu la m' amaneises, ne per l' amanar no sare mia tro que t' aio paié. E tu pos retenir la chosa tro que t' aio paié. — Atressi est mia li chosa, si eu te fermo o te meto gajos o tu te fies en mi que eu te paiesso. En toz cestos cas est faita li chosa mia, si tu la m' as amana e non en autra maneiri. **328** [XXVI]. Si alcuns trove alcuna chosa qui est gita en la mar o en autra ayga per mal temps, de cui deit estre. **329** Si alcuns est en mar o en autra aigua, e gete de ses choses juz per lo mal temps, el no pert pas la segnori de celles choses, quar el no les i gete pas per zo que el les voile perdre si el les pot retenir, mais per zo que el fuie lo peril de l' aiga: e per zo si alcuns trove de celles

choses en l' aiga o en la riva, e el les prent, el fait laronicio, e per laronizio li pot querre la chose. — Cilli meesma raisons est si alcuns trove alcuna chose qui chaie de la correi d' alcun o de son asno o de son chaval, si el la prent, que no la voile rendre. — Si alcuns gete de ses choses for de la na per la paor de la mar, per zo que se desliureit, e pueis aprés se desliure, tuit cil qui sunt en la na li devont esmendar celles choses, chascuns segunt la quantita que vaut zo que el i a. E le segner de la na li deit esmendar segunt zo que vaut li na. **330**

[XXVII]. De prennement d' us. **331** En cest titol devem saver que est prenlement d' us, e quauz chose pot estre preisa per us, e per quant de temps pot estre preisa per us li chose d' autrui e quauz hom pot pendre per us la chose d' autrui. **332** [XXVIII]. Que est prenlement d' us. **333** Prennement d' us est quant alcuns aquert la chose d' autrui per retenement de tant de temps quant dit li leis, zo est per .III. anz continuas. **334** [XXIX]. Quauz choses pount estre preises per us e quauz no, e per quant de temps. **335** Tant solament le choses mobles pount estre preises per us per tres anz, issi quant sunt besties o ser o drap o autres choses mobles, ester icelles qui en sunt esceptais en les leis, issi quant est chose sagra e hom francs e chose enbla; e issi quant est si alcuns a laisé en sa mort alcuna chose à alcun e a li defendu que no la vendest, si el la vent aprés, cilli chose no pot estre preisa per us. — Atressi li chose del menor de .XXV. anz no pot estre preisa per us. Si eu Richart ai achata de ti Martin alcuna chose mobla en bona fei, que eu cuidavo que tu en fusses segner, e non eres, o que tu i aesses raison de vendre, si eu l' ai tenu per tres anz senz clama, illi est mia, si tu i cuidaves aver raison de vendre. E si eu ai saupu, dedint los .III. anz, que tu non i avies raison, li chose non est pas mia, jaseit zo que eu l' aio achata en bona fei. **336** [XXX]. Qui pot pendre per us la chose d' autrui e qui no.

**337** Tuit li omen e totes les fennes pount pendre per us la chose d' autrui, si il sunt en lor poer. Mais si il sunt el poer d' autrui, il no pount pendre per us mais que les choses de lor proprio. Mais le segner e le pare pount pendre per us per lo ser e per lo fil. — Atressi cil qui sunt preis de lor enemius no pount alcuna chose pendre per us domentres que sunt preis. **338** [XXXI]. Cores alcuns gaaygne la chose d' autrui per possession, e cores la retint, e cores la pert.

**339** Cel qui vout saver que est poseers deit saver ·VII. choses: prumeiriment deit saver que est possessions, e cores alcuns gaaine la possession, e en qual temps la pot gainner, e cores pot retenir la possession de l' autrui chose, e en qual maneiri la pot perdre, et qui pot poseer, e qui no, e quauz chose pot estre poseua. **340** [XXXII].

**341** Poseers est quant cel qui vout retenir la chose met los pes de sore de l' una partia, issi coma en alcuna terra o en alcuna maison, e quant la prend en sa man, issi coma d' alcuna chose mobla, o quant el la veit denant sos ueilt. Mais cel qui vout poseer deit toz jorz aver volonta de poseer, e deit comencer à poseer à la volonta de celui qui tint la chose. **342** [XXXIII]. Cores alcuns gaaygne la possesion d'

autrui. **343** Si li chose est mobla, e eu la volo comencer à poseer, eu la dei pendre en ma man, e la dei aver en ma garda, que eu la poiso pendre quant eu voudrei. Mais si li chose est no mobla, eu la comenzo à poseer quant eu intro de l' una partia el champ o en la maison, e ai la possession tro iqui on eu volo poseer, e que cel qui me done la possession vout que eu poseo, jaseit zo que non allo per tota la terra o la maison. E zo est vers si toz le champs o li maisons se tint tot ensenblo, quar si eu intro en la possession d' una chose, eu no pueis pas poseer l' autre, si eu non i intro atressi. — Cel qui vout posseer alcuna chose deit estre tant grant que el ait corago e entencion de poseer. E per zo forsennas<sup>[47]</sup> no pot poseer ne gainner

possession, ni enfes, si non est près de ·XII. anz o de ·XIII., quar il non ant entencion de poseer; mais il pount comencer à poseer al coseil de lor tuaor. — Tuit homen qui ant entendement e volonta de poseer pount tenir possession per lor e per autrui, e per zo le tuare pot poseer per nom de celui cui a en sa tua. — Atressi si tos sers, o cel qui tint ta chosa [o] [autre] [tint] [alcuna] [chosa] à nom de ti, est entendu que tu as la possession de cella chosa per ta volonta o per la persona de celui qui la tint per nom de ti. Si cel qui tint alcuna chosa per nom de ti est gitas de possession, tu no perz cella possession tant que tu saipes que el en est gitas; mais quant tu o sas, o quant el done cella chosa autrui, tu la perz. — Si tu comandes à alcun que el prenne alcuna possession per ti e, quant el la prent, el non a volonta de poseer per ti, mais la vout at de si o d' autrui, li mala volonta de lui no te noit, et tu ares la possession de cella chosa per lui issi ben coma si l' aest preis per ton nom si cel qui li a amana la possession la li a amana à l' at de ti e per nom de ti. — Si alcuns intre per mi en possession d' alcuna chosa (...) **344** [LII.] [Quam] [drichturam] [habet] [ille] [qui] [tenuit] [rem] [alterius] [per] [X] [vel] [per] [XX] [vel] [XXX] [vel] [XL] [annos]. **345** ... en justa maneiri, el se pore defendre de toz homent qui la li queirant. Mais [si] cel qui gaannie la chosa en mala fei, qui savit que li chosa non ere cellui qui la li amanave, l' a tenu per ·XXX. anz o per XL, el se pot defendre de toz homenz. Mais si el pert la possession en alcuna maneiri, el no la pot querre<sup>[48]</sup> à neun homen. Mais cel cui fu li chosa, o qui l' a en gajo, la pore querre à cellui qui la tint ores. E cel qui la tint no se pore defendre, que no la rende à cellui cui fu, jaseit zo que cel qui l' a tenu prumers l' ait tenu ·XXX. anz, o ·XL., e jaseit zo que el aest ista ·XXX. anz o XL, que no l' aest demanda. E zo est vers si cel qui la tint ores no l' a tenu ·XXX. anz, quar, si el l' a tenu

·XXX. anz, el se pore defendre de tot homent· Mais si el l' en a gita per forci, el la deit rendre cellui cui l' a touta per forci, aest la gainne en bona fei o en mala· **346** [LIII]· De cellui qui tint alcuna chose per lo comandament del jugo· **347** Si eu ai fait... al segn... d' alcun... chose en que eu diu que ai raison, e le segner no lo pot fare venir à raison, si el est en cella terra o si est en autra, e el li o a manda per tres veis, e per tot zo no vont venir à raison, si le segner per zo li oste la possession de cella chose e mi i met, eu ai la possession dreitureiriment, quar cel tint la chose a dreit qui la tint per lo coman del jugo, si le jugos o a comanda per dreit· Mais si cel cui le segner a osta la possession torne dedint ·I. an pueis que el l' a perdu, e ferme que el faze raison, eu li dei rendre la possession, et pueis li porei querre ma raison· Mais si el no vint dedint l' an, o si el vint e no vont fermar, eu no li rendrei la chose, si el no prove que el i ait raison per que la poisse demandar· **348** Livre VIII. **349** [I]· Ici comenze le ·VIII. liuros, e parle si l' arbros d' alcun noit à autrui· **350** Si l' arbros de mon veisin pent sore [ma] maison, si que el me noie... cui est l' ar[bros]..., e si el non o vont fare, li leis dit que eu meesmos l' osteiso e que eu la trancheiso per rais e que li legni seit mia, e cel cui est l' arbros no m' o deit contradire· — Atresi si l' arbros d' alcun homen pent sore la terra d' autrui, cel sore cui terra pent pore trancher les rais tro à ·XX. pes près de sa terra, e deit aver la legni, si cel cui est l' arbros no la vont taler, e cel cui est l' arbros no li o deit contradire· — Si les rais d' alcun arbro noiunt à son veisin, issi coma si les rais de cel arbro intrunt desot lo fundament d' alcuna maison, e cel cui est l' arbros no les vont ostar, cel cui est li maisons les pot taler, e no li deit estre contradit· **351** [II.] [Quando] [heres] [potest] [petere] [hereditatem] [que] [pertinet] [ad] [eum]· **352** Cel à cui pertint alcuns heretajos, tota o partia, per testament o sent

testament, tantost après la fin del mort pot querre la possession de l' eretajo à cellos qui la tinont senz raison, si cel qui tint cuide..., e non est(...) **353** [III.] [Quomodo] [ille] [qui] [est] [gitatus] [de] posse[s]ione alicujus rei inmobilis potest recuperare posses[s]ionem]. **354** En cest titol devem saver qui pot querre la possession, e quaut chose pot estre demanda per cesta raison, e qual pena deit aver cel qui gete autre de possession. Cel qui est gitas de possession d' alcuna chose no mobla pot querre per cesta raison la chose qui li fu toute e tot lo dan que el en a. Cel est gitas de possession qui tenie la chose lo jort que li fu osta, si el la tenie per nom de si. E per cesta raison, si alcuns tint alcuna chose per mi, e el est gitas de possession, non est pas entendu que el en seit gitas ne no la pore querre; mais eu, per cui la tenie, soi gitas de possession, e pueis la demandar. En tres cas pot querre la possession d' alcuna chose cel qui en est gitas, jaseit zo que el no la tigne per nom de si, issi quant est cel qui a us de fruit en la chose d' autrui. Atressi cel qui a maison sore la terra d' autrui, qui est apellas superficiarios, e sunt alcun qui en donont alcuna ... [chas]cun an e alcun qui ... mais que quant ... sa, il pount demandar mandar per cesta raison, si il sunt gita de possession. Atressi cel qui tint alcuna chose en albergiment pot aver cest demandament, si el est gitas per forci de possession. Atressi cel qui tint la chose d' autrui per preieires pot aver cest demandament, si alcuns lo gete de possession mais que cel de cui tint la chose. Mais si cel l' en gete, no li pot ren querre per cesta raison. Atressi le coutivare no pot alcuna chose dire si le segner lo gete de possession, mais que en un cas, quar el no la tint per nom de si. — Si le segner per cui tenie alcuna chose volguit <sup>[49]</sup> intrar en cella chose, e cel qui tenie la chose no lo <sup>[50]</sup> laisse intrar en possession, si cel de cui est li chose l' en a gita pueis après, el est tenus à lui per

cesta raison, quar cel qui l' en a gita avit commencé à tenir e[!] pruis proimian lue per son nom. Non est alcuna differenci quant à zo que alcuns poisse querre la possession per cesta raison, si el l' en a gita à armes o senz armes. Cel qui a gita autrui de la possession que el tenie, si el o autre est intras en la possession, el est tenus à lui per cesta raison, si li chosa est no mobla e el l' en a gita per forci. Atressi cel qui a comanda à alcun que el gitest alcun de possession est tenus à lui issi coma si el meesmos o avit fait. Atressi si alcuns gete alcun de possession per mi, eu soi tenus issi coma si eu l' en aesso gita, si eu o ai au ferm, jaseit zo que no li o aio comanda. Atressi cel qui fait per son mal engin que alcuns giteist autrui de possession li est tenus per cesta raison. **355** [IV.] [Quantum] [potest] [dimandare] [ille] [qui] [est] [projectus] [de] posses[s]ione]. **356** Cel qui est gitas de la possession d' alcuna chosa que el tenie pot querre la chosa de que est gitas e lo dan que el a de la possession que el a perdu e totes les choses mobles qui eront en la chosa quant el en fu gitas, jaseit zo que elles seiant perdus en alcuna maneiri pueis que el perdet la possession. E ensore tot pot querre per laronicio o per rapina les choses mobles qui eront en la chosa quand li fu toute, e pot querre tot los fruit que el en poere aver au, si non aest perdu la possession deis cel jort que illi li fu osta. Cel qui gete autre de possession est tenus à lui tro à .XXX. anz, ait au la chosa de que l' a gita o no.

**357** [V.] [Quam] [penam] [debet] [habere] [ille] [qui] [proicit] [alium] [de] [possessione]. **358** Cel qui gete autre de possession d' alcuna chosa deit aver tal pena: si li chosa ere soa, de que el a gita alcun qui la tenie, el deit rendre la chosa à celui cui l' a tout, e pert tota la raison que el i avit; mais si li chosa non ere soa, el deit rendre la possessiom à celui cui l' a osta, e deit li donar tant quant valie li chosa; e cisti raisons no se pert tro à .XXX. anz. Li leis done poer à

homen, si el a possession d' alcuna chose e alcuns l' en vont gitar,  
que el la defende· Mais si alcuns la li tout per forci, el la pot recorar  
per forci, si el o fait tantost, quar tot hom se pot defendre  
raisonablament quant autre li cuide toudre zo que el a· Mais si non o  
fait tantost, non o deit pueis querre denant lo segnor de la terra· Cel  
est entendu qui o fait per forci, qui prent per sa actorita, e no pas per  
l' actorita del jugo, zo que el cuide que autre li deipe· **359** [VI.] [De]  
[illo] [qui] [intravit] [in] [vacuam] [possessionem,] [id] [est] [quam]  
[nullus] [tenebat]· **360** Si alcuns prent per sa actorita la possession  
d' alcuna chose no mobla que neuns no tint per si ni per autrui, mais  
est voida cilli possessions, aventura per zo quar le segner de la chose  
no savit que fust soa, o ere en autra terra e non avit corajo de  
retornar, o <sup>[51]</sup> per zo est voida quar cel qui la tenie est mort senz her  
e neuns no la tint, en tot cestos cas est tenus cel qui prent la  
possession per sa autorita issi coma cel qui tint la chose d' autrui per  
mala fei, e deit rendre <sup>[52]</sup> la chose e tot los fruit que el en a au· Cella  
meesma pena qui est dita desore deit aver cel qui intre en la  
possession d' alcuna chose que tint sos aversarios quant sos  
aversarios est en autra terra, jaseit zo que el intreit en cella  
possession per lo comant del jugo, si cel aversarios no fu apellas tres  
veis à plait issi quant dit li leis· Tota cista raisons qui est dita desore  
non est per meint de ·XXX. anz· **361** [VII.] [Si] [aliquis] [disturbat]  
posses[s]ionem alterius ita quod non dimittit illum tenere in pace  
illud quod tenet]· **362** Si eu tino alcuna chose no mobla, e alcuns me  
torbe cella possession, que no me laisse tenir en pais zo que eu tino,  
ne de la possession no me gete, mais el no me laisse plantar ni  
esdifier ni fare zo que eu voudrim, per zo quar dit que li chose est  
soa, el est tenus à mi, per cella raison qui est apella entredit de  
posseent, que el m' esmendeit tot lo dan que eu ai au per cel

destorbio que el m' a fait, jaseit zo que eu tigno cella chosa per forci o per preieires, sol que no la tigno per cellui qui m' en a meis en plait per forci o resconduament o per preieires, quar adonc non a lue cisti raisons. Cisti raisons non dure ostra ·I. an util· **363** [VIII.] [De] [superficiario,] [id] [est] [de] [illo] [qui] [habet] [domum] [in] [terra] [alterius] ·**364** Le superficiarios, zo est cel qui a maison esdifiia sore la terra d' autrui per la volonta de cellui de cui est li terra, pot defendre cella maison de tot homenz, si el no la tint per forci o en rescondu o per preieires, de cellui qui li mot lo plait. E de cellui la pot defendre, si el li a paié o si est aparelés de paier zo que l' en deit donar, o el <sup>[53]</sup> pert la chosa. Cel qui mot plait al superficiario, senz raison, de l' esdifiiment que el a fait sore la terra d' autrui, li deit esmendar tot lo dan que el a per cella terra que alcuns no li laisse tenir en pais. Cel est apellas superficiarios qui a fait maison sore la terra d' autrui e done en cellui cui est li terra chascun an loier, issi coma ·II. souz o mais o meint· **365** [IX.] [De] [precario,] [hoc] [est] [de] [re] [quam] [aliquis] [dimittit] [tenere] [alii] [per] [preces] [et] [pro] [amore] ·**366** Ores direm quauz [chosa] pot estre dona o laissia per preieires o per amor, e qui pot querre cella chosa, e cui pot estre demanda, e qual pena deit aver cel qui no la vout rendre tro que la rende per jugement. — Totes choses pount estre laissiés à autrui per preieiri, choses mobles e no mobles e servitus, issi coma si alcuns me preie que eu li laisseiso metre son tra en mon mur, o que lo laisseiso allar per mon champ. Cel qui preie alcun que li laisseit tenir e usar alcuna chosa per preieiri, el pot tenir icella chosa domentres que est li volonta de cellui qui li a laissé, e no pruis, e jaseit zo que covencions fust faita entre lor que el tenest tro à certain temps, issi coma tro à ·V. anz o tro à ·X.; per zo no la pot pas retenir quant l' autre la li demande, jaseit zo que no seit cumplis le temps

qui fu en la covencion. Cel qui a laissé à alcun alcuna chose per amor, senz preis, la pot querre quant el vout, e pount la querre sei her aprés sa mort à celui cui la laisset tenir e à sos hers. Si cel cui fu laissia per preieires no la vout rendre tro que jugiment en seit donas, el deit rendre la chose e tot lo dan que i a cel que li a laisé tenir, e deit rendre tot lo profeit que el en ore au si li aest rendu la chose quant el la li demandet. E ensore tot deit rendre tant quant vaut li chose. Cel qui tint alcuna chose per preicires no se pot defendre en neun temps que no la rende à celui qui la li a laissé tenir. Cilli meesma raisons est de l' ereter de celui qui tint per preieiri<sup>[54]</sup>.

**367** [X.] [De] [domibus]. **368** Cel qui a alcuna maison qui isteit mal la deit refare e melurer, per zo que li vila en seit pruis bella, quar quant les maisons sunt pruis belles, e li cita est pruis bella. — Si dui homen o pruisor ant una maison cuminal, e a necessita que cilli maisons seit apareilia, il la devout tuit melurer ensenblo, e chascuns en est tenus per sa partia. E si uns del compaignons no vout melurer per sa partia, e l' uns del compaignons la vout refare, tot li autri li devout rendre chascuns per sa partia zo que el a despendu, e devout aver paié dedint .III. meis, e devout li donar lo gaain de chascun meis .I. d; e si alcuns deuz compainnons no vout paier dedint los .III. meis, el pert sa partia de cella maison, e deit estre celui qui la refait, e pore la defendre, si el la tint; e si autre la tint, el la pore querre. **369** [XI.] [De] [pignoribus]. **370** Ores direm del gajos. Nos devem saver cores pot estre obliga li chose per gajo e cores pot estre desliura li chose qui est en gajo. — Li chose pot estre obliga en gajo sol per cosentiment, zo est si alcuns me covenence que alcuna chose me seit en gajo, cilli chose sare tantost obliga à mi per gajo, jaseit zo que el no me mete en possession de cella chose, seit en faita chartra o no. E eu, cui li chose est engagia, porei querre la chose en quelque

lue que eu la troveiso, si alcuns no me paie lo deto per que eu l' ai en gajo. — Deuz gajos est l' uns generauz e l' autre especiauz. Gajos generauz est tot zo que aure d' iqui enant, e ben vaut cilli condicions. Especiauz gajos est quant alcuns dit: « Eu te meto en gajo tal maison o tal chosa qui est en tal lue». **371** [XII.] [Quomodo] [potest] [liberari] [res] [que] [est] [in] [pignore]. **372** Gajos pot estre desliuras en maintes maneires. Si le creire vout que le gajos se desliureit e dit per sa propri volonta: « Cest gajos est desliuros», si le creire veit que le detre mete en gajo autrui la chosa que el avit en gajo, o la veit vendre autrui o alienar en alcuna maneiri, e el non en dit ren, el pert lo gajo, si el per zo cuidave perdre sa raison. Mais jaseit que el lo veie alienar en alcuna maneiri, si el pesse que per zo no perdre la raison que el a en cel gajo, le gajos non est desliuros ni el no lo pert pas per zo. — Atressi si le creire dote d' alcuna chosa que el a en gajo, que illi no fust en gajo, si sentenci en ere dona, illi est desliura. Atressi est desliuros le gajos si le detre paie tot zo per que l' a en gage o si done autre gajo o done fermanci, pero si zo fu dit entre lor al comenciment que le gajos fust desliuros per fermanci o per autre gajo. Mais si no fu dit issi nonnament, el non est deliuros, mais le prumers gajos e le coers e li fermanci, tot zo est obliga. Mais si le creire qui a alcuna chosa en gajo quert al detor la pecuni, le gajos no sare desliuros ne li fermanci, si i est, tro que le detre paieit tot lo deto. Si le creire demande son gajo à alcun omen qui lo tigne, e cel qui tint lo gajo li vout paier tot zo que el a sore lo gajo, el non est tenus que el li rende lo gajo, seit cel qui tint lo gajo le detre o autre. Mais si est autre hom qui tigne lo gajo e paie al creiaor, issi quant est dit, el non est tenus de rendre lo gajo al detor, si el lo li demande, tro que el li ait païé tot zo que el a païé per cel gajo e tot lo profeit de cel chatal que el a païé per lo detor. Mais si el

a paié lo gaain al creiaor per lo detor, el no deit querre à cellui autre gaain de cel gaain. **373** [XIII.] [Quid] [debeat] [creditor] [computare] [pro] [debito] [quando] [debitor] [vult] [recolligere] [pignus]. **374** Les mesions que fait le creire devant estre contais en cel deto que el a sore lo gajo, si li messions est necessari o utiuz. — Cilli messions est necessari senz que li chose fure destruita o peuria si no fust faita. Cilli messions est utiuz per que li chose est meluria. E totes cestes messions deit le detre al creiaor rendre si el vont que le gajos seit desliuros. De l' autra partia deit contar per son detevo tot zo que a trait del gajo o que en poere aver trait, si el aest volu, ester les messions que i a fait, issi coma en arar o en sennar o en reculir los fruit o en autra maneiri. **375** [XIV.] [Quam] [custodiam] [debet] [habere] [creditor] [de] [pignore]. **376** Le creire deit gardar la chose que el a en gajo, issi quant el sout gardar les soes choses. — E si li chose est destruita o peuria per son mal engin o per colpa de si o de sa maina, el la deit esmendar. Mais si illi est peuria en autra maneiri, no n' est tenus. Atressi si li chose est perduta per aventura o per grant forci, le creire no n' est tenus, e per zo no li chaut querre meint sa pecuni que el avit sore lo gajo, si no fu dit e covenence entre lor que, si le gajos se perdie, que le creire perdest atressi sa pecuni que avit sore lo gajo. Aventura est de que hom ne se pot gardar, issi quant est tremolament de terra o ruina o tauz choses. Grant forci est cilli contra que om no pot contrastar, issi quant est iri de tota la cita o de la maior partia. Si le gajos se pert per cestes choses, le creire non i deit aver dan, e pore recorar la pecuni que a sore lo gajo, si autra covencions non i fu faita, sol que non i ait colpa. **377** [XV.] [Quando] [res] [debitoris] [mei] [sunt] [michi] [obligate] [pro] [pignore] [sine] [omni] [convacione]. **378** Maites veis aventure que les choses de mon detor me sunt obligais senz tota covencion,

issi coma en cest cas: si alcuns me met en gajo son champ o sa vigni, tuit li fruit qui sunt en cel champ o en cella vigni, ne que i creissirent domentres que eu l' arei en gajo, me sunt obliga. — Atressi si tu me met en gajo ta serva, le filt que illi fare après sare obligas à mi, jaseit zo que parla non en fust. — Si eu t' ai loie ma maison, totes les choses que tu met dedint cella maison me sunt obligais per lo loier, jaseit zo que non en fust parla quant eu te loiei cella maison. Cilli meesma raisons est si eu t' ai loie ma terra. Atressi les choses del tuaor d' alcun effant sunt obligais à l' effant, si el non aministre issi quant deit. Si alcuna fenna est tuaris de sos effant e, pueis que illi are comencé cella baili, illi vout pendre mari, illi deit querre tuaor auz effant, si il sunt petit, e deit rendre contio de zo que a aministra; e si alcuns deit auz effant de cella aministracion, si lor deit estre rendu prumeirment; e pueis, si illi vout, pot pendre autre mari. E si illi lo prent mais que issi quant est dit, totes ses choses, e celles del mari que illi pendre, sunt obligais en gajo auz effant per zo que illi lor deit de sa aministracion. Si alcuns promet vercheiri per alcuna fenna, totes ses choses sunt obligais en gajo tant que li vercheiri seit paia. — Atressi totes les choses del mari sunt obligais à la muler per rendre la vercheiri, si le marajos se partie, si autra covencions non i fu faita raisonablament. E les choses del pare sont obligais auz effant per les choses qui lor pertinont de part la mare qui est morta. Cilli meesma raisons est de part la mare, si le pare mort denant la mare.

**379** [XVI.] [Si] [aliquis] [mittit] [in] [pignore] [rem] [alterius].

**380** Neuns hom no pot engager la chosa d' autrui senz la volunta de cellui cui est; e si o fait, no vaudre le gajos, si cel cui est li chosa non o a pueis après ferm, mais que en cest cas, issi quant est tuare o curare, quar cist pount engager les choses de cellos de cui sunt tuaor o curaor, si cilli pecuni que il prennont sore lo gajo torne el profeit e

el negocio de cellos cui sunt les choses que il metont en gajo. En autra maneiri no vaut le gajos. Cilli meesma raisons est del procuraor qui met en gajo la chosa de celui per cui est procurare, quar le gajos no vaut si cel per cui est procurare non o comande, o si non o a ferm quant o a saupu, o si li pecuni non est torna en son negocio. Si eu meto en gajo ta chosa, ti veient e saupent ({sic}), e cel qui prent lo gajo cuide que seit mia, ben vaut le gajos si le creire lo tint, jaseit zo que tu no n' aies parla. Si eu meto en gajo la chosa d' autrui, jaseit zo que adonc no vaile le gajos, si li chosa devint pueis après mia en alcuna maneiri, ben vaut pueis après le gajos. **381**

[XVII.] [Que] [res] [non] [possunt] [mitti] [in] [pignore]. **382**

Chosa sagra o sainta o religiosa e hom francs no pot estre engagia. Si alcuns met en gajo tot zo que a e que pore gainner, ben o pot fare, e ben vaut cisti covencions mais que de celles choses de que non est de creire que el les aest meis en gajo, issi quant sunt ses vestimentes o sos filt bastarz qui est sos sers, o sa filli qui est sa serva, o sei bo e les autres choses qui sunt necessaries à lavorar la terra, quar non est de creire de totes cestes choses que el les mesest en gajo si el non o dist nonnament que fust en gajo. **383** [XVIII.] [Si] [una] [res] [est]

[missa] [in] [pignore] [duobus] [hominibus]. **384** Si alcuna chosa

est meissa en gajo à dos homenz en un meesmo temps, il ant esgal raison el gajo contra los otros s' il queront o si tinont. Mais si alcuna chosa est meissa en gajo à dos homenz, chascuns pot querre sa partia del gajo <sup>[55]</sup> à son compaignon e auz autres. — Si alcuna chosa est meissa en gajo à dos homenz en divers temps, zo est prumeiriment à l' un e pueis à l' autre, cel i a melor raison cui fu prumeiriment engagia, e cel la pot demandar à tot cellos qui la tinont si neuns no li vont paier zo qui li est deupu. E cel(...) **385**

[XXII.] [Si] [creditor] [vel] [debitor] [vendit] [pignus]. **386** ... dui

homen qui aiant alcuna [chosa] cuminal, l' uns pot ben engager la  
 soa partia, jaseit zo que l' autre non o voile. — Le creire pot ben  
 vendre lo gajo, jaseit zo que le detre non o voile. Si eu ai alcuna  
 chose en gajo, eu la pueis ben vendre, jaseit zo que li maier partia  
 del detevo seit paia, si le detre o autre per lui non est apareiles de  
 rendre me tot lo deto per que eu l' ai en gajo. Cilli meesma raisons  
 est de l' ereter de mon detor, qui m' a meis alcuna chose en gajo o  
 pruisors, quar si alcuns deuz hereters me paie la soa partia del deto,  
 eu pueis vendre tot lo gajo si li autri hereter no me volunt paier la lor  
 partia del deto. Si le detre paie o est apareiles de paier lo deto per  
 que a engagé la chose, le creire no la pot vendre, e, si la vent, no vaut  
 li vendicions. Si le detre aliene lo gajo senz la volunta del creiaor,  
 ben vaut cilli alienacions si li chose ere al detor. Mais le creire no  
 pert la raison que el i a, mais pot querre cel gajo à celui qui lo tint si  
 el no li vout paier zo per que el l' a en gajo. Mais el se deit tornar  
 prumeiriment al detor o à sa fermanci. **387** [XXIII.] [Creditor]  
 [potest] [inpignorare] [rem] [quam] [habet] [in] [pignore] [alii].

**388** Si eu ai alcuna chose en gajo, eu la pueis engager à autrui per  
 tant de pecuni quant eu ai sus lo gajo, jaseit zo que no fust en la  
 covencion quant eu pris lo gajo de mon detor; e si mos detre me paie  
 lo deto, o à celui cui eu l' ai meis, le <sup>[56]</sup> gajos est desliuros de mi e de  
 lui. **389** [XXIV.] [Quando] [creditor] [potest] [vendere] [pignus].

**390** Si eu ai alcuna chose en gajo, e le detos no m' est paiés al jort  
 qui fu dit, eu pueis vendre lo gajo si oi fu dit en tal maneiri quant eu  
 pris lo gajo. — Mais si oi no fu dit issi, entre mi e lui, quant eu pris lo  
 gajo, eu no lo porei vendre tro que cel jort seit passas e dui an après.  
 E après los .II. anz, eu dei dire à mon detor, denant bones garenties,  
 que el me paieit, o eu vendrei lo gajo. E si no me vout paier, eu lo  
 pueis ben vendre. Si le creire no trove alcun qui achateit lo gajo, el

deit dire al segnor que li cosinte de retenir lo, quar el no trove qui l' achateit, e le segner del lue o deit cosentir, e issi lo pot retenir cel qui l' a en gajo. En autra maneiri no lo pot retenir senz la volunta del detor. E jaseit zo que le segner o ait ostreie, le detre pore corar son gajo dedint .II. anz si el li vont paier tot lo deto avoi lo gaain, e li vont esmendar tot lo dan que el i a au quar no li a paié al jort establi.

**391** [XXV.] [Si] [creditor] [plus] [vel] [minus] [vendit] [pignus]

[quam] [sit] [in] [debito]. **392** Le creire deit vendre lo gajo en bona fei, e, si lo vent meint del deto, si pot querre al detor zo qui meint est, quar le detre non est desliuros, jaseit zo que le gajos seit vendus. Si le creire vent lo gajo mais que non a el deto, el deit rendre lo mais al detor, e, si el despent zo qui est mais, el o deit rendre al detor e lo gaain avoi, segunt la coudunna de la terra, sol que cilli coudunna no seit contra les leis, si pero le detre est tauz qui ait acoudunna de pendre gaain segunt la coudunna de la terra. Cilli meesma raisons est si le creire a balaié de rendre al detor zo qui est sora del deto quant vendet lo gajo, jaseit zo que el non o ait despendu. — Del balai est entendu si el non o rent quant le detre li o quer. — Si le detre vont dire que le creire non ait vendu lo gajo dretureiriment, le creire deit jurar que el aie ({sic}) vendu lo gajo tant quant a pou senz enjan, e quant el o aure jura, el deit rendre al detor zo que n' a preis ostra son deto. Mais si le creire retint lo gajo à l' at de si, issi quant est dit desore, le jugos deit regardar si le gajos vaut mais o meint que a el deto. E si li est senblant que vaile mais, el deit comandar al creiaor que rende al detor zo que vaut mais. E si lui ({sic}) est senblant que vaile meit, el deit comandar al detor que li cumplisse tot lo deto. Si le creire vent lo gajo meint que el vaut, e zo fait per son enjan o per sa colpa, el o deit esmendar al detor. Mais li vendicions no se destruit pas per zo. Mais quant le creire a fait boisi en la

vendicion, illi pot estre destruita si le detre est apareiles de rendre à l' achataor lo deto avoi lo gaain, e pore le detre recorar lo gajo de celui qui l' a achata e los fruit qui en sunt issi. E zo est vers si le creire no pot esmendar al detor l' engan que el a fait en la vendicion, e cel qui l' a achata saupit la boisi que i feit le creire. Cel fait boisi en la vendicion del gajo qui, à son escient, lo done per meint que el vaut per amor de celui qui l' achate o per mal de celui cui est le gajos.

**393** [XXVI.] [Si] [creditor] [facit] [talem] [convencionem] [omni] [debitori] [quod] [venderet] [pignus] [si] [non] [pagaret] [usque]

[ad] [certum] [tempus]. **394** Si eu t' ai engagé alcuna chose en tal covencion que, si eu no t' ai paié al jort establi, que le gajos fust tens, tauz covencions no vaut, quar est contra les leis, e per zo no sare pas tens le gajos; mais tu as la raison el gajo que tu i ores si li covencions

no fust faita e no point d' autra. **395** [XXVII.] [Res] [de] [qua] [est]

[placitum] [inceptum] [non] [debet] [vendi]. **396** Si le plait est

comencés d' alcuna chose no mobla entre mi e ti, o d' aver, tu qui me met en plait no deis alienar cella raison que tu dis que as contra mi, mais deit estre le plait menas à fin; e si tu o fais, cel cui tu l' alienares

no me pore ren demandar. Atressi cel à cui alcuns mot plait d'

alcuna chose mobla o no mobla no deit alienar cella chose pueis que le plait est comencés. E si o fait, pena n' est ordena à celui qui la

alienare e à celui qui la pendre. Li pena est tauz: si cel qui la receit savit que le plait fust comencés, el pert la chose e lo preis que i a

dona, e le segner deit aver lo preis, e pot en atretant querre celui qui a aliena la chose. Mais si cel qui prennie la chose no savie que le

plait en fust comencés, el non i deit aver pena, mais el deit rendre la chose, e pot recorar lo preis de celui qui la li avit aliena, e pueis

après tant quant est li terci partia del deto. Alcunes veis aventure que li chose de que est comencés le plait pot estre aliena, issi quant est en

vercheiri o en esposalicio, o per parties. **397** [XXVIII.] [De] [promissionibus] [quas] [facit] [unus] [alii]. **398** Ores direm de tipulacions. Maites choses devont estre regardais en tipulacions per zo que elles vailant. Prumeiriment devem saver que est tipulacions, e cores deit estre faita, e quauz persona est cilli qui querit per tipulacion, e qui est cilli qui promet per tipulacion, e per que alcuns la fait. Tipulacions est quant alcuns demande à autrui en cesta maneiri: « Pero, fares me tu maison? », et el dit: « Eu la te farei »; o si eu diu: « Pero, dares me tu ·C. souz? », et el respont que o. E el est obligas à mi de zo que eu li ai demanda, si el m' o a promeis, si non à justa causa per que non en deipe estre obligas, issi quant nos direm après. — Tipulacions pot estre faita purament, et pot estre faita en jort e en condicion. Quant tipulacions est faita purament, tantost deit estre fait zo que a promeis, issi coma si eu diu: « Promet me tu que tu me dares ·C. souz? », e non i meto autra condicion, et tu respont que o. Tipulacions qui est faita à jort est si eu te diu: « Dares me tu ·C. souz, o fares me tu tal chose tro à festa saint Martin? », e tu respont que o. Quant tipulacions est faita à jort, no pot estre demanda zo qui est promeis tro à cel jort. En condicion est faita tipulacions, issi coma si eu te diu: « Dares me tu ·C. souz, si l' enperare prent Meiolans? », e tu dis que o. Zo que tu me promet en tal condicion no te pueis querre tant [que] li condicions seit faita.

**399** [XXIX.] [Cui] [persones] [potest] [esse] [facta] [promissio,] [et] [que] [persona] [potest] [se] [obliguare] [per] [stipulacionem].

**400** Li persona de cellui qui demande e de cellui qui respont deit estre tauz que no li seit defendu, per natura ni per dreit, de querre ni de respondre per promission. Per natura est defendu de querre e de respondre per promeissa auz effant qui sunt près de ·VII. anz o de VIII. Atressi defent natura que hom sorz o mus ne qui est for del sen

no demandeit ni responde per promission· Dreit defent de fare promission à autrui à cellos qui non ant raison de ganner cella chose qui lor est promisea· Si celles personnes que nos avem dit desore fant promisea autrui, ni autre la fait à lor, no vaut· Tuit autri homen pount ben prometre e receure per promission si autra raison non i a contrari· — Nos devem saver que cel qui promet e cel qui receipt la promisea devant andui estre present l' uns denant l' autre· En autra maneiri no vaut li promisea· Cel qui demande promission la deit demandar à l' at de si; en autra maneiri no vaut, quar neuns no pot demandar covencion à l' at d' autrui, e, si o fait, no vaut mais que en cel cas que dit li leis, issi coma si alcuns quert promission à l' at de son pare, el gaainne la promisea à l' at de son pare· — Cilli meesma raisons est si le sers quert promission à l' at de son segnor, o si le segner quert promission à l' at del ser, o si le pare la demande à l' at del fil· **401** [XXX]· **402** Atressi si eu demando alcuna chose per tipulacion à l' at de mon procuraor, ben vaut cilli tipulacions, issi coma en cest exemplo: « Pero, promet me tu que tu dares ·X. souz à tal homen qui est mos procurare? », e tu respont que o, eu te porei issi ben demandar cestos ·X. souz coma si tu los aesses promeis de donar à mi· Cilli meesma raisons est si eu diu: « Pero, paires tu ·X. souz à Martin, que eu li dei? », e tu dis que o· — Atretauz raisons est si le tuare quert promisea à l' at de celui qui est en sa baili o en sa tua, o si le procurare demande promisea à l' at de celui de cui est procurare· — Certes en tot cestos cas vaut li tipulacions; e cel cui illi est faita la pot issi ben querre coma si l' aest demanda à l' at de si· — Mais en autra forma no pot neuns querre tipulacion à l' at d' autrui e, si o fait, no vaut· Atressi en cesta forma pount tuit homen querre promisea à l' at d' autrui, e ben vaut, zo est si pena i est promisea, issi coma en cest exemplo: « Pero, promet tu que tu fares maison à

Martin, e, si tu non o fais, tu dares à mi ·C. souz, per nom de pena?», e tu dis que o· Si eu demando promission à alcun, que el face o que doneit alcuna chose à autrui, issi quant est dit desore, si el non o fait e el m' a promeis pena, el est tenus que el face la promeissa o que el me doneit la pena que el m' a promeis· **403** [XXXI.] [De] [pena] [quam] [aliquis] [promittit] [alii] [si] [non] [faceret] [quod] [promisit]· **404** Mais si eu demando promission à l' at de mi, eu i pueis atressi metre pena en tal condicion:« Si tu no fais zo que tu me covenences, tu me promet que tu me dares ·C. souz per pena»· En cest cas, si tu m' o promet issi quant est dit, eu te pueis costrainer que tu faces zo [que] m' as covenent, e, si tu o tarzes de fare, eu te pueis querre la pena· Mais quant eu te quero la pena, si tu vouz fare zo que m' as promeis, eu no te pueis destreinner de la pena si eu no t' avim apella en plait· Mais pueis que le plait sare comencés de la pena, si eu t' en apello, tu no te <sup>[57]</sup> pos defendre que no la me paieises· Si tu me promet de fare o de donar alcuna chose, e tu m' en promet pena, si tu non o fais el temps que tu o deis fare, jaseit zo que eu no t' o demandesso, si tu tarzes tro après lo temps que eu t' o demandeiso, tu charres en la pena· Mais si tu es apareiles de fare o, denant que le plait seit comencés entre mi et ti, tu pores eschivar la pena que no la me paires· **405** [XXXII.] [De] [quibus] [rebus] [potest] [fieri] [promissio] [et] [de] [quibus] [non]· **406** Li chose que l' uns promet à l' autre deit estre tauz qui poisse estre promeissa per dreit per zo que cel qui promet seit obligas de tenir· Totes choses pount estre promeisses, ester celles qui sunt defendues per natura e per dreit· Natura defent que hom no promete zo qui non est ni estre no pot, issi coma si eu te prometim mon ser qui est ja morz, zo no vaut ren· — Dreit defent que neuns no promete chose sagra ni sainta ni religiosa ni omen franc ni chose cuminal de la vila, issi quant est

marches o placi o le lues en que soliant joier o jostar li chavaller. —  
 Atressi si eu te prometo alcuna chose qui seit toa, eu non en soi  
 tenus, quar illi est toa. Mais si eu te prometo la toa chose en  
 condicion que, si illi sailt de ton poer, que eu la te doneiso, ben vaut  
 cisti promeissa. E si illi sailt pueis de ton poer, eu soi tenus que eu l'  
 achateiso e que la te doneiso si eu pueis; e si eu no pueis, eu te dei  
 donar tant quant illi vaut. **407** [XXXIII.] [Quando] [valet]  
 [promissio] [et] [quando] [non]. **408** à zo que cel qui promet seit  
 obligas à l' autre, deit estre justa causa e naturauz zo per que el  
 promet; en autra maneiri, non est tenus de fare o. E naturauz causa  
 est que cel à cui est promeis doneit o face alcuna chose à cellui qui li  
 promet, e si non o fait, non n' est tenus. E si eu t' ai promeis alcuna  
 chose, e tu no m' as fait<sup>[58]</sup> ni dona per que eu o deipo fare, si tu me  
 quers zo que eu t' ai promeis, eu te pueis ben dire que tu o quers per  
 boisi, quar eu t' o ai promeis senz uchison. **409** [XXXIV.] [De] [illo]  
 [qui] [promittit] [aliquid] [post] [mortem] [suam]. **410** Si tu promet  
 à mi alcuna chose après ma mort, issi coma de fare maison o d'  
 escrire un liuro o de donar me. C. souz après ma mort, ben vaut cisti  
 promissions, e mos hereters t' o porre querre o à ton hereter après ta  
 mort. — Cilli meesma raisons est si tu me promet de fare o de donar  
 alcuna chose après ta mort. **411** [XXXV.] [De] [illis]  
 [promissionibus] [que] [non] [valent]. **412** Maites veis aventure que  
 cel qui promet alcuna chose no n' est tenus quar li promeissa no  
 vaut. E zo aventure per maites choses: zo est per la persona, quar si li  
 persona qui promet o cilli cui est promeis est tauz qui no se poisse  
 obligar, issi quant est dit desore, no vaut li promeissa. Atressi si cel  
 qui promet e cel cui est promeis se desacordunt, no vaut li  
 promeissa, issi coma si l' uns entendie d' una chose e l' autre d'  
 autre. Mais si nos entendem andui el nom d' alcuna chose, ben vaut,

issi coma si eu te quero alcun homen qui à nom Martin, e eu cuido que el ait nom Pero e tu sas ben cui eu entendo: en cest cas tu es tenus à mi issi ben coma si eu t' aesso dit lo nom verai. Atressi si tu me demandes does choses en cesta maneiri: « Pero, dares me tu ·I. bo, o ·I. chaval»?, e eu respondo que ben te darei l' un, no vaut cisti promeissa, si tu no me dis tantost qual vouz. Mais si tu diz qual tu vouz e eu t' o prometo, ben vaut. Nos devem saver que en tota promeissa e en tot contrait qui sont fait entre ·II. homent, le jugos deit enquerre zo qui fu dit nonnament entre lor, e, si el o pot saver, el deit comandar que zo seit fait. E si el non o pot saver, el deit segre la coudunna de la terra en que fu fait le contrait, issi coma si eu t' ai [promeis] de donar ·C. souz, e non ai dit de qual moneia, e en cella terra cort de diversa moneia, oi est entendu que eu t' aio promeis de cella moneia qui pruis fort i est acorsa. Si eu te dei donar alcuna chose certana, issi coma mon chaval, e el mort senz ma colpa denant lo temps que eu lo te dei donar, eu soi desliuros de ti. Mais si le temps passe, que eu no lo te doneiso, o no fui aparelles de rendre lo te, jaseit zo que el moire pueis après senz ma colpa, eu soi tenus de rendre te tant quant valie le chavaut. Zo meesmo est si eu t' ai promeis de donar la chose d' alcun homen. **413** [XXXVI]. **414** Promeissa qui est faita contra lei e contra bona coudunna no vaut, issi quant est si eu t' ai promeis que eu te fazo mon her o que eu te laiseiso de mes choses, zo no vaut; e si eu t' ai promeis pena en zo, no vaut. Atressi si eu te prometo alcuna chose per zo que tu faces alcun maleficio, e tu lo fais, eu no soi tenus que eu te paieiso, e, si eu t' ai paié denant que tu l' aies fait, tu non es tenus que tu lo fazes, quar li promeisa est contra raison; e si eu t' ai promeis d' esmendar tot lo dan qui te vendrit per cel maleficio, e t' o ai ferma, non en soi tenus, ne no pores apellar ta seurta de zo. **415** [XXXVII.] [Si]

[aliquis] [promittit] [aliquid] [duobus] [hominibus,] [vel] [si] [duo] [promittunt] [uni]. **416** Si alcuns promet de fare o de donar alcuna chose à pruisors homenz, chascuns de cellos lo pot appeler del tot, si oi fu dit nonnament que el fust obligas à chascun. — Mais si el paie lo tot à mi, el est desliuros de tot los otros; mais cel qui est paiés del tot deit respondre à tot los otros. Atressi dui homen pount prometre à un sol alcuna chose, si que chascuns li est obligas del tot. Mais jaseit zo que chascuns li seit tenus del tot, el no pot querre à l' un mais que tant quant l' en eschat de paier si il pount ben tuit paier e si sunt tuit en cella terra. Mais si alcuns de cellos est tant pouros que no pot paier, o est for de la terra, li autri compaingnon devout paier la partia de cellui. **417** [XXXVIII.] [De] [firmancia] [quam] [unus] [facit] [pro] [alio,] [vel] [de] [illis] [qui] [precipiunt] [ut] [aliquis] [faciat] [firmanciam] [pro] [se] [vel] [pro] [alio]. **418** Fermanci pot estre dona de tot negocios en la chose de que l' uns est obligas à l' autre, jaseit zo que li obligacions seit tauz que accions non en naisse, sol que no seit contra lei li obligacions, issi quant est si le filt qui est el poer del pare a manleva pecuni contra lo comant de la lei: en cest cas no n' est tenus cel qui a fait fianci per lui. Mais si le sers d' alcun se oblige en alcuna maneiri, accions no nait contra lui; mais si alcuns fait fianci per lui, el n' est ben tenus. Si eu fau fianci per ti, e tu met atressi gajo al creiaor, e pueis eu li paio per ti, el me deit rendre lo gajo e donar la raison que el i a. Si dui homen fant fianci per .I., chascuns est tenus del tot; mais si il pount ben tuit paier, om no deit apellar chascun mais que de tant quant l' en eschat. — Mais si alcuns de lor no pot paier, li autri o devout paier. Si eu te fau fermanci per alcun, tu no te pos tornar à mi domentres que tu trovares al detor de que el te paieit, si pero no fu trait à covenent, o si el non est el lue. Mais denant que eu te paiesso, le

segner me deit donar ·I. jort, dedint qual jort eu lo queiro, e si eu lo pueis trovar, eu lo te dei aduire, e tu te deis tornar à lui· E si eu no lo pueis aduire, que no voile venir o no lo trovo, eu te dei paier, e tu me deis donar la raison que tu as contra lui· Si le detre est juges de perdre totes ses choses per alcun crisme que el a fait, el non est pueis tenus à sos creiaors, quar le segner a tot sos bens; mais jaseit zo que le detre seit desliuros, li fianci non est pas desliuros, mais li coventare paier· **419** [XXXIX.] [Quod] [aliquis] [potest] [facere] [firmanciam] [pro] [alio] [sine] [aliquo] [mandamento]· **420** Si tu as fait fermanci per alcun per mon comant, eu soi tenus à ti, e el est tenus à mi, ait saupu que tu aies fait la fermanci o no, sol que no t' o ait contradit, quar alcuns pot ben fare fianci per autre, lui no saipent e senz son comant, sol que no li o ait defendu· Mais cel qui fait la fianci<sup>[59]</sup> en tal maneiri, la deit fare en tal forma que non i ait colpa, quar si el la fait en forma que no deurit, e el i a dan, el no se pore pas tornar à cellui per cui fait la fianci, quar el o a per sa colpa· Si cel qui fait fianci per autrui o paie dreitureirrement, el s' en pot tornar à cellui per cui o paie e à son her· Cel qui fait fermanci à cella raison e cella defension que à cel per cui la fait· **421** [XL.] [Si] [firmancia] [pagavit] [illud] [quod] [non] [debuit]· **422** Si li fianci paie zo que le detre no deit, el en pot apellar cellui cui o a paié e no pas lo detor· E si le detre non ot ferm cel paiment que feit la fianci, el est tenus à sa seurta, e cel cui a paié li seurta est tenus al detor, quar el a preis zo que hom no li devit· — Si tu fais fermanci per mi de chosa qui seit contra lei, e danz t' en vint, eu no t' en soi tenus, jaseit zo que tu l' aies fait per mon comant· **423** [XLI.] [De] [solucionibus,] [hoc] [est] [de] [pagamento,] [et] [quomodo] [ille] [qui] [est] [obligatus] [de] [aliqua] [re] [potest] [liberari]· **424** Si tu me deis alcuna chosa, tu no me pos paier mais que la chosa que tu me deis, issi coma si tu me

deis ·XX. souz, tu no me pos paier autra chosa mais que los ·XX.  
 souz si eu no volo· Mais si tu non as deners de que tu me paiesse, tu  
 me pores paier d' autra chosa mobla si tu l' as; e, si tu no l' as, tu me  
 pores paier de chosa no mobla, si tu l' as, e de la melor que tu ares si  
 tu vouz, e issi sares desliuros· E si eu volo pendre cella chosa, e tu la  
 vouz pueis(...) **425** [XLII.] [De] [evictionibus,] [hoc] [est] [que]  
 [drichtura] [est] [si] [res] [quam] [vendidi] [tibi] [est] [tibi] [evicta].  
**426** ... ere mous de cella chosa qui est vendua, que l' achatare non o  
 face ja saver al vendaor, si el no vont, adonc le vendire deure  
 esmendar à l' achataor si li chosa li est osta raisonablament, issi ben  
 coma si li fust fait à saver· Cilli meesma raisons est si le vendire a  
 fait chosa per que l' achatare no li poet fare saver que li defendest la  
 chosa· Si li chosa m' est osta per la colpa del jugo, o per la mia, eu  
 non en pueis apellar cellui qui l' a m' a vendu, quar eu no l' ai perdu  
 raisonablament· Li colpa del jugo est si el non a dona per dreit lo  
 jugiment, ait o fait per sa fulli o quar no savit dreit ni raison· Li mia  
 colpa est si eu no soi allas al plait issi quant eu deupero, e per zo est  
 dona sentenci contra mi· Zo meesmo est si de part mi no furont dites  
 les raisons qui i deuperant estre dites, o si le plait no fu ben  
 recontas, e per zo ai perdu· — Cilli meesma raisons est si li chosa me  
 fu toute per forci, o si eu non o ai dit à mon vendaor o à son her· Si  
 eu t' ai vendu alcun heretajo qui pertenie à mi per dreit, e oi t' est  
 osta alcuna chosa de cel heretajo, eu non t' en soi tenus si no t' o ai  
 covenent· **427** [XLIII.] [De] [expensa] [que] [fuit] [facta] [in] [re]  
 [quam] [aliquis] [petit]· **428** Si li chosa que tu as e tins t' est osta, tu  
 la pos retenir tant que cel qui la prent t' ait rendu les messions que  
 tu i as fait utilment o necessariment, tant quant le jugos conuissire  
 que li chosa n' est meluria, e no pruis· E si mais i a de messions, de  
 que li chosa non est meluria, tu les pos querre cellui de cui tu as

gainne la chose, e pos recorar de li lo preis de cella chose, tant [quant] i as dona e no pruis, e lo [dan] [que] tu en as quar l' as perdu... **429** [XLIV.] [Quis] [tenetur] [de] [evictione] [et] [de] [dampno]· **430** (...) <sup>[60]</sup> te pot ben metre en plait, e querre la chose, jaseit zo que el te seit tenus d' esmendar lo dan que tu i ares, si el o autre t' en met en plait e l' en porte per dreit. **431** [XLV.] [Ille] [qui] [vendidit] [pignus] [non] [tenetur] [de] [evictione] [nisi] [in] [duobus] [casibus]· **432** Si eu t' ai vendu alcuna chose que eu avin en gajo, e ai te fait entendre que eu l' avin en gajo, si alcuns la t' oste, eu non en soi tenus d' esmendar t' en ren, si eu avin melor raison en cella chose que autre creire, si eu no t' ai promeis que eu la te defendrim de tot homent, e si eu non ai saupu que li chose fust cellui qui la m' a [en]gage· En cestos ·II. cas, te... tenus de defendre te la cho[sa]... esmendar lo dan que tu ... **433** [XLVI.] [Quando] [aliquis] [potest] [dicere] [de] [evictione] [et] [quando] [non]· **434** (...) <sup>[61]</sup> ... que eu te defendo la chose, o que t' esmendeiso lo dan que tu i as-  
**435** [XLVII.] [Si] [tu] [perdis] [rem] [quam] [dedi] [tibi] [tua] [culpa,] [non] [poteris] [redire] [ad] [me]· **436** Si li chose que eu t' ai vendu o dona, per alcuna justa causa, t' est osta, e tu avies alcuna raison per que tu te poies defendre, issi quant est per justa possession o per autra justa raison que tu avies de part ti o de part mi, de cui tu avies la chose, ni eu ni mos hers ni autre hom per mi non esmos tenu d' esmendar t' en ren, quar tu o as perdu per ta colpa o per ta fulli, quar tu deis dire celles raisons e celles defensions per que se poere defendre cel de cui tu as la chose, e issi te devont valer quant feirant à lui si el aest la chose· E si tu as dit celles raisons, e le jugos no les a volu receure ni aver per bones, e per zo a dona jugiment contra ti, tu non i as colpa, e pores ben tornar à cellui de cui tu as la chose· Mais cisti raisons non est pas si eu ai dit en

plait celles raisons que eu avim de part mi, issi...<sup>[62]</sup>

### Notes de transcription

<sup>[1]</sup> En tête du manuscrit se trouvent des débris de feuillets sur lesquels on relève des mots ou fragments de mots provenant des titres **i**, **ii** du livre I, et **ii**, **vii**, **viii**, **x**, **xi**, **xii**, **xiii**, **xiv**, **xvi** du livre II ; voir notre Introduction .

<sup>[2]</sup> Ms . {en} .

<sup>[3]</sup> Avant {o no} , le scribe a dû passer quelques mots ; cf . Fitting , p . 43 , l . 15 - 16 : {si dixero} : « {Hoc quod habes est meum} » , {uel} : « {Omnia que habes sunt mea , quia tu es seruus meus} » , {prius debet cognosci si tu es seruus meus uel non} .

<sup>[4]</sup> Mot écrit à l'encre rouge en interligne .

<sup>[5]</sup> Voir les Notes critiques à la fin du texte .

<sup>[6]</sup> Confusion du latin {voluptaria} « voluptuaire » avec {voluntaria} « volontaire » ; cf . l . 30 ; p . 31 , l . 26 et 29 ; p . 32 , l . 3 .

<sup>[7]</sup> Avant {quar} , le scribe a passé quelques mots correspondant à {nisi sit ancilla} du texte latin .

<sup>[8]</sup> Ms . {autra} .

<sup>[9]</sup> Le texte latin a {superfluum} , que deux manuscrits ont altéré en {super flumen} .

<sup>[10]</sup> Entre {cellui} et {lo} , le manuscrit porte {ne} ou {re} , qui n'offre pas de sens ; le latin a {similiter} (Fitting , p . 64 , l . 19) .

<sup>[11]</sup> Manque ici , comme en latin et en provençal , une proposition qui devrait compléter la phrase .

<sup>[12]</sup> Ms . {uouz} .

<sup>[13]</sup> Ms . {los} .

<sup>[14]</sup> Ms . {couencions} .

<sup>[15]</sup> Ms . {couencions} .

<sup>[16]</sup> Ms . {couencions} .

<sup>[17]</sup> Ms . {possessiom} .

<sup>[18]</sup> Ms . {raisom} .

<sup>[19]</sup> Ms . {no li a fait} (cf . Fitting , p . 153 , l . 17 : {si maritus fecit ei}) .

<sup>[20]</sup> Le latin porte : {quando ipsa dimisit filios} (Fitting , p . 164 , l . 26) .

<sup>[21]</sup> Cf . ci - dessus , p . 7 , note .

[<sup>22</sup>] Cf . ci - dessus , p . 7 , note .

[<sup>23</sup>] Cf . p . 7 , note .

[<sup>24</sup>] Ms . {que el no comandest} (cf . Fitting , p . 167 , l . 15 : {quod precipit}) .

[<sup>25</sup>] Ms . {parenteclt} .

[<sup>26</sup>] Ms . {qui} .

[<sup>27</sup>] Ms . {despesdua} .

[<sup>28</sup>] Ms . {enquerre} .

[<sup>29</sup>] Ms . {necessario} .

[<sup>30</sup>] Ms . {sant} .

[<sup>31</sup>] Le manuscrit répète {a cui} .

[<sup>32</sup>] Omission du scribe , supplée d'après le texte latin : {nec est differencia si dixerit} (Fitting , p . 224 , l . 19) .

[<sup>33</sup>] Le chapitre **xcx** manque .

[<sup>34</sup>] Ms . {laisser} .

[<sup>35</sup>] Ms . {lal} .

[<sup>36</sup>] Ms . {no uolgue} , par confusion du lat . {uoluit} avec {noluit} .

[<sup>37</sup>] Membre de phrase suppléé d'après le texte latin (Fitting , p . 241 , l . 15 - 16) .

[<sup>38</sup>] Ms . {uia} ; cf . Fitting , p . 241 , l . 17 .

[<sup>39</sup>] Ms . {paisiblament} ; cf . {tacite} dans Fitting , p . 242 , l . 22 .

[<sup>40</sup>] Lacune comblée d'après le texte latin (Fitting , p . 243 , l . 2) .

[<sup>41</sup>] Manque le chapitre **vi** , qui n'a pas de titre dans Fitting , p . 247 , l . 2 .

[<sup>42</sup>] Ms . {deu} .

[<sup>43</sup>] Manque le chapitre **x** , intitulé dans Fitting , p . 249 , l . 1 : {De bestiis et auibus que solent ire et redire} .

[<sup>44</sup>] Ms . {cura} .

[<sup>45</sup>] Ms . {mes} , avec un signe abréviaatif sur {e} .

[<sup>46</sup>] Ms . {encondua} .

[<sup>47</sup>] Ms . {for sennos} .

[<sup>48</sup>] Ms . {queer} .

[<sup>49</sup>] Ms . {no uolguit} .

[<sup>50</sup>] Ms . {la} .

[<sup>51</sup>] Ms . {e} .

[<sup>52</sup>] Ms . {rendrendre} .

[<sup>53</sup>] Mot répété .

[<sup>54</sup>] Le scribe a omis le {p} de {preieiri} .

[<sup>55</sup>] Ms . {gago} .

[56] Ms . {la} .

[57] Mot répété .

[58] Mot répété .

[59] Ms . {la fait fianci} .

[60] De chacune des neuf premières lignes ne subsistent que quelques mots ou fragments de mots .

[61] De chacune des dix premières lignes ne subsistent que quelques mots ou fragments de mots .

[62] A partir d'ici , les folios 52 et 53 du manuscrit n'offrent que des mots et fragments de mots dont les derniers appartiennent aux chapitres **I** et **II** .